

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona”, broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 110. sjednici, održanoj dana 08.05.2013. godine, d o n o s i

## **ZAKLJUČAK**

### **I.**

Utvrđuje se Prijedlog Zakona o šumama.

### **II.**

Prijedlog Zakona iz tačke I ovog Zaključka upućuje se u dalju Skupštinsku proceduru.

### **III.**

Zaključak stupa na snagu danom donošenja.

Broj: 02-\_\_\_\_\_ /13.

Datum, 08.05.2013. godine

Z e n i c a

**PREMIJER**

*mr.sci.Fikret Plevljak, dipl.ing.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na sjednici održanoj dana \_\_.\_\_.2013. godine, d o n o s i

## ZAKON O ŠUMAMA

### DIO PRVI-PREDMET

#### Član 1.

##### (Predmet Zakona)

- (1) Ovim Zakonom uređuje se čuvanje i zaštita šuma i šumskog zemljišta, jačanje njihovih funkcija, planiranje u šumarstvu i upravljanje šumama i šumskim zemljištem, ekonomske funkcije, finansiranje biološke obnove šuma na teritoriji Zeničko-dobojskog kantona (u daljem tekstu: Kanton), nadzor nad primjenom ovog Zakona, kaznene odredbe, kao i druga pitanja od značaja za šume i šumsko zemljište.
- (2) Šume i šumsko zemljište, kao dobro od općeg interesa, uživaju posebnu brigu i zaštitu Kantona općina i koriste se po uslovima i na način koji su propisani ovim Zakonom.
- (3) Šume i šumska zemljišta temeljni su prirodni resurs čije vrijednosti se manifestuju kroz ekološke, socijalne i proizvodne funkcije šuma.

#### Član 2.

##### (Definicija šuma i šumskih zemljišta)

- (1) Pod šumom, u smislu ovog Zakona, podrazumijeva se zemljište obraslo šumskim vrstama drveća i grmlja čija površina prelazi 1.000 m<sup>2</sup> i čija je širina najmanje 20 metara i ako njihove krošnje pokrivaju više od 30 % zemljišta. Šumom se smatraju i šumski rasadnici, plantaže šumskog drveća, čistine za trase dalekovoda i druga javna infrastruktura u šumi, površinske vode i močvare unutar šuma i sastojine šumskog drveća i žbunja koje su izrasle na poljoprivrednom zemljištu ako su starije od 30 godina i ako njihove krošnje pokrivaju više od 30 % zemljišta.
- (2) Šumsko zemljište, pored zemljišta obraslog šumom, obuhvata i neobrađeno, neiskorišteno ili neplodno zemljište izvan šume u onom omjeru u kojem obezbjeđuje ili potpomaže funkcije susjedne šume. Šumsko zemljište također sačinjavaju područja sa smanjenim šumskim pokrivačem, krš, čistine i livade unutar šuma.
- (3) U slučaju sumnje ili spora da li se neko zemljište smatra šumom ili šumskim zemljištem, odluku donosi Ministar Ministarstva za poljoprivredu, šumarstvo i vodoprivredu (u daljem tekstu: Ministar), uz pribavljeno mišljenje Kantonalne uprave za šumarstvo (u daljem tekstu: Kantonalna uprava).

#### Član 3.

##### (Definicija pojmova)

- (1) Pojmovi koji se koriste u ovom Zakonu imaju sljedeća značenja:
  1. **Biološka obnova šuma** podrazumijeva pripremu zemljišta za prirodno podmlađivanje, pošumljavanje neobraslog šumskog zemljišta, popunjavanje, njegu i čišćenje šumskih kultura, prorjeđivanje sastojina, sanaciju požarišta, prevođenje degradiranih sastojina u viši uzgojni oblik, doznaku stabala za sječū, rekonstrukciju i konverziju izdanačkih šuma, makija, šikara i šibljaka, zaštitu šuma, projektovanje, izgradnju, rekonstrukciju i održavanje šumske infrastrukture.
  2. **Čista sječū** znači sječū svog ili praktično svog drveća u sastojini izlažući taj dio zemljišta ekološkim uslovima goleti čime stvara ozbiljne poteškoće za stanište ili susjedne sastojine. Čistom sječūm ne smatra se uklanjanje starih sastojina ukoliko je njihova reprodukcija obezbijeđena na odgovarajući način.

3. **Konverzija šuma** je prevođenje šuma u viši uzgojni oblik.
4. **Etat** je dozvoljena sječiva drvena masa, odnosno drvena masa predviđena za sječu. Izražava se kao godišnji i desetogodišnji etat.
5. **Doznaka stabala** podrazumijeva odabiranje, obilježavanje i evidentiranje stabala za sječu.
6. **Funkcije šuma** su:
  - a) **ekološke**: biodiverzitet – zaštita staništa, zaštita zemljišta, zaštita voda, klimatska – uključujući ulogu šuma kod vezivanja ugljika iz zraka;
  - b) **ekonomske**: prihod od proizvodnje drveta i sekundarnih šumskih proizvoda;
  - c) **socijalne**: rekreacija, turizam, obrazovanje, istraživanje, odbrana, zaštita objekata i infrastrukture.
7. **Gospodarenje šumama** obuhvata planiranje, uzgajanje, zaštitu i korištenje šuma i šumskog zemljišta u skladu sa odredbama šumsko-privredne osnove;
8. **Gospodarska jedinica** je područje šume u kome se obezbjeđuje trajnost gospodarenja.
9. **Integralna zaštita šuma** predstavlja multidisciplinarni koncept koji zagovara odgovornost svih subjekata koji koriste prirodne resurse: političkih (upravljanje šumama), stručnih (gospodarenje šumama) i građana (podizanje svijesti). Integralna zaštita šuma se tako može sagledati sa dva aspekta: u širem smislu (obeveze svih subjekata društva) i u užem smislu (obveze samo djelatnosti šumarstva).
10. **Izvođač radova u šumarstvu** je fizičko ili pravno lice koje je registrirano za izvođenje radova u šumarstvu.
11. **Korisnik državnih šuma i šumskog zemljišta** je kantonalno šumsko-privredno društvo koje na osnovu ugovora zaključenog u skladu sa odredbama ovog Zakona i drugih zakona, obavlja poslove gospodarenja državnim šumama i šumskim zemljištem.
12. **Korištenje šume** obuhvata sječu i transport drveta, korištenje nedrvnih šumskih proizvoda kao i prodaju šumskih drvnih sortimenata i nedrvnih šumskih proizvoda.
13. **Krčenje šume** u smislu ovog Zakona je promjena namjene šumskog zemljišta. Izgradnja objekata u šumi i na šumskom zemljištu potrebnih za gospodarenje šumama kao i za prehranu i uzgoj divljači ne smatra se krčenjem.
14. **Otvorena vatra** je svaka zapaljena vatra izvan zatvorenog objekta koji je pod krovom i zatvorenim ognjištem.
15. **Šumski požar** je požar koji nastaje i širi se šumom i šumskim zemljištem ili koji nastaje na nekom drugom zemljištu i širi se šumom i šumskim zemljištem.
16. **Paljike** su opožarene površine nastale poslije požara.
17. **Pašarenje** je puštanje stoke na ispašu, žirenje i brst, kresanje grana i lisnika za prehranu stoke.
18. **Površinske vode** su stalni i povremeni vodeni tokovi, te stajace vode.
19. **Pravno lice registrovano za obavljanje poslova u šumarstvu** je privredno društvo registrovano kod nadležnog suda za poslove šumarstva koje u stalnom radnom odnosu ima uposlenog najmanje jednog diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja) sa najmanje dvije godine radnog iskustva u struci.
20. **Privremeni godišnji plan gospodarenja državnim i privatnim šumama** je plan gospodarenja državnim i privatnim šumama kojeg za državne šume izrađuje korisnik državnih šuma i šumskog zemljišta, a za privatne šume Kantonalna uprava ili pravno lice registrovano za obavljanje poslova šumarstvu i to po isteku šumsko-privredne osnove. Istim se ne može gospodariti duže od godinu dana, a postupak donošenja je isti kao i za šumsko-privredne osnove.
21. **Pustošenje šuma** podrazumijeva podbjeljivanje stabala, oštećivanje stabala i njihovih dijelova, uništavanje i oštećivanje podmlatka, kao i svaka druga radnja kojom se slabi prinostna snaga šume i šumskog zemljišta, ugrožava opstanak šuma i njihove ekološke funkcije.
22. **Sanitarna sječa** znači sječu zaraženih, insektima napadnutih, veoma oštećenih ili izvaljenih stabala.

23. **Šumska infrastruktura** su šumski putevi, stalne vlake, stalne žičare i druge šumske komunikacije, objekti i kapaciteti u šumama koji su namijenjeni za gospodarenje i zaštitu šuma.
24. **Šumski proizvodi** su svi proizvodi šuma i šumskog zemljišta, uključujući, ali ne ograničavajući se na:
- šumsko drveće i žbunje i svi njihovi dijelovi;
  - sjeme, košunjčavo voće, bobičasti plodovi, kora drveta, korijen, šišarke i plodovi druge vegetacije unutar šume;
  - mahovina, paprat, trava, trska, cvijeće, ljekovito, aromatsko i jestivo bilje i druge biljke;
  - gljive;
  - biljni sok ili smola;
  - med;
  - listinac;
  - ostale životinje koje žive u šumi izuzev divljači;
  - travnati ili pašnjački prekrivač;
  - treset, zemlja, pijesak, šljunak, kamen sa površine zemlje (u daljem tekstu: mineralne sirovine).
  - nedrvni šumski proizvodi iz alineje b) do j) ove tačke predstavljaju dobra biološkog porijekla, osim drveta, kao i usluge koje proizilaze iz šume i šumskog zemljišta.
25. **Šumsko-privredno područje** predstavlja u stanišnom, biološkom, geografskom, prometnom, ekološkom i ekonomskom pogledu jednu zaokruženu cjelinu u okviru koje se obezbjeđuje trajnost gospodarenja šumama i šumskim zemljištima.
26. **Šumski putevi** su putevi izgrađeni na šumskom zemljištu, sa pratećom infrastrukturom, koji su namijenjeni za prijevoz šumskih proizvoda, te sav saobraćaj vezan za gospodarenje šumama i radi zaštite šuma od požara (za prolaz vatrogasnih vozila i tehnike) i za spajanje sa sistemom javnih puteva. Vlake nisu šumski putevi osim ako ne zadovoljavaju minimalne standarde određene za šumske puteve.
27. **Šumski reprodukcioni materijal je:**
- sjeme: šišarke, plodovi i sjeme namijenjeno za proizvodnju biljaka;
  - dijelovi biljaka: grančice i snopovi rezanih grana namijenjeni za proizvodnju biljaka;
  - mlade biljke: biljke uzgojene iz sjemena ili dijelova biljke, uključujući i mlade biljke iz prirodnog podmlatka.
28. **Šumsko-uzgojne mjere** su sve mjere i aktivnosti koje doprinose osnivanju novih sastojina u šumi i poboljšanju njihove stabilnosti, raznolikosti ili kvaliteta. Šumsko uzgojne mjere uključuju:
- mjere za obnovu šuma**, odnosno za stvaranje novih sastojina;
  - njegu šuma u mladim razvojnim fazama**, uključujući prorjeđivanje mlađih sastojina;
  - specijalnu njegu** mladih faza u prebornim šumama i drugim raznolikim šumama, izdanačkim šumama, kao i rubova šuma;
  - rekonstrukciju i konverziju** izdanačkih šuma, šikara, makija i šibljaka.
29. **Trajnost gospodarenja šumama** podrazumjeva korištenje proizvoda šuma i upotrebu šuma i šumskih zemljišta na način i sa intenzitetom koji će očuvati njihov biodiverzitet, proizvodnost, sposobnost obnavljanja, vitalnost, te povećati njihov potencijal da sada i u budućnosti obavljaju značajne ekološke, ekonomske i socijalne funkcije na lokalnom i globalnom nivou, a da se pri tom ne ugrozi funkcionisanje drugih ekosistema.
30. **Upravljanje šumama i šumskim zemljištima** podrazumijeva administrativno-upravne poslove Ministarstva i Kantonalne uprave, koji se sastoje od kreiranja jedinstvene šumarske politike, dugoročnog (strateškog) i srednjoročnog planiranja, kontrole i stručnog nadzora korištenja šuma i šumskog zemljišta u cilju očuvanja i unaprjeđenja trajnosti gospodarenja šumama.

31. **Uredajni period** je vremenski period za koji se donosi dugoročni plan gospodarenja šumama i šumskim zemljištem šumsko-privredna osnova za šumsko-privredno područje.
32. **Vlasnici privatnih šuma** su pravna i fizička lica koja su na zakonit način stekla pravo vlasništva nad šumom ili šumskim zemljištem, koje se dokazuje izvodom iz zemljišnih knjiga.
33. **Zaštita šuma** je skup mjera i aktivnosti koje su dužni preduzimati vlasnici i korisnici koji gospodare šumama i šumskim zemljištem radi zaštite šuma od požara, drugih prirodnih nepogoda, štetnih organizama i štetnih antropogenih uticaja.
34. **Divljač** su posebnim zakonom određene životinjske vrste koje slobodno žive u prirodi.

## DIO DRUGI-PLANIRANJE U ŠUMARSTVU

### Član 4.

#### (Kantonalni šumsko-razvojni plan)

- (1) Kantonalni šumsko-razvojni plan izrađuje se svakih deset godina za sve šume i šumsko zemljište, bez obzira na vlasništvo s ciljem da se obezbijedi trajnost gospodarenja šumama i šumskim zemljištem na području kantona.
- (2) Kantonalni šumsko-razvojni plan uvažava smjernice za gospodarenje prirodnim i kulturnim nasljeđem u šumama i na šumskom zemljištu, uslove za gospodarenje vodama, kao i potrebe razvoja lokalne zajednice.
- (3) Kantonalni šumsko-razvojni plan sadrži najmanje sljedeće:
  - a) kartu sa ucrtanim granicama šuma i šumskog zemljišta, granicama šumsko-privrednih područja i gospodarskih jedinica, uzimajući u obzir granice općina i kategoriju nosioca prava na šumama; gdje će svi analitički i grafički podaci biti u GIS formatu.
  - b) procjenu funkcija šuma i njihov uticaj na okoliš;
  - c) klasifikaciju šuma po površinama, prema njihovim funkcijama i prirodnim karakteristikama, a koje se posebno odnose na stanište;
  - d) procjenu drvene zalihe i njenog kvaliteta, prirasta, podmlađivanja, biodiverziteta i zdravstvenog stanja;
  - e) smjernice za gospodarenje šumama različitih gazdinskih klasa i kategorija šuma;
  - f) otvorenost šuma sa planom izgradnje novih šumskih puteva;
  - g) smjernice za pošumljavanje šumskog zemljišta;
  - h) procjenu ugroženosti šuma od požara, određenu po stepenu opasnosti i smjernice za zaštitu šuma od požara;
  - i) smjernice za korištenje nedrvenih šumskih proizvoda;
  - j) smjernice za lovstvo i gospodarenje nad divljači;
  - k) program bioloških i tehničkih investicija i rentabilnost radova.
- (4) Kod izrade Kantonalnog šumsko-razvojnog plana koriste se podaci iz šumsko-privrednih osnova i lovno-privrednih osnova.
- (5) Vlada Zeničko-dobojskog kantona (u daljem tekstu:Vlada) donosi Kantonalni šumsko-razvojni plan, a Ministarstvo za poljoprivredu, šumarstvo i vodoprivredu (u daljem tekstu: Ministarstvo) je odgovorno za njegovu pripremu, izradu i realizaciju.
- (6) Ministarstvo je dužno prilikom izrade plana zatražiti od svih zainteresiranih strana, a posebno od zainteresiranih jedinica lokalne samouprave da daju svoje prijedloge i mišljenja.
- (7) Ministarstvo je dužno trajno čuvati Kantonalni šumsko-razvojni plan.

## **Član 5.**

### **(Šumsko-privredno područje)**

- (1) U cilju obezbjeđenja racionalnog i trajnog gospodarenja državnim šumama i šumskim zemljištem formira se šumsko-privredno područje.
- (2) Šumsko-privredna područja predstavljaju u geografskom, prometnom, ekološkom i ekonomskom pogledu jednu zaokruženu cjelinu u okviru koje se osigurava trajnost gospodarenja šumskim ekosistemima.
- (3) U administrativnim granicama Kantona može se formirati više šumsko-privrednih područja.
- (4) Šumsko-privredna područja dijele se na gospodarske jedinice.
- (5) Formiranje šumsko-privrednih područja zasniva se na stručnom elaboratu, koji pored prijedloga sa obrazloženjem bioloških, tehničkih i ekonomskih pokazatelja sadrži opšte kriterije, a naročito:
  - a) preglednu kartu područja sa ucrtanim izohipsama, vanjskim granicama šumsko-privrednog područja, granicama unutrašnje podjele šuma po gospodarskim jedinicama i odjelima, ucrtanom mrežom trajnih šumskih puteva, izvorištima i vodotocima, objektima koji su od značaja za gospodarenje šumama i opis granica šumsko-privrednih područja,
  - b) popis katastarskih parcela po katastarskim općinama i zemljišnoknjižnim ulošcima, sa kulturama, klasama i površinama koje ulaze u šumsko-privredno područje,
  - c) podatke o drvenoj zalihi po gospodarskim jedinicama, kategorijama šuma i vrstama drveća,
  - d) ukupan godišnji zapreminski prirast po kategorijama šuma i vrstama drveća,
  - e) prosječan godišnji etat po kategorijama šuma i vrstama drveća,
  - f) procjenu prihoda i rashoda gospodarenja šumama i šumskim zemljištima u okviru šumsko-privrednog područja,
  - g) podatke o mogućnostima korištenja nedrvenih šumskih proizvoda, divljači, turizma, sporta i rekreacije,
  - h) prikaz podataka iz tačaka c), d), e), f) i g) stava (5) ovog člana po općinama Kantona.
- (6) Odluku o formiranju šumsko-privrednih područja ili reviziji njihovih granica donosi Vlada, na prijedlog Ministarstva i na osnovu stručnog elaborata iz stava (5) ovog člana. Zahtjev za formiranje šumsko-privrednih područja ili reviziju njihovih granica može podnijeti Ministarstvo, općine Kantona i Kantonalno šumsko-privredno društvo ili vlasnik šume.
- (7) Stručni elaborat iz stava (5) ovog člana izrađuje visokoškolska naučno-istraživačka ustanova iz oblasti šumarstva, a troškove njegove izrade snosi podnosilac zahtjeva za formiranje šumsko-privrednih područja ili reviziju njihovih granica
- (8) Opće kriterije za formiranje šumsko-privrednih područja utvrđuje Vlada na prijedlog Ministarstva.

## **Član 6.**

### **(Šumsko-privredna osnova)**

- (1) Šumama na području jednog šumsko-privrednog područja gospodari se po odredbama šumsko-privredne osnove, privremenog godišnjeg plana gospodarenja, godišnjeg plana gospodarenja i projekta za izvođenje radova u šumarstvu. Šumsko-privredna osnova izrađuje se za period od deset godina i njene odredbe su obavezujuće.
- (2) Izuzev od odredaba stava (1) ovog člana, ako ne postoje objektivne mogućnosti pravovremene izrade nove šumsko-privredne osnove, državnim i privatnim šumama i šumskim zemljištem može se gospodariti najduže godinu dana na osnovu privremenog godišnjeg plana gospodarenja za koji je postupak donošenja isti kao i za šumsko-privredne osnove. Odredbe privremenog godišnjeg plana gospodarenja su obavezne. Godina izvršenja privremenog godišnjeg plana gospodarenja smatra se godinom izvršenja nove šumsko-privredne osnove.
- (3) Ukupan obim sječa predviđen šumsko-privrednom osnovom za uređajni period, po vrstama drveća i gazdinskim klasama, ne smije se prekoračiti. Od ukupno planirane količine sječe za planski period za visoke šume sa prirodnom obnovom, u okviru šumsko-privrednog područja godišnje se realizuje prosječna godišnja količina.

- (4) Šumsko-privredna osnova, prostorni plan, plan upravljanja vodama, lovno-privredna osnova, evidencije koje se vode u Zavodu za zaštitu kulturno historijskog i prirodnog naslijeđa i planovi korištenja mineralnih sirovina moraju biti međusobno usklađeni.
- (5) Vlada Zeničko-dobojskog kantona je vlasnik svih podataka i dokumenata u elektronskoj i drugoj formi izrađenih tokom izrade šumsko-privredne osnove za sve šume.
- (6) Šumsko-privrednu osnovu može izrađivati pravno lice registrovano za obavljanje poslova u šumarstvu, koje u stalnom radnom odnosu ima najmanje četiri diplomirana inženjera šumarstva (VII stepen stručne spreme), odnosno mastera diplomirana inženjera šumarstva (Bolonjski sistem studiranja) za uzgoj i zaštitu šuma, uređivanje, iskorištavanje šuma i ekonomiku u šumarstvu, sa radnim iskustvom od najmanje pet godina na navedenim poslovima i položenim stručnim šumarskim ispitom.
- (7) Nadzor nad prikupljanjem podataka za izradu šumsko-privredne osnove i provjera njihove tačnosti su obavezni i može ih vršiti pravno lice registrovano u skladu sa stavom (6) ovog člana ili visokoškolska naučno-istraživačka ustanova iz oblasti šumarstva.
- (8) Šumsko-privrednu osnovu za državne šume i šumsko zemljište donosi šumsko-privredno društvo (u daljem tekstu: korisnik državnih šuma i šumskog zemljišta) uz prethodno pribavljenu saglasnost Ministarstva, koja se izdaje na osnovu prijedloga stručne komisije i mišljenja općine. Mišljenje sa stručnim obrazloženjem, općina je dužna dostaviti Ministarstvu najkasnije u roku od 30 dana od dana prijema zahtjeva. Ukoliko općina ne dostavi mišljenje u ostavljenom roku od 30 dana smatrat će se da nema primjedbi na odredbe šumsko-privredne osnove koja se odnosi na šume i šumska zemljišta u njenim administrativnim granicama. Šumsko-privredna osnova za državne šume i šumsko zemljište ne može se primjenjivati, prije nego što na nju Ministarstvo da saglasnost.
- (9) Šumsko-privrednu osnovu za privatne šume i šumsko zemljište, na osnovu prijedloga stručne komisije, donosi Ministarstvo.
- (10) Poslove izrade šumsko-privredne osnove za državne šume i šumsko zemljište finansira korisnik državnih šuma i šumskog zemljišta i odgovoran je za njenu pravovremenu izradu. Korisnik državnih šuma i šumskog zemljišta je dužan najmanje 120 dana prije isteka roka važnosti šumsko-privredne osnove, dostaviti dva primjerka novoizrađene osnove Ministarstvu.
- (11) Nadzor nad izradom šumsko-privrednih osnova obezbijedit će Ministarstvo putem Kantonalne uprave. Pravno lice registrovano za izradu šumsko-privrednih osnova može otpočeti radove na prikupljanju podataka za izradu šumsko-privredne osnove kada se obezbijedi i nadzor nad prikupljanjem podataka. Propuste u izradi šumsko-privredne osnove utvrđene od strane Ministarstva-Kantonalne uprave, dužno je da otkloni u ostavljenom roku i o svom trošku pravno lice kojem je povjerena izrada šumsko-privrednih osnova.
- (12) Sastav, rad i troškove stručne komisije iz stava (8) i (9) ovog člana, određuje Ministar.
- (13) Ako postoje objektivni razlozi za odstupanje od šumsko-privredne osnove, naročito zbog prirodnih nepogoda ili bitno promijenjenih privrednih uslova, obavezno je izvršiti njenu reviziju. Reviziju odobrava i na izvršenu reviziju daje saglasnost Ministarstvo i jedan primjerak se dostavlja Kantonalnom šumarskom inspektor (u daljem tekstu: šumarski inspektor).
- (14) Ministar donosi pravilnik o sadržaju i postupku izrade šumsko-privrednih osnova za državne i privatne šume, kao i reviziju istih.

## Član 7.

### **(Godišnji plan gospodarenja za realizaciju šumsko privredne osnove)**

- (1) Šumsko-privredna osnova se realizuje godišnjim planovima koji sadrže prosječno jednu desetinu svih planiranih radova po šumsko-privrednoj osnovi. Sastavni dio godišnjeg plana gospodarenja državnim šumama i šumskim zemljištem su projekti za izvođenje svih planiranih radova.
- (2) Saglasnost na godišnji plan gospodarenja državnim šumama i šumskim zemljištem, koji je korisnik državnih šuma i šumskog zemljišta dužan dostaviti najkasnije do 30.11. tekuće za narednu godinu, daje Kantonalna uprava u roku od 30 dana od dana prijema godišnjeg plana gospodarenja, a radovi predviđeni godišnjim planom gospodarenja ne mogu se započeti bez saglasnosti Kantonalne uprave.

(3) Ukoliko u toku godine postoje opravdani razlozi može se izvršiti izmjena godišnjeg plana gospodarenja državnim šumama i šumskim zemljištem na način kako je to predviđeno stavom (2) ovog člana.

(4) Usvojeni godišnji plan gospodarenja korisnik državnih šuma i šumskog zemljišta je dužan u roku od 15 dana od dana usvajanja dostaviti Kantonalnoj upravi za inspeksijske poslove - šumarskoj inspekciji i općini na čijem području će se izvoditi radovi predviđeni godišnjim planom gospodarenja.

### **Član 8.**

#### **(Projekat za izvođenje radova u šumarstvu)**

(1) Projekat za izvođenje radova u šumarstvu se izrađuje za uređajnu jedinicu-odjel za državne šume i katastarsku parcelu/parcele za privatne šume. Radovi predviđeni projektom za izvođenje su obavezni.

(2) Projekat za izvođenje radova u šumarstvu mora sadržavati planove svih potrebnih biotehničkih mjera u okviru pojedinih sastojina unutar odjela, a u skladu sa predviđenim ciljevima gospodarenja i to: plan sječa, plan šumsko-uzgojnih radova, plan zaštite i korištenja šuma po obimu, mjestu i vremenu izvođenja, preglednu kartu, procjenu uticaja radova na okoliš i ekonomsku analizu.

(3) Projekat za izvođenje radova u šumarstvu mogu izrađivati diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci i položenim stručnim ispitom. Korisnik državnih šuma i šumskog zemljišta, odnosno vlasnik privatne šume, određuje lice za izradu projekta za izvođenje radova u šumarstvu, kao i realizatora projekta diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja).

(4) Projekat za izvođenje radova u šumarstvu donosi korisnik državnih šuma i šumskog zemljišta za državne šume, a za privatne šume Kantonalna uprava ili pravno lice registrovano za obavljanje poslova u šumarstvu.

(5) Izuzetno od stava (1) ovog člana, projekat za izvođenje radova u šumarstvu može se izrađivati za više odjela u jednom slivu ako sječa i izrada sanitarnih užitaka ne prelazi više od 100 m<sup>3</sup> po jednom odjelu.

(6) Za privatne šume izrađuju se projekti za šumsko-uzgojne radove kao i za sječu ako je godišnji obim sječa veći od 100 m<sup>3</sup> po k.č.

(7) Korisnik državnih šuma i šumskog zemljišta određuje realizatora projekta diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja) sa najmanje tri godine radnog iskustva u struci sa položenim stručnim ispitom, koji je odgovoran za stručno izvođenje radova po projektu.

(8) Projekat za izvođenje ima trajan karakter i čuva se u arhivi korisnika šuma i šumskog zemljišta, Kantonalne uprave ili pravnog lica za obavljanje stručnih poslova u privatnim šumama.

(9) Korisnik državnih šuma i šumskog zemljišta i Kantonalna uprava ili pravno lice registrirano za obavljanje poslova u šumarstvu za privatne šume dužni su da vode registar izrađenih i donesenih projekata za izvođenje radova u šumarstvu i da sve izvršene radove po projektu evidentiraju u odgovarajuće evidencije, koje će propisati Ministar.

## **DIO TREĆI-PRIVREĐIVANJE U ŠUMARSTVU**

### **Član 9.**

#### **(Doznaka stabala za sječu)**

(1) Doznaka stabala za sječu vrši se odabiranjem stabala ili obilježavanjem površina obraslih drvećem. Obilježavanje površina za sječu može se vršiti samo u izdanačkim šumama u svrhu konverzije šuma.

(2) Doznaku stabala za sječu može vršiti diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), sa najmanje dvije godine radnog iskustva u struci kojeg odredi korisnik državnih šuma i šumskog



zemljišta za državne šume, a za privatne šume Kantonalna uprava, odnosno pravno lice registrovano za obavljanje poslova u šumarstvu.

(3) Izuzetno od stava (2) ovog člana, doznaku stabala u državnim i privatnim šumama koje su predviđene za sanitarnu sječu i za snabdijevanje ogrevnim drvetom može vršiti bakalareat šumarstva sa najmanje jednom godinom radnog iskustva u struci ili šumarski tehničar sa pet godina radnog iskustva u struci, uz kontrolu diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja).

(4) Doznaka i sječa stabala ne može se vršiti u šumama za koje imovinsko-pravni odnosi nisu riješeni, utvrđene granice i na terenu vidno i na propisan način obilježene, izuzev doznake i sječe slučajnih užitaka, koji su zaraženi, napadnuti od potkornjaka i drugih štetočina, prelomi, vjetrotizvale i dr, u cilju sprječavanja zaraze (kalamiteta).

(5) Doznaka stabala za sječu i obim šumsko-uzgojnih radova u privatnim šumama vrši se u skladu sa šumsko-privrednom osnovom, na osnovu rješenja Kantonalne uprave.

(6) Doznaka i sječa stabala, odnosno površina za sječu, može se odobriti samo licu koje uz zahtjev dostavi dokaze o pravu vlasništva i posjeda (zemljišnoknjižni izvadak, posjedovni list).

(7) Protiv rješenja iz stava (5) ovog člana može se izjaviti žalba Ministarstvu u roku od osam dana od dana prijema istog.

(8) Stabla u šumi mogu se sjeći tek poslije izvršene doznake, izrade projekta za izvođenje radova u šumarstvu, obavještanja Kantonalne uprave i općine na čijem se području vrši sječa.

(9) Ministar donosi Pravilnik kojim se propisuje način doznake i obilježavanja površina za sječu.

## **Član 10.** **(Sječa šuma)**

(1) Stabla u šumi mogu se sjeći tek poslije njihovog odabiranja i obilježavanja u skladu sa smjernicama šumsko-privredne osnove.

(2) Prije sječe u državnim šumama, redovne ili sanitarne, korisnik državnih šuma i šumskog zemljišta prijaviti će sječu šumarskom inspektor. Prijava će biti poslana najmanje 14 dana i najviše 60 dana prije početka sječe doznačenih stabala i sadržavat će:

- a) broj odjela iz šumsko-privredne osnove, odluku o donošenju projekta i razlog za sječu u slučaju sanitarne ili druge slučajne sječe;
- b) planirani rok za sječu;
- c) vrstu sječe, količinu i strukturu drvne mase za sječu po vrstama drveća;
- d) način obnove šume;
- e) šumsko-uzgojne i zaštitne mjere koje će se sprovesti nakon sječe;
- f) način izvlačenja šumskih drvnih sortimenta sa skicom postojećih i novih vlaka;
- g) identifikaciju osobe koja je izvršila doznaku i izradila projekat za izvođenje.

(3) Šteta koja se nanese zemljištu mora biti popravljena odmah nakon završetka izvlačenja šumskih drvnih sortimenata. Ministar će propisati način, oblik i sadržaj obrasca o prijavi sječe.

(4) Ukoliko postoji opravdan razlog za sumnju da je planirana ili započeta sječa ili druge radnje u suprotnosti sa šumsko-privrednom osnovom, ovim zakonom ili propisima koji su doneseni na osnovu ovog zakona, nadležni šumarski inspektor može zabraniti planiranu sječu dok se ne otklone utvrđene nepravilnosti.

(5) Korisnik državnih šuma i šumskog zemljišta dužan je prije sječe, o planiranoj sječi obavijestiti Kantonalnu upravu i općinu na čijem se području vrši sječa.

(6) Pravna i fizička lica koja nanesu štetu u državnim i privatnim šumama i na šumskom zemljištu po bilo kom osnovu, dužni su nosiocu prava upravljanja državnim šumama i šumskim zemljištem, odnosno vlasniku privatne šume nadoknaditi štetu prema odštetnom cjenovniku koji će propisati Ministar.

## **Član 11.** **(Biološka obnova šuma)**

(1) Korisnik državnih šuma i šumskog zemljišta i vlasnik/predstavnik vlasnika privatne šume

i šumskog zemljišta dužni su izvršavati poslove biološke obnove šuma, minimalno u obimu koji je predviđen šumsko-privrednom osnovom.

(2) Biološka obnova šuma podrazumijeva: pripremu zemljišta za prirodno podmlađivanje, pošumljavanje i sjetva sjemenom neobraslog šumskog zemljišta, popunjavanje, njegu i čišćenje šumskih kultura, proizvodnju šumskog sjemena i šumskog sadnog materijala, prorjeđivanje sastojina, sanaciju požarišta, prevođenje degradiranih sastojina u viši uzgojni oblik, doznaku stabala za sječū, rekonstrukciju i konverziju izdanačkih šuma, makija, šikara i šibljaka, zaštitu šuma, certificiranje gospodarenja šumama, projektovanje, izgradnju, rekonstrukciju i održavanje šumske infrastrukture, saniranje i obnova šumskih površina koje su stradale od prirodnih nepogoda ili katastrofa, kupovinu zemljišta u svrhu podizanja novih šuma uključujući i podizanje plantaža brzorastućih vrsta drveća, naučno istraživački rad i stručno obrazovanje kadrova iz djelokruga rada šumarstva.

(3) Planirani obim biološke obnove šuma u šumsko-privrednim osnovama mora biti usklađen sa Kantonalnim šumsko-razvojnim planom.

## **Član 12.**

### **(Tehnički prijem radova)**

(1) Za izvedene radove po projektu za izvođenje vrši se tehnički prijem, a najkasnije u roku od 30 dana od dana okončanja radova.

(2) Tehnički prijem radova izvedenih po projektu za izvođenje radova u šumarstvu vrši komisija za tehnički prijem radova, koju za državne šume formira korisnik državnih šuma i šumskog zemljišta, a za privatne šume Kantonalna uprava ili pravno lice registrirano za obavljanje poslova u šumarstvu.

(3) Komisija iz stava (2) ovog člana sastoji se od tri člana. U sastav komisije obavezno ulazi diplomirani inženjer šumarstva (VII stepen stručne spremlje), odnosno master diplomirani inženjer šumarstva (Bolonjski sistem studiranja), koji je izradio projekat za izvođenje radova u šumarstvu, a ostala dva člana su diplomirani inženjeri šumarstva (VII stepen stručne spremlje), odnosno masteri diplomirani inženjeri šumarstva (Bolonjski sistem studiranja), predstavnik Kantonalne uprave sa položenim stručnim ispitom.

Tehnički prijem radova pošumljavanja (kolaudacija) vrši se poslije dvije godine od završetka njihovog izvođenja.

(4) Realizator projekta iz člana 8. stav (3) ovog zakona ne može biti imenovan u komisiju za tehnički prijem radova.

(5) Ako se prilikom tehničkog prijema utvrdi da radovi nisu izvršeni u skladu sa projektom za izvođenje korisnik državnih šuma i šumskog zemljišta, odnosno vlasnik šuma je dužan utvrdene nedostatke otkloniti i radove izvršiti u roku koji odredi komisija. Nakon isteka roka komisija vrši ponovni pregled.

(6) O izvršenom tehničkom prijemu izvedenih radova, komisija sačinjava zapisnik u kojem se obavezno konstatuje uspjeh, obim i kvalitet izvršenih radova po projektu za izvođenje.

(7) Primjerak zapisnika komisije dostavlja se u roku od osam dana od dana završetka pregleda Kantonalnoj upravi za inspekcijske poslove-šumarskom inspektorū.

(8) Svi izvršeni radovi i nalaz komisije obavezno se evidentiraju u registar evidencije, koji će pravilnikom propisati Ministar.

## **Član 13.**

### **(Izvođenje radova u šumarstvu)**

(1) Radove u šumarstvu mogu obavljati pravna lica registrovana za obavljanje djelatnosti u šumarstvu i koja posjeduju rješenje Ministarstva.

(2) Pravna lica koja obavljaju poslove u šumama dužna su obezbijediti mjere zaštite na radu u skladu sa propisima iz oblasti zaštite na radu i zaštite od požara i obavezna su sprovesti adekvatnu obuku zaposlenih.

(3) Kantonalna uprava, u saradnji sa obrazovnim ustanovama, organizira obuke iz stava (1) ovog člana za zaposlenike pravnih lica registriranih za obavljanje poslova u šumarstvu, koji nemaju

uvjerenje o završenoj šumarskoj obuci, kao i za vlasnike privatnih šuma, o čemu je dužna pribaviti uvjerenje ustanove koja je izvršila obuku.

(4) Ministar donosi Pravilnik kojim se propisuju uslovi koje moraju ispunjavati izvođači radova u šumarstvu iz stava (1) ovog člana.

#### **Član 14.**

##### **(Zabrana čistih sječa i drugih oblika pustošenja šuma)**

(1) Nisu dozvoljene čiste sječe i drugi oblici pustošenja šuma izuzev pripreme šumsko-uzgojnih mjera s ciljem unaprjeđenja šumskih sastojina u obimu koji je planiran šumsko-privrednom osnovom iz sanitarnih razloga ili provođenja preventivnih zaštitnih mjera.

(2) Sve površine nastale čistom sječom i paljike moraju biti pošumljene u roku od dvije godine nakon sječe ili šumskog požara, prirodnom obnovom ili putem pošumljavanja.

## **DIO ČETVRTI-ZAŠTITA OD BIOTIČKIH I NEBIOTIČKIH AGENSA**

#### **Član 15.**

##### **(Preventivne mjere zaštite šuma)**

(1) Preventivne mjere zaštite od biotičkih i nebiotičkih agensa, koji bi mogli ugroziti stabilnost šuma i njihove funkcije, zasnivaju se na gospodarenju šumama, koje uvažava prirodne procese, kao i na održavanju i odgovarajućem unaprjeđenju biodiverziteta u šumi.

(2) Korisnik državnih šuma i šumskog zemljišta i vlasnici privatnih šuma i šumskog zemljišta dužni su da provode ili obezbjeđuju provođenje šumskog reda, sanitarne sječe i druge preventivne mjere prije nego što bi se šume mogle ugroziti prekomjernim razmnožavanjem insekata, širenjem uzročnika biljnih bolesti ili drugih štetnih organizama.

(3) Kantonalna uprava prikuplja podatke u vezi sa zaštitom šuma, koje korisnik državnih šuma i šumskog zemljišta dostavlja u roku koji odredi Kantonalna uprava, obezbjeđuje informacije o pojavi biljnih bolesti i štetočina; savjetuje o pitanjima koja se tiču integralne zaštite šuma.

(4) Ministar naređuje dodatne mjere za zaštitu šume ukoliko Kantonalna uprava ustanovi da je biološka ravnoteža poremećena ili ukoliko postoji opasnost od drugog velikog oštećenja šume.

#### **Član 16.**

##### **(Obnova šuma nakon nepogode)**

U slučaju nepogode u šumi uzrokovane bilo kojim biotičkim ili nebiotičkim agensom korisnik državnih šuma i šumskog zemljišta za državne šume, a Kantonalna uprava za privatne šume, dužni su da pripreme plan za obnovu oštećenih i uništenih šuma i šumskog zemljišta, koji sadrži opis nepogode, stepen oštećenja šume, mjere koje se trebaju provesti i troškove sanacije i obnove.

## **DIO PETI-PROMET DRVETA I NEDRVNIH ŠUMSKIH PROIZVODA**

#### **Član 17.**

##### **(Promet drveta i nedrvnih šumskih proizvoda)**

(1) Zabranjeno je pomjerati od panja drvo, dijelove stabala i grane posječene u šumi i izvan šume (na poljoprivrednom zemljištu, međama, pojedinačna stabla i sl.), dok se ne obilježi šumskim čekićem (žigoše), obrojči i premjeri, niti stavljati u promet dok se ne izda otpremni iskaz.

(2) Žigosanje, obrojčavanje, premjeravanje i izdavanje otpremnog iskaza za drvo koje potiče iz državne šume vrši korisnik državnih šuma i šumskog zemljišta, a za drvo iz privatnih šuma i sa drugih površina Kantonalna uprava ili pravno lice registrirano za obavljanje poslova u šumarstvu.

(3) Zabranjeno je nedrvne šumske proizvode stavljati u promet bez odobrenja korisnika državnih šuma i šumskog zemljišta ili vlasnika šume.

(4) Pod prometom drveta i nedravnih šumskih proizvoda, u smislu ovog zakona, podrazumijeva se pomjeranje od panja, prevoz šumskim putevima i saobraćajnicama, kupovina, prodaja, poklon, skladištenje, kao i primanje drveta u pilane u kojima se vrši rezanje drveta.

(5) Ne može se dozvoliti ili izvršiti sječa šume na uzurpiranom zemljištu na kome imovinsko-pravni odnosi nisu riješeni ili izvršiti sječa bez prethodne doznake i drvo staviti u promet prije žigosanja, obročavanja i izdavanja otpremnog iskaza ili staviti u promet nedrvne šumske proizvode u suprotnosti sa odredbama ovog člana.

(6) Privremeno oduzimanje drveta i nedravnih šumskih proizvoda koji su stavljeni u promet u suprotnosti sa odredbama ovog člana vrše čuvari šuma, stručna lica Kantonalne uprave i korisnika državnih šuma i šumskog zemljišta, pripadnici policije, šumarski inspektor, a privremeno oduzimanje sredstava (motorna pila, sjekira i ostala sredstva) kojima je izvršena nezakonita radnja, kao i vozilo kojim se vrši prijevoz nelegalne drvne mase, vrše pripadnici policije, u skladu sa važećim propisima koji se odnose na krivičnu, odnosno prekršajnu odgovornost. Privremeno oduzete šumske proizvode, na mjestu privremenog oduzimanja, preuzima Kantonalna uprava i skladišti ih na mjestu koje sama odredi, a što će se definisati posebnim ugovorom sa korisnikom državnih šuma i šumskog zemljišta. U slučaju da postoji mogućnost da se u toku pohranjivanja šumskim proizvodima ili sredstvima umanju vrijednost ili da njihovo pohranjivanje iziskuje nesrazmjerne troškove, privremeno oduzeta roba će se prodati licitacijom, a finansijska sredstva uplati na depozitni račun Budžeta Zeničko-dobojskog kantona (u daljem tekstu: Budžet Kantona), na odgovarajuću vrstu prihoda.

(7) Lica iz stava (6) ovog člana dužna su legitimisati sva lica koja se kreću na području šume koju čuvaju, odnosno nad kojom vrše nadzor, kao i lica koja prometuju šumskim proizvodima.

(8) U periodu vegetacije, od 1. aprila do 1. novembra, drvo četinara i brijesta ne može se sa korom stavljati u promet i uskladištavati, izuzev ako period od sječe do otpreme traje kraće od ciklusa razvoja insekta, a najduže do 21 dan.

(9) Način žigosanja, obročavanja, premjeravanja, sadržaj i način izdavanja otpremnog iskaza za drvo opisat će Ministar.

## **DIO ŠESTI - ŠUME I ŠUMSKO ZEMLJIŠTE S POSEBNIM REŽIMOM GOSPODARENJA**

### **Član 18.**

#### **(Proglašenje zaštitnih šuma i šuma sa posebnom namjenom)**

(1) Da bi se obezbijedila zaštita ili specijalni režim gospodarenja, određene šume i šumsko zemljište, mogu biti proglašene zaštitnim šumama ili šumama sa posebnom namjenom. Procjena šumskih funkcija u ovim šumama utvrđuje se stručnim šumarskim elaboratom sa podacima o stanju šuma i principima i metodama gospodarenja šumama u cilju očuvanja šuma i ostvarivanja namjene proglašenja područja, izvršioca propisanog režima kao i pravnog lica koje je odgovorno za obezbjeđenje sredstava za pokriće troškova u vezi sa posebnim režimom gospodarenja.

(2) Stručni šumarski elaborat iz stava (1) može izraditi pravno lice iz člana 6. stav (6) ovog zakona.

(3) Korisnik državnih šuma i šumskog zemljišta, odnosno vlasnici privatnih šuma i šumskog zemljišta, imaju pravo na naknadu za ograničeno korištenje ili povećane troškove zaštite. Naknadu snosi pravno lice na čiji je zahtjev proglašenje izvršeno. Visina naknade se utvrđuje u skladu sa pravilnikom o uslovima i načinu davanja državnih šuma i šumskog zemljišta u zakup i uspostavi prava služnosti, koji donosi Ministar.

(4) Ministarstvo na osnovu podataka koje mu dostavlja Kantonalna uprava, vodi evidenciju zaštitnih šuma i šuma sa posebnom namjenom.

### **Član 19.**

#### **(Zaštitne šume)**

- (1) Zaštitne šume služe za zaštitu zemljišta na strmim terenima i zemljišta podložnih erozijama, bujicama, klizištima, zaštitu naselja, privrednih i drugih objekata, izvorišta, vodotoka i akumulacija i šume koje su podignute kao zaštitni pojasevi.
- (2) Vlada proglašava šume i šumsko zemljište zaštitnim šumama na prijedlog Ministarstva, sačinjen uz prethodno pribavljeno mišljenje Kantonalne uprave i općine na čijem se području nalaze šume i šumsko zemljište koje treba proglasiti zaštitnim šumama.
- (3) Primjerak akta o proglašenju zaštitnih šuma, dostavlja se Ministarstvu, nadležnoj instituciji za zaštitu kulturno-historijskog i prirodnog naslijeđa, Kantonalnoj upravi i općini na čijem se području nalaze šume i šumsko zemljište koje je proglašeno zaštitnim šumama.

## **Član 20.**

### **(Šume s posebnom namjenom)**

- (1) Šume ili njeni dijelovi koje imaju poseban kulturni, historijski, ekološki i prirodni značaj, uključujući i šume namijenjene za izletišta, odmor, opće obrazovanje, rekreaciju, turizam, klimatska i druga lječilišta, proglašavaju se šumama sa posebnom namjenom u skladu sa odredbama Zakona o zaštiti prirode ili drugim propisom koji također propisuje poseban režim gospodarenja za šume.
- (2) Šume sa posebnom namjenom su i šume od posebnog značaja za odbranu i potrebe Oružanih snaga Bosne i Hercegovine, kao i šume ili njeni dijelovi registrovani kao sjemenske sastojine i sjemenski objekti, u skladu sa odredbama Zakona o sjemenu i sadnom materijalu šumskih i hortikulturnih vrsta drveća i grmlja.
- (3) Zahtjev sa elaboratom za proglašenje šuma sa posebnom namjenom koji podnosi zainteresirano pravno lice obavezno sadrži: cilj i razloge za proglašenje; popis katastarskih parcela kao i naziv šumsko-privrednog područja - gospodarske jedinice; broj odjela i oznaku odsjeka; kartu najmanje razmjere 1:10.000 sa ucrtanim parcelama; stručni šumarski elaborat iz člana 16. ovog Zakona; procjenu okolišnog uticaja; predložena ograničenja u gospodarenju; predložene naknade sa izvorom finansiranja; saglasnost općine i odgovarajuće administrativne mjere uključujući javne obavijesti i rasprave.
- (4) Primjerak akta o proglašenju šuma sa posebnom namjenom dostavlja se Ministarstvu, Ministarstvu prostornog uređenja, prometa i komunikacija i zaštitu okoline Zeničko-dobojskog kantona, nadležnoj instituciji za zaštitu kulturno-historijskog i prirodnog naslijeđa, Kantonalnoj upravi i općini na čijem se području nalazi šuma i šumsko zemljište koje je proglašeno šumom sa posebnom namjenom.

## **Član 21.**

### **(Procjena okolišnog uticaja i šume na kršu)**

- (1) Procjena okolišnog uticaja je obavezna za podizanje monokulture na površini većoj od pet hektara i za pretvaranje šumskog zemljišta u građevinsko iz člana 43. ovog zakona, u skladu sa propisima o zaštiti okoliša.
- (2) Šume i šumska zemljišta na kršu su područja sa bitno smanjenom produktivnosti, koje se zbog svojih specifičnosti (posebnosti) klasifikuju kao područja sa posebnim režimom gospodarenja, te uživaju podršku Kantona i općina i klasifikuju se kao područja velike opasnosti od šumskih požara.

## **DIO SEDMI - ZAŠTITA ŠUMA I ŠUMSKOG ZEMLJIŠTA OD ŠTETA**

## **Član 22.**

### **(Zabrana loženja vatre u šumi i zaštita šuma od požara)**

- (1) U šumama i na šumskom zemljištu kao i na drugom zemljištu na udaljenosti manjoj od 150 m od šume nije dozvoljeno loženje otvorene vatre.
- (2) Zabranjena je izgradnja i rad fabrika i drugih objekata koji rade sa otvorenim plamenom na udaljenosti manjoj od 250 metara od granice šume.

(3) Izuzev od stava (1) ovog člana, vatra u šumama i na šumskom zemljištu može se ložiti samo na mjestima određenim i obilježenim od strane Kantonalne uprave i vlasnika privatnih šuma uz pridržavanje propisanih uslova i mjera bezbjednosti.

(4) Korisnik državnih šuma i šumskog zemljišta u saradnji sa Ministarstvom, Kantonalnom upravom i organom nadležnim za poslove civilne zaštite kantona, izrađuje i provodi planove za zaštitu šuma od požara i redovno izvještava Vladu.

(5) Vlasnici privatnih šuma i šumskog zemljišta dužni su da preventivno djeluju, suzbijaju i učestvuju u gašenju požara.

(6) Zaštita od požara u šumama, na šumskom i poljoprivrednom zemljištu organizira se i provodi u skladu sa ovim zakonom i Zakonom o zaštiti od požara i vatrogastvu.

(7) Odgovornost za zaštitu od požara u šumama, na šumskom i poljoprivrednom zemljištu imaju sva pravna i fizička lica koja su vlasnici ili korisnici šuma, šumskog i poljoprivrednog zemljišta, kao i organi Kantona i općina koji su nadležni za šume i šumska zemljišta, te poljoprivredno zemljište.

(8) Ministar će propisati sadržaj plana zaštite šuma od požara iz stava (3) ovog člana i obrazac na kojem će Kantonalna uprava i korisnik državnih šuma i šumskog zemljišta izvještavati o šumskim požarima.

### **Član 23.**

#### **(Upotreba hemijskih sredstava u šumi i odlaganje otpada)**

(1) Nije dozvoljena upotreba hemijskih sredstava, odlaganje otpada, smeća ili zagađujućih tvari u šumi i na šumskom zemljištu.

(2) Izuzetno od stava (1) ovog člana, uz dozvolu Ministarstva, certificirana hemijska sredstva, pod uslovom da ne ugrožavaju biološku ravnotežu, mogu biti korištena u šumskim rasadnicima i u šumama za zaštitu biljaka od divljači i od korova u cilju smanjenja prekomjerne populacije insekata čiji broj ne može biti smanjen ni na koji drugi način, te za gašenje šumskih požara.

### **Član 24.**

#### **(Pašarenje)**

(1) Paša, žirenje, brst, kresanje grana i lisnika (u daljnjem tekstu: pašarenje) u šumama nije dozvoljeno bez pisanog odobrenja korisnika državnih šuma i šumskog zemljišta ili vlasnika privatnih šuma, na površinama koje su određene šumsko-privrednom osnovom.

(2) Korisnik državnih šuma i šumskog zemljišta obavezan je na početku godine dostaviti Kantonalnoj upravi spisak odjela u kojima je dozvoljeno pašarenje.

### **Član 25.**

#### **(Praćenje zdravstvenog stanja šuma)**

Kantonalna uprava i korisnik državnih šuma i šumskog zemljišta dužni su da prate zdravstveno stanje šuma i obim šteta u šumama, poduzimaju adekvatne preventivne mjere za sprječavanje pojava koje mogu prouzrokovati štete na šumi, te o tome minimalno jednom godišnje izvještavati Ministarstvo, općine i javnost.

## **DIO OSMI - NEDRVNI ŠUMSKI PROIZVODI I ZAŠTITA UGROŽENIH VRSTA**

### **Član 26.**

#### **(Iskorištavanje nedravnih šumskih proizvoda)**

(1) Korisnik državnih šuma i šumskog zemljišta i vlasnici privatnih šuma i šumskog zemljišta mogu uzgajati i iskorištavati nedrvne šumske proizvode ili odobriti drugim pravnim i fizičkim licima njihovo iskorištavanje u obimu i na mjestima koja su određena u šumsko-privrednoj osnovi.

(2) Korisnik državnih šuma i šumskog zemljišta može za vlastite potrebe koristiti mineralne sirovine na površinskim kopovima - pozajmištima predviđenim šumsko-privrednom osnovom u svrhu izgradnje i održavanja šumske transportne infrastrukture.

(3) Ministar donosi Pravilnik o uzgoju, iskorištavanju, sakupljanju i prometu nedrvnih šumskih proizvoda.

#### **Član 27.**

##### **(Zaštita ugroženih vrsta)**

(1) Zabranjena je sječa, iskorjenjivanje ili bilo kakvo oštećivanje stabala Pančičeve omorike (*Picea omorika* (Pančić) Purk.), tise (*Taxus baccata* L.), mečje lijeske (*Corylus colurna* L.), planinskog javora (*Acer heldreichii* Orph.), planinskog bora (*Pinus mugo* Turra), zelene johe (*Alnus viridis* (Chaix) Lam. & DC.), munike (*Pinus heldreichii* Christ.) i zanovijeti (*Fetteria ramentacea* (Sieber) Presl), božikovine (*Ilex aquifolium*), lovorisnog lokovca (*Daphne laureola*) i meke veprine (*Ruscus hippoglossum*), osim ako je potrebno provesti uzgojne i sanitarne sječe.

(2) Zahtjev za provođenje uzgojne i sanitarne sječe iz stava (1) ovog člana podnosi se Ministarstvu, a Kantonalna uprava uviđajem na licu mjesta sačinjava zapisnik na osnovu kojeg Ministar donosi rješenje i dostavlja ga podnosiocu zahtjeva i šumarskoj inspekciji.

#### **Član 28.**

##### **(Divljač u šumi)**

(1) Obaveza korisnika lovišta je da za vrste divljači i njihovo brojno stanje u šumama mora obezbijediti biološku ravnotežu koja ne smije ugroziti druge članove ekosistema ili spriječiti ostvarivanje ciljeva gospodarenja šumama i šumskim zemljištem. Unošenje pojedinih vrsta divljači u šume i na šumska zemljišta mora obezbijediti njihov opstanak i ne smije ugroziti druge organizme na staništu.

(2) Korisnik lovišta dužan je pričinjene štete i oštećenja koja je prouzrokovala divljač u šumi nadoknaditi korisniku državnih šuma i šumskog zemljišta i vlasniku privatnih šuma, u skladu sa odredbama Zakona o lovstvu („Službene novine Federacije Bosne i Hercegovine“ br. 4/06 i 8/10).

### **DIO DEVETI - SAOBRAĆAJ U ŠUMAMA**

#### **Član 29.**

##### **(Gradnja šumske infrastrukture)**

(1) Planiranje i izgradnja šumskih puteva mora se prilagoditi prirodnom okolišu te uvažavati potrebe općine, kao i protupožarne, turističke i rekreativne potrebe.

(2) Transportna šumska infrastruktura mora biti izgrađena u skladu sa šumsko-privrednom osnovom, koja služi prvenstveno za potrebe gospodarenja šumama i sastavni je dio šume.

(3) Izgradnja i rekonstrukcija šumskih puteva izvodi se na osnovu projektne dokumentacije i pribavljenih akata od organa nadležnog za poslove građenja.

(4) Korisnik državnih šuma i šumskog zemljišta, u skladu sa odredbama ovog zakona, gradi, održava i nadgleda šumsku infrastrukturu i promet na istoj.

(5) Korisnik državnih šuma i šumskog zemljišta dostavlja podatke neophodne za uspostavljanje i vođenje katastra šumske infrastrukture Kantonalnoj upravi koja isti dostavlja općini.

#### **Član 30.**

##### **(Kretanje motornih vozila u šumi)**

(1) Nije dozvoljeno kretanje motornih vozila u šumama i na šumskim putevima osim u svrhu gospodarenja šumama i nadzora, spašavanja, policijskih istraga, vojnih manevara, mjera za zaštitu od prirodnih nesreća, turizma, te pristupa vlasnika, korisnika i pojedinaca zemljištu za koje su odgovorni, kao i lokalnog stanovništva.

(2) Korisnik državnih šuma i šumskog zemljišta i vlasnici privatnih šuma i šumskog zemljišta mogu dozvoliti kretanje šumskim putem trećem licu. Za organizovanje biciklističkih i moto trka šumskim putem potrebno je pribaviti dozvolu Ministarstva, koja može uključivati određenu naknadu.

**Član 31.**  
**(Pristup šumama)**

Sva lica imaju pravo kretanja kroz šumu ili šumskim zemljištem na vlastitu odgovornost, ako nije drugačije određeno ovim zakonom ili šumsko-privrednom osnovom. Korisnik državne šume, odnosno vlasnici privatnih šuma nisu obavezni poduzimati posebne mjere opreza, niti će se smatrati odgovornim za bilo kakve štete ili ozljede koje pretrpe takva lica.

**DIO DESETI-UPRAVLJANJE ŠUMAMA**

**Član 32.**  
**(Upravljanje šumama)**

- (1) Šume i šumsko zemljište su u državnom vlasništvu (u daljnjem tekstu: državne šume) i u privatnom vlasništvu (u daljnjem tekstu: privatne šume).
- (2) Državnim šumama i šumskim zemljištem upravlja Vlada putem Ministarstva i Kantonalne uprave, pod uslovima utvrđenim ovim zakonom.
- (3) Pravo vlasništva nad državnim šumama i šumskim zemljištem ne može se steći njihovim korištenjem ili zauzimanjem bez obzira na period trajanja istog, odnosno dosjelošću (protokom vremena).

**Član 33.**  
**(Zabrana zauzimanja šuma i šumskog zemljišta)**

- (1) Vlada, Ministarstvo i Kantonalna uprava provode prava i obaveze iz oblasti šumarstva na području Kantona u skladu sa odredbama ovog zakona i propisa donesenih na osnovu ovog zakona.
- (2) Zabranjeno je svako neovlašteno zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je napustiti odmah po prijemu rješenja šumarskog inspektora, a u slučaju nepostupanja pokreće se odgovarajući sudski postupak.

**Član 34.**  
**(Promet šuma)**

- (1) Zabranjen je promet državnih šuma i šumskog zemljišta, izuzev u svrhu arondacije i komasacije, kao i putem zamjene uz prethodno pribavljeno mišljenje Kantonalne uprave i Kantonalnog pravobranilaštva, na temelju kojih, Ministarstvo donosi rješenje. Primjerak rješenja Ministarstvo će dostaviti Federalnom ministarstvu poljoprivrede, vodoprivrede i šumarstva.
- (2) Državne šume i šumsko zemljište ne mogu biti predmetom privatizacije.
- (3) Granice državnih šuma i šumskog zemljišta moraju na terenu biti obilježene vidnim i trajnim znakovima.
- (4) Poslove obilježavanja, održavanja i obnove granica državnih šuma i šumskog zemljišta i graničnih znakova vrši korisnik državnih šuma i šumskog zemljišta.
- (5) Utvrđene granice iz stava (2) ovog člana moraju se ucrtati na katastarskim planovima i provesti kroz katastarski operat organa nadležnog za geodetske poslove.
- (6) Ministar će donijeti Pravilnik o načinu bilježavanja granica državnih šuma i šumskog zemljišta, o vrsti postavljanja graničnih znakova i Pravilnik o procedurama i vremenskim ograničenjima za prodaju šume, pravu prvenstva kupovine i uslovima za azmjenu šume..

**Član 35.**  
**(Privatne šume)**

- 1) Privatne šume, u smislu ovog zakona, su sve šume i šumsko zemljište za koje fizičko ili pravno lice izvodom iz zemljišnih knjiga dokaže vlasništvo.
- (2) Privatnim šumama i šumskim zemljištem upravljaju i gospodare njihovi vlasnici u skladu sa ovim zakonom, podzakonskim aktima i odredbama šumsko-privredne osnove.



- (3) Vlasnik privatne šume i šumskog zemljišta dužan je da čuva svoju šumu od bespravnog zauzimanja i korištenja, od krađe šume i šumskih proizvoda, sprječava bespravnu izgradnju u privatnoj šumi i na šumskom zemljištu.
- (4) Vlasnik privatne šume i šumskog zemljišta ugovorom, uz naknadu, prenosi obavljanje stručnih poslova kako je definisano ovim zakonom, Kantonalnoj upravi ili pravnom licu za obavljanje poslova u šumarstvu.
- (5) Pod stručnim poslovima iz stava (4) ovog člana podrazumijevaju se doznaka, izrada izvedbenog projekta, primanje i premjeravanje drvene mase, izdavanje otpremnog iskaza, planiranje šumsko-uzgojnih radova, stručni nadzor, stručni savjetodavni poslovi i vođenje evidencija.
- (6) Naknada iz stava (4) ovog člana iznosi najviše 10 % od cijene na panju posječenih šumskih drvnih sortimenata po cjenovniku šumskih proizvoda koji donosi korisnik državnih šuma i šumskog zemljišta, uz prethodnu saglasnost Ministarstva.
- (7) Kada vlasnik privatne šume i šumskog zemljišta ugovorom prenese obavljanje stručnih poslova Kantonalnoj upravi, naknada se uplaćuje na depozitni račun Budžeta.

## **DIO JEDANAESTI - EKONOMSKE FUNKCIJE ŠUME**

### **Član 36.**

#### **(Prenošenje poslova gospodarenja državnim šumama)**

- (1) Na području Kantona posluje jedno ili više kantonalnih šumsko-privrednih društava. Šumsko-privredno društvo se može osnovati za jedno ili više šumsko-privrednih područja.
- (2) Odluku o osnivanju više od jednog šumsko-privrednog društva donosi Skupština Kantona na prijedlog Vlade.
- (3) Podnosilac inicijative o osnivanju više od jednog šumsko-privrednog društva je dužan uz zahtjev priložiti elaborat o opravdanosti osnivanja društva. Elaborat o opravdanosti osnivanja društva mora sadržavati sve ekonomske, stručno-tehničke, administrativne i druge parametre, koji mora biti uređen od strane ovlaštene visoko-školske ustanove iz oblasti šumarstva.
- (4) Ministarstvo ugovorom prenosi poslove gospodarenja državnim šumama i šumskim zemljištem korisniku državnih šuma i šumskog zemljišta, a posebno: izradu šumsko-privrednih osnova, izradu privremenih godišnjih planova gospodarenja, izradu godišnjih planova gospodarenja, izradu projekata za izvođenje radova u šumarstvu i njihovu realizaciju, projektovanje, izgradnju, rekonstrukciju i održavanje šumske infrastrukture, prometa šumskih drvnih sortimenata i nedrvnih šumskih proizvoda, izvršavanje programa i planova biološke obnove šuma, provođenje mjera integralne zaštite šuma, proizvodnje i prometa šumskog sjemena, šumskog i ukrasnog sadnog materijala, izvršavanje planova korištenja nedrvnih šumskih proizvoda, realizaciju planova razvoja šumarstva i mjera racionalizacije u šumarstvu, ostale poslove, zadatke i odgovornosti u skladu sa ugovorom.
- (5) Korisnik državnih šuma i šumskog zemljišta dužan je u cilju zaštite šuma o svim uočenim nepravilnostima u šumi i na šumskom zemljištu poduzeti odgovarajuće mjere zaštite.
- (6) Korisnik državnih šuma i šumskog zemljišta obavezan je šumske drvene sortimente prodavati po tržišnim uslovima i cijenama, a prije usvajanja cjenovnika isti usaglasiti sa Ministarstvom.
- (7) Korisnik državnih šuma i šumskog zemljišta ne može prenositi na treća lica prava koja proističu po osnovu vlasništva, kao davanje na korištenje, zakup i drugi način raspolaganja.

### **Član 37.**

#### **(Vođenje evidencija o izvršenim radovima)**

- (1) Korisnik državnih šuma i šumskog zemljišta, za državne šume i šumsko zemljište, Kantonalna uprava ili pravno lice registrirano za obavljanje poslova u šumarstvu, za privatne šume i šumsko zemljište, dužni su voditi evidenciju o izvršenim radovima i provedenim mjerama predviđenim šumsko-razvojnim planom, šumsko-privrednom osnovom, privremenim godišnjim planom gospodarenja, godišnjim planom gospodarenja i projektom za izvođenje radova u

šumarstvu. Podaci se evidentiraju za proteklu godinu i dostavljaju Kantonalnoj upravi najkasnije do 28. februara tekuće godine za prethodnu godinu.

(2) Ministar donosi pravilnik kojim se propisuje način i oblik vođenja registra evidencija iz stava (1) ovog člana.

**Član 38.**  
**(Naknada za korištenje državnih šuma)**

Korisnik državnih šuma dužan je plaćati naknadu u visini 7% od ostvarenog prihoda od drveta računajući cijenu drveta na panju i prihoda ostvarenog od nedravnih šumskih proizvoda, u skladu sa odredbama člana 50. ovog Zakona.

**Član 39.**  
**(Dostava katastra šuma)**

Kantonalna uprava za šumarstvo dužna je Federalnoj upravi za šumarstvo i Ministarstvu dostaviti katastar državnih i privatnih šuma i šumskog zemljišta najdalje do 31. marta tekuće godine za prethodnu godinu, sa evidentiranim svim promjenama u toku godine.

**Član 40.**  
**(Korištenje parcela trećih lica)**

Korisnik državnih šuma i šumskog zemljišta, odnosno vlasnik privatne šume dužan je da, uz naknadu, dozvoli privremeni prijevoz (prinudni put) ili smještaj šumskih proizvoda sa susjednih parcela na šumi i šumskom zemljištu, ako to nije moguće izvršiti na drugi način ili ako bi drugi način bio nesrazmjerno skuplji.

**Član 41.**  
**(Stručni šumarski ispit)**

Za obavljanje stručnih poslova u šumarstvu polaže se stručni šumarski ispit i mogu ga polagati diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci nakon sticanja zvanja diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja), pred ovlaštenom visoko-školskom ustanovom iz oblasti šumarstva.

**DIO DVANAESTI - PROMJENA NAMJENE ŠUMSKOG ZEMLJIŠTA  
I GRADNJA U ŠUMI**

**Član 42.**  
**(Izdvajanje šuma iz šumsko-privrednog područja)**

(1) Vlada, na prijedlog Ministarstva, a na zahtjev Oružanih snaga Bosne i Hercegovine i policijskih struktura, može pojedine dijelove državnih šuma i šumskog zemljišta izdvojiti iz šumsko-privrednog područja.

(2) Vlada može, na zahtjev općine uz elaborat o ekonomskoj opravdanosti i prethodno pribavljenog mišljenja Kantonalne uprave, na prijedlog Ministarstva, dijelove državnih šumskih zemljišta nepodesnih za pošumljavanje, izdvojiti iz šumsko-privrednog područja i prenijeti općini na korištenje u druge svrhe koje daju veću trajnu korist.

(3) Podnosilac zahtjeva iz stava (1) i (2) ovog člana mora platiti naknadu u visini koja se određuje u skladu sa odredbama Zakona o eksproprijaciji. Naplaćena sredstva se uplaćuju u Budžet na odgovarajuću vrstu prihoda.

**Član 43.**  
**(Krčenje šuma-pretvaranje šumskog zemljišta u građevinsko)**

- (1) Zabranjeno je krčenje šuma-pretvaranje šumskog zemljišta u građevinsko izuzev ako se radi o izgradnji objekata planiranih važećim planom prostornog uređenja u slučajevima kada se time postižu veće trajne koristi i ako neće biti štetnih posljedica za okoliš.
- (2) Pretvaranje šumskog zemljišta u građevinsko vršit će se u skladu sa Odlukom o načinu pretvaranja šumskog zemljišta u građevinsko („Službene novine Federacije Bosne i Hercegovine broj: 108/12).

#### **Član 44.** **(Gradnja u šumi)**

- (1) U šumi i na šumskom zemljištu može se graditi samo šumska infrastruktura, objekti potrebni za gospodarenje šumama, u skladu sa važećom šumsko-privrednom osnovom i lovno-uzgojni i lovno-tehnički objekti, u skladu sa važećom lovno-privrednom osnovom.
- (2) Izuzetno od stava (1) ovog člana, u šumi i na šumskom zemljištu mogu se graditi objekti predviđeni važećim planom prostornog uređenja.
- (3) Općina ili investitor je obavezan prije otpočinjanja radova na izgradnji objekata predviđenih planom prostornog uređenja pribaviti dozvolu za promjenu namjene šumskog zemljišta iz člana 43. ovog zakona, osim za objekte iz stava (1) ovog člana.
- (4) Imovinsko-pravni odnosi za objekte iz stava (2) ovog člana, rješavaju se u skladu sa odredbama Zakona o eksproprijaciji, osim za objekte komunalne i prometne infrastrukture čiji je investitor općina, koja je oslobođena plaćanja naknade za eksproprijaciju.

#### **Član 45.** **(Davanje državnih šuma u zakup)**

- (1) Zabranjeno je davanje u zakup državnih šuma i šumskog zemljišta.
- (2) Izuzetno od stava (1) ovog člana, Ministarstvo može pojedine dijelove državne šume i šumsko zemljište ugovorom davati u zakup, radi postavljanja privremenih objekata čija je gradnja predviđena ugovorom o koncesiji, za potrebe GSM baznih stanica, uzgoja divljači i podizanja višegodišnjih nasada stablašica, ukoliko se time ne narušavaju funkcije šume i za proizvodnju hrane u blizini naselja na udaljenosti od 100 m od ruba šume i u druge svrhe koje ostvaruju veće koristi u odnosu na funkcije šuma.
- (3) Prije sklapanja ugovora iz stava (2) ovog člana, potrebno je pribaviti mišljenje Kantonalnog pravobranilaštva.
- (4) Naknada koja se ostvaruje po osnovu ugovora iz stava (2) ovog člana, uplaćuje se u korist Budžeta.
- (5) Ukoliko se državnim šumama mijenja namjena, podnosilac zahtjeva za zakup obavezan je uplatiti naknadu za pretvaranje šumskog zemljišta u građevinsko iz člana 43. stav 2. ovog zakona bez provođenja procedure za krčenje šuma.
- (6) Vlada, na prijedlog Ministarstva, donosi Pravilnik o uslovima i načinu davanja državnih šuma u zakup i uspostavi prava služnosti.

#### **Član 46.** **(Uspostava prava služnosti)**

- (1) U državnim šumama i šumskom zemljištu se može uspostaviti pravo služnosti u svrhu izgradnje vodovoda, kanalizacije, plinovoda, električnih vodova, kao i za druge namjene, ako je proglašen javni interes u skladu sa odredbama Zakona o eksproprijaciji.
- (2) Ugovor kojim se uspostavlja pravo služnosti zaključuje se između korisnika služnosti i Ministarstva.
- (3) Prije sklapanja ugovora iz stava (2) ovog člana, potrebno je pribaviti mišljenje Kantonalnog pravobranilaštva.
- (4) Naknada koja se ostvaruje po osnovu prava služnosti uplaćuje se u korist Budžeta.
- (5) Korisnik služnosti obavezan je uplatiti naknadu iz člana 43. stav 2. ovog zakona, bez provođenja procedure pretvaranja šumskog zemljišta u građevinsko.
- (6) Vlada, na prijedlog Ministarstva, donosi Pravilnik o uslovima i načinu davanja državnih šuma u zakup i uspostavi prava služnosti.

## DIO TRINAESTI - ŠUMARSKE INSTITUCIJE

### Član 47.

#### (Kantonalna uprava za šumarstvo)

- (1) Kantonalna uprava za šumarstvo je uprava u sastavu Ministarstva.
- (2) Sjedište Kantonalne uprave je u Zenici.

### Član 48.

#### (Poslovi Kantonalne uprave za šumarstvo)

- (1) Kantonalna uprava obavlja upravne, stručne i druge poslove:
  - a) obezbjeđuje neposrednu zaštitu državnih šuma i šumskog zemljišta putem čuvarske službe;
  - b) prikuplja podatke i vodi bazu podataka o stanju i razvoju svih šuma i vodi katastar šuma i šumskog zemljišta na području Kantona i dostavlja ih Federalnom ministarstvu poljoprivrede, vodoprivrede i šumarstva, Federalnoj upravi za šumarstvo i Ministarstvu;
  - c) zastupa interese vlasnika državnih šuma i šumskog zemljišta u postupcima koji se vode po pitanju prava vlasništva, postupcima po vlasničkim tužbama, postupci uzurpacija, eksproprijacija, arondacija, komasacija i zamjena šume i šumskog zemljišta i ugovorom prenosi te poslove korisniku državnih šuma i šumskog zemljišta.
  - d) priprema Kantonalni šumsko-razvojni plan i podnosi ga Ministarstvu;
  - e) izrađuje elaborat za formiranje šumsko-privrednih područja;
  - f) vrši nadzor nad prikupljanjem podataka i izradom šumsko-privrednih osnova za privatne šume i nadzor nad prikupljanjem podataka za izradu šumsko-privrednih osnova za državne šume;
  - g) prati realizaciju šumsko-privrednih osnova putem godišnjih planova gospodarenja šumama;
  - h) vodi evidenciju objekata za proizvodnju i doradu šumskog sjemena i proizvođača šumskog i ukrasnog drveća i grmlja;
  - i) obavlja poslove dijagnostno prognozne službe i prati stanje i stepen oštećenosti šuma i o tome obavještava Ministarstvo najmanje jednom godišnje;
  - j) prati izvršenje svih ugovornih obaveza koji se odnose na državne šume;
  - k) prati realizaciju programa zaštite šuma;
  - l) usaglašava šumsko-privredne osnove sa prostornim planovima, planom upravljanja vodama, lovno-privrednim osnovama, evidencijama koje se vode u Zavodu za zaštitu kulturno historijskog i prirodnog naslijeđa i planovima upravljanja mineralnim sirovinama;
  - m) prati i analizira ekonomsko stanje u oblasti šumarstva na području Kantona i podatke dostavlja Ministarstvu;
  - n) priprema i izrađuje programe iz oblasti šumarstva, koji se finansiraju ili sufinansiraju iz namjenskih sredstava Budžeta;
  - o) priprema i daje mišljenje za proglašenje zaštitnih šuma i šuma sa posebnom namjenom na način propisan ovim zakonom;
  - p) organizuje savjetovanja i pruža stručnu pomoć korisniku državnih šuma i šumskog zemljišta i vlasnicima privatnih šuma;
  - r) izrađuje planove za izgradnju i održavanje šumskih putnih komunikacija koji se finansiraju iz Budžeta, uz saglasnost Ministarstva;
  - s) upoznaje javnost sa stanjem šuma i izdaje odgovarajuće stručno-popularne publikacije o stanju šuma i njihovom značaju;
  - š) izrađuje godišnji plan rada, finansijski plan i godišnji izvještaj i iste dostavlja Ministarstvu;
  - t) izrađuje i realizuje projekte koji se finansiraju iz domaćih i stranih izvora finansiranja, a koji unapređuju stanje u šumarstvu;
  - u) obavlja i druge poslove i zadatke koji proizlaze iz ovog zakona, Zakona o ministarstvima i drugim organima uprave Zeničko-dobojskog kantona, kao i po zahtjevu Ministarstva.

(2) Kantonalna uprava dostavlja Ministarstvu sve tražene podatke, u cilju sagledavanja stanja šumarstva na području Kantona.

#### **Član 49.** **(Čuvanje šuma)**

(1) Kantonalna uprava je dužna obezbijediti neposrednu zaštitu državnih šuma i šumskog zemljišta iz člana 36. stav. (2) ovog Zakona, a odnosi se na čuvanje šuma od: šumskih požara i drugih prirodnih nepogoda, biljnih bolesti i štetočina, bespravnog prisvajanja i korištenja i drugih protivzakonitih radnji, kao i kontrolu korištenja i prometa šumskih proizvoda iz privatnih šuma putem čuvara šuma.

(2) Čuvari šuma iz stava (1) ovog člana su u okviru Kantonalne uprave raspoređeni po određenim čuvarskim reonima. Čuvanje šume obavljaju stručna lica (u daljem tekstu: čuvari šuma) koja za to ovlasti Ministarstvo.

(3) Čuvari šuma mogu biti lica koja su završila srednju šumarsku školu IV stepena/SS, koja ispunjavaju uslove za nošenje oružja i druge uslove za obavljanje javne službe.

(4) Čuvari šuma su ovlaštene službene osobe i imaju ovlaštenja u skladu sa ovim zakonom.

(5) Čuvari šuma službu obavljaju u uniformi, moraju biti naoružani i moraju posjedovati dokument - legitimaciju čuvara šuma čiji oblik i sadržaj propisuje Ministar, a kojom potvrđuju status čuvara šuma. Legitimaciju imaju i druga stručna lica koja imaju ovlaštenje za poslove zaštite šuma.

(6) Dužnosti čuvara šuma su da:

- a) čuva šumu i šumsko zemljište od šumskih požara na način kako je utvrđeno ovim zakonom i planovima zaštite šuma od požara;
- b) čuva šumu i šumsko zemljište od bespravnog zauzimanja i korištenja, od bespravnih sječa, sprečava bespravnu izgradnju u šumi i na šumskim zemljištima;
- c) evidentira bespravno posječena stabla u propisane obrasce i obilježava ih;
- d) prati pojave i kretanje biljnih bolesti i štetočina i štete nanosene šumi od divljači;
- e) prati stanje divljači;
- f) prati održavanje šumskog reda;
- g) sprečava nezakonito pokretanje drveta iz šume, ubiranje i sakupljanje nedrvnih šumskih proizvoda i stavljanje istih u promet;
- h) zaustavlja prijevozna sredstva i pregleda prateću dokumentaciju za prijevoz šumskih sortimenata;
- i) pregleda porijeklo drveta na pilanama i na svim drugim mjestima gdje se drvo drži;
- j) pregleda transport na šumskim putevima;
- k) sprječava odlaganje smeća i drugog otpada u šumi i uništavanje graničnih znakova;
- l) sačinjava zapisnik o protivpravnoj radnji i putem Kantonalne uprave podnosi prijavu;
- m) legitimira sva lica zatečena u vršenju prekršajnih radnji po ovom zakonu i krivičnih djela koja se odnose na šume ili za koja postoji osnovana sumnja da su izvršila takva djela;
- n) obavještava nadređene rukovodioce Kantonalne uprave, policijsku stanicu i Kantonalnu upravu za inspeksijske poslove o svim zapaženim nepravilnostima.

(7) Čuvar šuma obavezan je, u skladu sa svojim dužnostima iz stava (5) ovog člana, za sve bespravne aktivnosti, bez odlaganja sačiniti zapisnik, na osnovu kojeg je Kantonalna uprava dužna pokrenuti postupak kod nadležnog organa.

(8) Na zahtjev čuvara šuma, svako lice je dužno pokazati lične isprave kojim se utvrđuju njegov identitet i dokumentaciju za drvo i ostale šumske proizvode u prijevozu ili koji su uskladišteni.

## **DIO ČETRNAESTI-FINANSIRANJE**

#### **Član 50.** **(Izvori namjenskih sredstava)**

- (1) Radi ostvarivanja općeg interesa i dugoročnih ciljeva održivog gospodarenja šumama i šumskim zemljištem utvrđenih šumsko-privrednim osnovama, prikupljaju se finansijska sredstva za zaštitu i unaprjeđenje stanja postojećih i podizanja novih šuma i ruralni razvoj.
- (2) Sredstva iz stava (1) ovog člana, obezbijavaju se iz naknada:
- a) za obavljanje stručnih poslova u privatnim šumama iz člana 35. stav (5) ovog zakona;
  - b) za korištenje državnih šuma i šumskog zemljišta iz člana 38. ovog zakona;
  - c) za izdvajanje šuma iz šumsko-privrednog područja iz člana 42. stav (3) ovog zakona;
  - d) za krčenje šume-pretvaranje šumskog zemljišta u građevinsko iz člana 43. stav 2. ovog zakona;
  - e) od zakupa državnih šuma i šumskog zemljišta iz člana 45. stav (2) ovog zakona;
  - f) po osnovu prava služnosti iz člana 46. stav (3) ovog zakona;
  - g) za općekorisne funkcije šuma iz člana 52. ovog zakona;
  - h) za štete pričinjene državnim šumama i šumskom zemljištu iz člana 9. stav 6 ovog zakona;
  - i) ostalih izvora u skladu sa ovim zakonom i drugih izvora.
- (3) Sredstva iz stava (2) ovog člana, osim dijela sredstava iz tačke b) koja pripadaju općini, uplaćuju se na depozitni račun Budžeta, a sredstva koja pripadaju općini uplaćuju se na depozitni račun za prikupljanje javnih prihoda općine.
- (4) Sredstvima sa posebnih računa iz stava (3) ovog člana raspolaže Ministar i općinski načelnik.
- (5) Uplata prihoda iz stava (2) ovog člana, od tačke a) do g) vrši se u skladu sa propisima Federalnog ministarstva finansija o načinu uplata javnih prihoda Budžeta i vanbudžetskih fondova na području Kantona.

#### **Član 51.**

##### **(Uplata naknade za korištenje državnih šuma i šumskog zemljišta)**

- (1) Naknada za korištenje državnih šuma i šumskog zemljišta iz člana 38. ovog zakona obračunava se od prihoda od drveta računajući cijenu drveta na panju i od prihoda ostvarenog od nedrvenih šumskih proizvoda i uplaćuje se:
- a) 2,0 % na račun Budžeta
  - b) 5,0 % na namjenski račun općine na čijoj teritoriji se ostvaruje prihod.
- (2) Naknada iz stava (1) ovog člana uplaćuje se po ostvarenom prihodu, tromjesečno i po završnom godišnjem računovodstvenom izvještaju.
- (3) Kontrolu obračuna i uplate naknade iz stava (1) ovog člana vrši šumarski inspektor.
- (4) Ako obveznik plaćanja naknade ne obračuna ili ne uplati naknadu iz stava (1) ovog člana na način propisan u stavu (1) ovog člana, šumarski inspektor koji je izvršio kontrolu uplate sredstava, po pravosnažnosti i izvršnosti rješenja o uplati sredstava koje je ispostavio obvezniku, podnosi nadležnom sudu prijedlog za prinudno izvršenje ove novčane obaveze.

#### **Član 52.**

##### **(Naknada za općekorisne funkcije šuma)**

- (1) Naknadu za općekorisne funkcije šuma u visini od 0,07 % ukupno ostvarenog godišnjeg prihoda, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona.
- (2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta.
- (3) Od obaveze plaćanja naknade iz stava (1) ovog člana izuzimaju se: korisnik državnih šuma i šumskog zemljišta, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti, te pravna lica koja upošljavaju preko 50% invalidnih lica, bez obzira na obavljanje djelatnosti radi sticanja dobiti.
- (4) Kontrolu obračuna i uplate naknade iz stava (1) ovog člana vrši porezna uprava i šumarski inspektor na način predviđen u članu 50. stav (4) ovog Zakona.

### **Član 53.**

#### **(Korištenje namjenskih sredstava koja su prihod Kantona)**

(1) Iz namjenskih sredstava Budžeta prikupljenih po osnovu člana 50. stav (2) ovog Zakona, finansiraju se slijedeći poslovi:

- a) rad čuvarske službe;
- b) izrada i revizija kantonalnog šumsko-razvojnog plana;
- c) izrada šumsko-privrednih osnova za privatne šume i nadzor nad prikupljanjem podataka za izradu šumskoprivrednih osnova za državne i privatne šume;
- d) biološka obnova šuma;
- e) obnova šuma od posljedica prirodne nepogode, prenamnožavanja insekata, požara i slično;
- f) unaprjeđenje proizvodnje šumskog reproduktivnog materijala;
- g) organizovanje specijalističkih kurseva iz oblasti šumarstva;
- h) očuvanje i unaprjeđenje bioraznolikosti šumskih ekosistema;
- i) očuvanje i unaprjeđenje genofonda, rijetkih i ugroženih vrsta šumskog drveća;
- j) naučna istraživanja i stručne analize;
- k) izgradnja i održavanje šumskih puteva;
- l) druge namjene za unaprjeđenje šuma,

(2) Sredstva iz stava (1) ovog člana troše se po Programu utroška sredstava, koji na prijedlog Kantonalne uprave donosi Ministar, a na koji saglasnost daje Vlada.

### **Član 54.**

#### **(Korištenje namjenskih sredstava koja su prihod općina)**

(1) Namjenska sredstva iz člana 51. ovog zakona općine mogu koristiti isključivo za izgradnju, rekonstrukciju i održavanje infrastrukture na području općine, za opremanje i obuku jedinica za gašenje požara i izgradnju skladišta za smještaj vatrogasne opreme. Sredstva se mogu koristiti nakon usvajanju plana utroška sredstava koji donosi općinsko vijeće.

(2) Nadzor nad utroškom sredstava iz stava (1) ovog člana vrši komisija ispred općinskog vijeća, koja je dužna Ministarstvu i Kantonalnoj upravi dostaviti izvještaj o utrošku istih.

## **DIO PETNAESTI - NADZOR NAD PROVOĐENJEM ZAKONA**

### **Član 55.**

#### **(Upravni nadzor)**

(1) Ministarstvo vrši upravni nadzor nad primjenom ovog zakona i propisa donesenih na osnovu ovog zakona.

(2) Ministarstvo putem Kantonalne uprave vrši uvid i kontrolu postupanja, pregled akata i dokumentacije koju donose institucije i upravne organizacije u vršenju javnih ovlaštenja, daje instrukcije i smjernice za izvršavanje poslova i traži podatke i obavještenja o izvršavanju poslova u vršenju javnih ovlaštenja.

### **Član 56.**

#### **(Inspeksijski nadzor)**

(1) Inspeksijski nadzor nad primjenom ovog zakona i propisa donesenih na osnovu ovog zakona vrši Kantonalna uprava za inspeksijske poslove putem šumarske inspekcije.

(2) Inspeksijski nadzor se vrši u skladu sa Zakonom o organizaciji organa uprave u Federaciji Bosne i Hercegovine i Zakonom o inspekcijama Zeničko-dobojskog kantona.

### **Član 57.**

#### **(Ovlaštenja šumarskih inspektora)**

(1) Pored ovlaštenja i dužnosti određenih posebnim zakonom, zakonom o zaštiti od požara i vatrogastvu, šumarski inspektor je ovlašćen i dužan da:

- a) pregleda šumsko-privredne osnove, godišnje planove gospodarenja, šumsko-razvojne planove i programe, izvedbene projekte, planove proste i proširene biološke reprodukcije šuma i planove zaštite šuma, njihovo izvršenje, poslovne knjige i ostalu dokumentaciju;
  - b) traži da mu se stavi na raspolaganje i pregleda svu dokumentaciju i informacije potrebne za inspekcijski pregled;
  - c) pregleda sve šumske radove, objekte, uređaje, pilane, kao i sva mjesta gdje se drvo siječe, smješta, prerađuje, izvozi iz šume ili stavlja u promet;
  - d) kontroliše i prati primjenu standarda iz oblasti šumarstva;
  - e) privremeno obustavi sječe i sve druge radnje koje nisu u skladu sa odredbama ovog zakona i drugih propisa iz oblasti šumarstva do konačne odluke nadležnog organa;
  - f) pregleda odabiranje i doznaku stabala za sječu;
  - g) zaustavlja prijevozna sredstva i pregleda prateću dokumentaciju za prevoz šumskih sortimenata;
  - h) pregleda izvršenje svih radova koji su predviđeni šumsko-privrednim osnovama, šumskim planovima i programima i projektima za izvođenje;
  - i) u hitnim slučajevima u kojima bi nastupila šteta po javni interes, na licu mjesta i rješenjem naređuje obustavu rada i sprovođenje mjera za sprječavanje šteta;
  - j) privremeno oduzima bespravno posječeno drvo i nezakonito stavljeno u promet drvo i nedrvne šumske proizvode, kao i predmete kojima su izvršene nezakonite radnje;
  - k) pregleda kako se provodi utvrđivanje zdravstvenog stanja šuma i mjera za suzbijanje biljnih bolesti i štetočina i naredi otklanjanje nedostataka i provođenje mjera, ako se utvrdi da se korisnik državnih šuma i vlasnici šuma ne pridržavaju propisa i mjera zdravstvene zaštite;
  - l) pregleda planove zaštite šuma od požara i sprovođenje predviđenih mjera i naredi otklanjanje nedostataka;
  - m) pregleda provođenje mjera na zaštiti šuma i šumskih zemljišta od protivpravnog prisvajanja i korištenja i bespravne izgradnje objekata;
  - n) vrši nadzor nad provođenjem propisa o proizvodnji i prometu šumskog sjemena i šumskog sadnog materijala;
  - o) vrši nadzor sprovođenja drugih mjera za zaštitu šuma i propisnog uspostavljanja i održavanja šumskog reda i vršenja neposrednog čuvanja šuma;
  - p) prikuplja potrebne podatke i obavještenja od odgovornih lica, svjedoka, vještaka i drugih lica kada je to potrebno za vršenje nadzora;
  - q) pokreće i vodi inspekcijski nadzor po službenoj dužnosti kao i po zahtjevu svih pravnih i fizičkih lica i da o konstatovanom stanju i poduzetim mjerama pismeno obavijesti podnosioca zahtjeva;
  - r) upozna je javnost sa konstatovanim stanjem šuma i o preduzetim mjerama na otklanjanju nedostataka;
  - s) saraduje sa inspekcijskim organima iz drugih oblasti, pravosudnim organima i organima policije;
  - t) preduzima i druge mjere i radnje za koje je ovlašten ovim Zakonom i drugim propisima;
- (2) Šumarski inspektor je pored navedenog dužan najmanje jednom godišnje da dostavlja izvještaje i potrebne podatke Ministarstvu.

## **Član 58.**

### **(Upravne mjere)**

- (1) Ako šumarski inspektor prilikom vršenja inspekcijskog nadzora ustanovi da propis nije primijenjen ili da je nepravilno primijenjen donijet će rješenje kojim će zabraniti rad zbog nepoštivanja odredbi člana 57. stav (1) tačke b), c), d), f), h), i), m) i n) ovog zakona ili naložiti otklanjanje utvrđenih nepravilnosti i odrediti rok u kome se one moraju otkloniti.
- (2) Protiv rješenja šumarskog inspektora može se izjaviti žalba Ministarstvu u roku od osam dana od dana prijema rješenja.
- (3) Rješenje o žalbi iz stava (2) ovog člana je konačno i protiv njega nije dopuštena žalba, ali se može pokrenuti upravni spor.



(4) Žalba na rješenje iz stava (2) ovog člana ne odlaže izvršenje rješenja.

(5) Šumarski inspektor koji je donio rješenje i organ kome je žalba izjavljena mogu, na obrazloženje žalioaca, odložiti izvršenje naloženih mjera, ako žalilac učini vjerovatnim da bi usljed izvršenja tih mjera bili ugroženi životi i zdravlje ljudi, nastupila znatna materijalna šteta koja se na drugi način ne može otkloniti, a odlaganje se ne protivi opštem interesu.

## **DIO ŠESNAESTI - KAZNE NE ODREDBE**

### **Član 59.**

(1) Novčanom kaznom od 5.000 do 15.000 KM kažnjava se korisnik državnih šuma i šumskog zemljišta ili drugo pravno lice ako:

- a) gospodari šumama bez šumsko-privredne osnove, privremenog godišnjeg plana gospodarenja, godišnjeg plana gospodarenja i projekta za izvođenje radova u šumarstvu (član 6. stav (1));
- b) prekorači ukupan obim sječa u visokim šumama sa prirodnom obnovom predviđen šumsko-privrednom osnovom za planski period (član 6. stav (3));
- c) pravovremeno ne osigura i izradi i u roku ne dostavi novo izrađenu šumsko-privrednu osnovu (član 6. stav (1));
- d) izradi Projekat za izvođenje radova u šumarstvu suprotno odredbama člana 8. stav (1) i (2);
- e) ne izradi i ne donese Projekat za izvođenje radova u šumarstvu (član 8. stav (4) i (5));
- f) vrši sječ u šume prije odabiranja i doznake stabala za sječ (član 9. stav (1));
- g) ne obavlja poslove biološke obnove šuma (član 11. stav (1));
- h) dozvoli ili izvrši sječ u šuma na uzurpiranom zemljištu suprotno odredbi člana 17. stav (5);
- i) ako ne postupa u skladu sa članom 22. stav (3);
- j) u šumi i na šumskom zemljištu vrši upotrebu hemijskih sredstava, odlaganje otpada, smeća ili zagađujućih tvari (član 23.);
- k) vrši ili odobrava iskorištavanje nedravnih šumskih proizvoda suprotno odredbama člana 26. stav (1);
- l) ako ne prodaje šumske drvne sortimente po tržišnim uslovima i cijenama (član 35. stav (6));
- m) ako postupa suprotno odredbama člana 42.;
- n) u šumi ili na šumskom zemljištu otpočne radove na izgradnji objekata ili gradi objekte suprotno odredbama člana 43;

(2) Za prekršaj iz stava (1) ovog člana kažnjava se novčanom kaznom u iznosu od 1.000 do 3.000 KM i odgovorno lice u pravnom licu.

(3) Za prekršaj iz stava (1) tačka f) i h), izreći će se i zaštitna mjera oduzimanja drveta i nedravnih šumskih proizvoda koji su nastali počinjenjem prekršaja i sredstava kojima je počinjen prekršaj.

(4) Za prekršaj iz stava (1) tačka n) kažnjava se novčanom kaznom u iznosu od 1.000 do 3.000 KM odgovorno lice u općini.

### **Član 60.**

(1) Novčanom kaznom od 4.000 do 12.000 KM kažnjava se za prekršaj korisnik državnih šuma i šumskog zemljišta ili drugo pravno lice ako:

- a) ne prijavi sječ nadležnom šumarskom inspektor i u određenom roku ne otkloni štete na zemljištu u skladu sa odredbama član 9. stav (2) i (3);
- b) prije sječe ne obavijesti Kantonalnu upravu i općinu na čijem se području vrši sječ (član 10. stav (3) i (5));
- c) vrši doznaku i sječ u šumama za koje imovinsko-pravni odnosi nisu riješeni i granice utvrđene i na terenu vidno i na propisan način obilježene (član 9. stav (4));
- d) angažuje zaposlenike suprotno odredbama člana 13. stav (1);
- e) dozvoli ili vrši čistu sječ ili druge oblike pustošenja šuma (član 14. stav (1));
- f) ako ne postupa u skladu sa odredbama člana 15. stav (2);
- g) loži ili dozvoli loženje vatre suprotno odredi člana 22. stav (1);

- h) ako postupi suprotno odredbi člana 22. stav (2);
- i) ako ne postupa u skladu sa odredbom člana 25;
- j) izgradi šumsku infrastrukturu suprotno odredbama člana 29;
- k) vrši promet šuma i šumskog zemljišta suprotno odredbama člana 34. stav (1) i (2);
- l) ne izvršava poslove u skladu sa članom 33. stav (4);
- m) ne izvrši obavezu iz člana 50. stav (1) i (2);
- n) ne izvrši obavezu iz člana 51. stav (1) i (2);
- o) ne postupi po rješenju šumarskog inspektora u roku i na način koji je inspektor odredio (član 58. stav (1)).

(2) Za prekršaj iz stava (1) ovog člana kažnjava se novčanom kaznom u iznosu od 800 do 2.500 KM i odgovorno lice u pravnom licu.

### **Član 61.**

(1) Novčanom kaznom u iznosu od 3.000 do 9.000 KM kažnjava se za prekršaj korisnik državnih šuma i šumskog zemljišta ili drugo pravno lice ako:

- a) vrši radove bez saglasnosti Kantonalne uprave (član 7. stav (2));
- b) ne dostavi godišnji plan gospodarenja u skladu sa članom 7. stav (3);
- c) ne izvodi radove u skladu sa projektom (član 8. stav (1));
- d) u roku od dvije godine ne izvrši radove predviđene projektom za izvođenje radova u šumarstvu ili ne vodi registar projekata za izvođenje radova u šumarstvu (član 8. stav (2) i (9));
- e) odredi lice za izradu projekta za izvođenje radova u šumarstvu u suprotnosti sa odredbom člana 8. stav (3);
- f) doznaku stabala za sječu vrši lice koje ne ispunjava uslove iz člana 9. stav (2) i (3);
- g) ne izvrši tehnički prijem radova i ostale obaveze u skladu sa odredbama člana 12.;
- h) ne izvrši pošumljavanje sječina u roku od dvije godine (član 14. stav (2));
- i) ne izradi plan u skladu sa članom 16. stav (1);
- j) pokreće drvo, dijelove stabala i grane ili stavlja u promet drvo koje nije žigosano i snabdjeveno otpremnim iskazom (član 17. stav (1));
- k) stavlja u promet nedrvne šumske proizvode bez odobrenja (član 17. stav (3));
- l) u periodu vegetacije od 01. aprila do 01. novembra, drvo četinara i brijesta uskladištava i stavlja u promet suprotno članu 17. stav (8);
- m) vrši ili dozvoljava pašu, žirenje, brst, kresanje grana i lisnika u suprotnosti sa članom 24.;
- n) vrši ili dozvoli sječu pančičeve omorike, tise, mečije lijeske, planinskog javora, planinskog bora, zelene johe, munike i zanovjeti suprotno odredbama člana 27.;
- o) odobri korištenje šumskih puteva suprotno odredbama člana 29. stav (2);
- p) počini ili dozvoli neovlašteno zauzimanje šuma ili šumskog zemljišta (član 33. stav (2));
- r) ne vodi evidencije o izvršenim radovima i provedenim mjerama predviđenim šumsko-razvojnim planovima, šumsko-privrednom osnovom, privremenim planom gospodarenja, godišnjim planom gospodarenja i projektima za izvođenje radova u šumarstvu ili evidentirane podatke ne dostavi u predviđenom roku (član 36.);
- s) u roku od dvije godine zemljište ne privede namjeni radi koje je krčenje izvršeno ili ne izvrši njegovo pošumljavanje (član 43. stav 2);
- š) ne vrši uplatu sredstava u Budžet u skladu sa odredbama člana 50;

(2) Za prekršaj iz stava (1) ovog člana kažnjava se novčanom kaznom u visini od 500 do 1.500 KM i odgovorno lice u pravnom licu.

(3) Za prekršaj iz stava (1) tačka j) izreći će se i zaštitna mjera oduzimanja predmeta sa kojima je počinjen prekršaj ili koji su nastali počinjenjem prekršaja.

### **Član 62.**

(1) Novčanom kaznom u iznosu od 200 - 1.500 KM kažnjava se za prekršaj fizičko lice ako:

- a) vrši šumsko-uzgojne radove i sječu šume suprotno odredbama člana 8. stav (6);
- b) vrši sječu bez prethodno izdatog rješenja i doznake (član 9. stav (5));
- c) ne izvrši pošumljavanje sječina u roku od dvije godine (član 14. stav (2));

- d) ne izvrši sanitarnu sječu i ne uspostavi i održava šumski red (član 15. stav (2));
- e) pokreće drvo, dijelove stabala i grane ili stavlja u promet drvo bez žigosanja i otpremnog iskaza (član 17. stav (1));
- f) stavlja u promet nedrvne šumske proizvode bez odobrenja (član 17. stav (3));
- g) posiječe (ili dozvoli) ili prisvoji (ili dozvoli) protivpravno drvenu masu suprotno odredbama člana 17. stav (5);
- h) na zahtjev lica navedenih u članu 17. stav 6. ne pokaže lične isprave ili isprave za šumske proizvode (član 17. stav (7));
- i) loži vatru suprotno odredbama člana 22. stav (1);
- j) u šumi upotrebljava hemijska sredstva, odlaže otpad, smeće i zagađujuće tvari (član 23. stav (1));
- k) postupa u suprotnosti sa članom 24.;
- l) vrši ili dozvoli sječu pančičeve omorike, tise, mečije lijeske, planinskog javora, planinskog bora, zelene johe, munike i zanovijeti suprotno odredbama člana 27. i 61. stav n;
- m) vrši kretanje motornim vozilima u šumama i na šumskim zemljištima suprotno odredbama člana 30.;
- n) počini neovlašteno zauzimanje državnih šuma ili šumskoga zemljišta (član 33. stav (2));
- o) izvrši krčenje šume prije nego se izda dozvola za krčenje iz člana 43.;
- p) vrši izgradnju zgrada i drugih objekata suprotno odredbama člana 44. stav (1) i (3);
- r) na zahtjev čuvara šuma ne pokaže lične isprave ili isprave za šumske proizvode (član 49. stav (7)).
- s) ne postupi po rješenju šumarskog inspektora u roku i na način koji je inspektor naredio (član 58. stav (1)).

(2) Za prekršaj iz stava (1) tačka e) i g) izreći će se i zaštitna mjera oduzimanja drveta i nedrvnih šumskih proizvoda koji su nastali počinjenjem prekršaja i sredstava kojima je počinjen prekršaj.

(3) Za prekršaj iz stava (1) tačka p) kažnjava se novčanom kaznom u iznosu od 1.000 do 3.000 KM odgovorno lice u općini koje dozvoli podizanje objekta suprotno odredbama člana 44. stav 1) i 3).

(4) Sredstva od izrečenih novčanih kazni za učinjene prekršaje, propisane ovim zakonom, uplaćuju na račun Budžeta kao prihod kantona.

## **DIO SEDAMNAESTI-PRIJELAZNE I ZAVRŠNE ODREDBE**

### **Član 63.**

#### **(Prilagodavanje poslova)**

Korisnik državnih šuma i šumskog zemljišta, dužan je svoje poslovanje uskladiti sa odredbama ovog zakona.

### **Član 64.**

#### **(Započeti postupci)**

Postupci započeti do dana prestanka primjene Zakona o šumama („Službene novine Federacije BiH“, broj: 20/02, 29/03 i 37/04), odnosno Uredbe o šumama („Službene novine Federacije BiH“, broj: 83/09, 26/10, 38/10 i 60/11), rješavaće se u skladu sa tim Zakonom, odnosno Uredbom.

### **Član 66.**

Za prekršaje počinjene od dana prestanka važenja Uredbe o šumama („Službene novine Federacije BiH“ broj: 81/09, 26/10, 38/10 i 60/11), nadležni sudovi će rješavat po odredbama ovog zakona.

### **Član 67.**

#### **(Podzakonski propisi)**

(1) Podzakonski propisi predviđeni ovim zakonom donijet će se u roku od godinu dana od dana stupanja na snagu ovog zakona.

(2) Kantonalni šumsko-razvojni plan donijet će se u roku od godinu dana od donošenja federalnog šumsko-razvojnog plana.

**Član 68.**

**(Primjena Zakona)**

Ovaj Zakon će se primjenjivati do stupanja na snagu, odnosno početka primjene Zakona o šumama koji će donijeti Parlament Federacije Bosne i Hercegovine.

**Član 69.**

**(Stupanje na snagu)**

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-\_\_\_\_\_ /13.

Datum, \_\_. \_\_. 2013. godine

Z e n i c a

**PREDSJEDAVAJUĆI**

*Sretko Radišić*

# **OBRAZLOŽENJE UZ ZAKON O ŠUMAMA**

## **I – PRAVNI OSNOV ZA DONOŠENJE ZAKONA O ŠUMAMA**

Pravni osnov za donošenje Zakona o šumama (u daljem tekstu: Zakon) sadržan je u odredbama člana 37. stav 1. tačka f) Ustava Zeničko-dobojskog kantona, kojim je utvrđeno da Skupština Zeničko-dobojskog kantona donosi zakone neophodne za izvršavanje nadležnosti Kantona.

## **II – RAZLOZI ZA DONOŠENJE**

Na 80. sjednici održanoj 19.09.2012. godine Vlada Zeničko-dobojskog kantona Zaključkom broj: 02-02-20506/12 od 19.09.2012. godine utvrdila je Nacrt Zakona o šumama i uputila u dalju Skupštinsku proceduru.

Skupština Zeničko-dobojskog kantona Zaključkom broj: 01-02-24834/12 od 14.11.2012. godine, prihvatila je Nacrt Zakona o šumama.

U tački 2. navedenog Zaključka navedeno je da se Nacrt Zakona o šumama upućuje u Javnu raspravu u općine Zeničko-dobojskog kantona. Rok za provođenje javne rasprave je 30 dana.

Postupajući u skladu sa tačkom 2. Zaključka Skupštine Zeničko-dobojskog kantona, broj: 02-02-20506/12 od 14.11.2012. godine, organizirana je Javna rasprava po Nacrtu Zakona o šumama (u daljem tekstu: Nacrt Zakona) i provedena u svim općinama Zeničko-dobojskog kantona.

U toku Javne rasprave dat je veći broj primjedbi. Osnovne primjedbe i sugestije prihvaćene su i ugrađene u tekst Prijedloga Zakona o šumama, a one koje smo smatrali neutemeljenim nismo prihvatili i za iste smo dali obrazloženje.

Imajući u vidu da na području Federacije BiH, a samim tim i na području Zeničko-dobojskog kantona već duže vremena nema Zakona o šumama, to je opredjeljenje, a kako bi se zaštitile šume i šumsko zemljište Kantona kao dobro od općeg interesa, koje uživa posebnu brigu Kantona, Ministarstvo za poljoprivredu, šumarstvo i vodoprivredu se opredijelilo da ide u postupak donošenja Kantonalnog Zakona o šumama.

## **III – OBRAZLOŽENJE PRAVNIH RJEŠENJA**

U toku javne rasprave dat veći broj primjedbi. Izdvojićemo samo najvažije, koje su se odnosile na: član 35. Nacrta Zakona o šumama (sadašnji član 36. Prijedloga Zakona o šumama-Prenošenje poslova gospodarenja državnim šumama), koje su se odnosile na organizaciju šumarstva da na području Kantona posluje jedno ili više Šumsko-gospodarskih društava u odnosu na dosadašnju organizaciju gdje je na području Zeničko-dobojskog kantona egzistiralo jedno Kantonalno Šumsko-gospodarsko društvo Zeničko-dobojskog kantona.

Primjedbe koje su se odnosile na navedeni član su prihvaćene i ugrađene u prijedlog zakona o šumama, da na području Kantona posluje jedno ili više kantonalnih šumsko-gospodarskih društava. Šumsko-gospodarsko društvo se može formirati za jedno ili više šumsko-gospodarskih područja.

Zatim su se primjedbe odnosile na član 47. Nacrta Zakona o šumama (sadašnji član 48. Prijedloga Zakona o šumama- Poslovi Kantonalne uprave za šumarstvo) da se stav 1. pod tačkom a) izuzme iz nadležnosti kantonalne uprave za šumarstvo da se poslovi čuvanja šuma prenesu na Šumsko-gospodarsko društvo (šumarije).

Primjedba se nije prihvatila iz razloga što je sadašnja organizacija pokazala svrsishodnija i kvalitetnije gdje su čuvari šuma u okviru Kantonalne uprave za šumarstvo, a i nelogično da onaj kome je data šuma i šumsko zemljište na korištenje da istovremeno i vrši kontrolu tj. čuvanje iste puten čuvarske službe. Kao i iz razloga da ne treba u organizacionom smislu poduzimati aktivnosti jer se ne zna kako i na koji način će biti definisan status Kantonalne uprave za šumarstvo pa i status čuvarske službe Zakonom o šumama Federacije BiH, na temelju kojeg će status Kantonalne uprave za šumarstvo pa i čuvarske službe biti usklađen sa istim. Federalnim zakonom mogla bi biti utvrđena drugačija organizacija Uprave za šumarstvo te bi time napravili problem u organizacionom smislu što bi moglo imati određene posljedice.

Član 50. Nacrta Zakona o šuma (sadašnji član 51. Prijedloga Zakona o šumama-Uplata naknade za korištenje državnih šuma i šumskog zemljišta) da iznos za općine iznosi više od 5 %, u odnosu kako je to u Nacrtu Zakona o šumama predviđeno.

Primjedba nije prihvaćena i ostao je procenat općinama od 5 % u Prijedlog Zakona o šumama, kako je u i u Nacrtu Zakona o šumama predviđeno.

Član 51. Nacrta Zakona o šumama (sadašnji član 52. Prijedloga Zakona o šumama-Naknade za općekorisne funkcije šuma), gdje je predloženo da se stav 1. navedenog člana izmijeni tako da se umjesti planiranog iznosa od 0,07%, izdvaja iznos od 0,05 % od ukupno ostvarenog prihoda iz operativnih djelatnosti, odnosno maksimalno 100.000,00 KM godišnje, koji treba da plaćaju sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona.

Primjedba nije prihvaćena i u Prijedlogu Zakona o šumama predložen je procenat izdvajanja u iznosu od 0,07 % kao i u Nacrtu Zakona o šumama, dok je u stavu (3) člana 52. Prijedloga Zakona o šumama, iza riječi udruženja i fondacije, izuzev onih koji obavljaju djelatnost radi sticanja dobiti, dodano:“te pravna lica koja upošljavaju preko 50% invalidnih lica, bez obzira na obavljanje djelatnosti radi sticanja dobiti“.

#### **IV - POSTUPAK DONOŠENJA**

Imajući u vidu navedeno predlažemo Vladi Zeničko-dobojskog kantona da donese Zaključak o utvrđivanju Prijedloga Zakona o šumama i isti dostavi u dalju redovnu Skupštinsku proceduru.

#### **V – DODATNA FINANSIJSKA SREDSTVA ZA PROVOĐENJE ZAKONA**

Za provođenje ovog Zakona u Budžetu Zeničko-dobojskog kantona nije potrebno osigurati dodatna finansijska sredstva.

**Ministar Ministarstvo za poljoprivredu,  
šumarstvo i vodoprivredu  
Bojan Bošnjak**

**IZVJEŠTAJ O PROVEDENOJ JAVNOJ RASPRAVI PO NACRTU ZAKONA O  
ŠUMAMA ZENIČKO-DOBOJSKOG KANTONA  
(satstavni dio Orazloženja Prijedloga Zakona)**

Postupajući u skladu sa tačkom 2. Zaključka Skupštine Zeničko-dobojskog kantona, broj: 02-02-20506/12 od 14.11.2012. godine, organizirana je Javna rasprava po Nacrtu Zakona o šumama (u daljem tekstu: Nacrt Zakona).

Organizatori Javne rasprave u općinama bili su Općinski načelnici i Ministarstvo za poljoprivredu, šumarstvo i vodoprivredu, koje je sačinilo Plan Javne rasprave.

Ministarstvo za poljoprivredu, šumarstvo i vodoprivredu aktom broj: 05/02-02-24788-3/12 od 10.12.2012. godine, dostavilo je svim općinama, Stručnoj službi Skupštine Zeničko-dobojskog kantona, Kantonalnoj upravi za šumarstvo i J.P. Šumsko-privrednom društvu Zeničko-dobojskog kantona d.o.o. Zavidovići, Plan provođenja Javne rasprave po Nacrtu Zakona o šumama Zeničko-dobojskog kantona.

Plan rasprave po Nacrtu Zakona o šumama Zeničko-dobojskog kantona je u cjelosti proveden u svim općinama Zeničko-dobojskog kantona.

Na raspravama su učestvovali ovlašteni predstavnici općina, državni službenici i namještenici, članovi općinskih štabova civilne zaštite, općinski vijećnici, predstavnici udruženja građana, pravnih lica, privrednih društava i drugi zainteresirani građani.

Opća ocjena sprovedene javne rasprave je podrška predloženom Nacrtu Zakona o šumama.

**I. U toku provedene javne rasprave iznesena su slijedeća načelna mišljenja i primjedbe:**

1. Sa javnih rasprava u općinama i rasprave sa 29. sjednice Skupštine Zeničko-dobojskog kantona održane 14.11.2012. godine, iznesena su mišljenja da se ovaj Zakon dugo čekao, doduše sa Federalnog nivoa, na kojem je donošenje istog zapelo, a izraženo je zadovoljstvo za izradu Kantonalnog Zakona o šumama, jer se na terenu suočavalo sa nizom problema nepostojanjem istog kako u radu resornog ministarstva, tako i u radu Kantonalne uprave za šumarstvo, J.P. Šumsko-privrednog društva Zeničko-dobojskog kantona, radu sudova i mnogih drugih preduzeća koja se oslanjaju na ovaj zakon.

2. Na Nacrt Zakona o šumama na Javnim raspravama u općinama: Olovo, Vareš, Kakanj, Visoko, gro primjedbi se odnosio na član 35. (sadašnji član 36. Prijedloga zakona o šumama-Prenošenje poslova gospodarenja državnim šumama), koja se odnosi na organizaciju šumarstva da na području Kantona posluje jedno ili više Šumsko-privrednih društava, u odnosu na dosadašnju organizaciju gdje je na području Zeničko-dobojskog kantona egzistiralo jedno Kantonalno šumsko-privredno društvo Zeničko-dobojskog kantona.

Zatim su se primjedbe odnosile na član 47. (sadašnji član 48. Prijedloga Zakona o šumama-Poslovi Kantonalne uprave za šumarstvo), da se stav 1. pod tačkom a) izuzme iz nadležnosti Kantonalne uprave za šumarstvo da se poslovi čuvanja šuma prenesu na Šumsko-privredno društvo (šumarije).

Član 50. (sadašnji član 51. Prijedloga zakona o šumama-Uplata naknade za korištenje državnih šuma i šumskog zemljišta), da iznos za općine iznosi više od 5 %, u odnosu kako je to u Nacrtu Zakona o šumama predviđeno.

Član 51. (sadašnji član 52. Prijedloga zakona o šumama-Naknade za općekorisne funkcije šuma) gdje je predloženo da se stav 1. navedenog člana izmijeni umjesto planiranog iznosa od 0,07%, da se izdvaja iznos od 0,05 % od ukupno ostvarenog prihoda iz operativnih djelatnosti, odnosno maksimalno 100.000 KM godišnje, koji treba da plaćaju sva pravna lica koja su registrovana za obavljanje djelatnosti i imaju sjedište na teritoriji kantona, kao i dijelovi pravnih lica čije je sjedište van kantona, a obavljaju djelatnost na teritoriji Kantona.

### **Stav predlagača po načelnim primjedbama:**

- Predlagač se složio i podržao mišljenja po pitanju donošenja Zakona s Federalnog i Kantonalnog nivoa.
- Što se tiče primjedbe koja se odnosila na član 35. (sadašnji član 36. Prijedloga zakona o šumama-Prenošenje poslova gospodarenja državnim šumama), koja se odnosi na organizaciju šumarstva, od strane predlagača je prihvaćena, tako da na području Kantona posluje jedno ili više kantonalnih šumsko-privrednih društava (korisnik državnih šuma i šumskog zemljišta). Šumsko-privredno društvo se može osnovati za jedno ili više šumsko-privrednih područja.
- Odluku o osnivanju šumsko-privrednog društva donosi Skupština kantona na inicijativu zainteresirane strane.
- Predlagač nije mogao prihvatiti primjedbu na član 47. (sadašnji član 48. Prijedloga Zakona o šumama-Poslovi Kantonalne uprave za šumarstvo), da se stav 1. pod tačkom a) izuzme iz nadležnosti Kantonalne uprave za šumarstvo, da se poslovi čuvanja šuma prenesu na Šumsko-gospodarsko društvo (šumarije) iz razloga što nije logično kome su šume date na gospodarenje-korištenje da ih i kontroliše.
- Takođe nije prihvaćen prijedlog da iznos za općine iznosi više od 5% u odnosu kako je to Nacrtom predviđeno, iz razloga što smatramo da je predviđeni iznos ovim Zakonom realan.
  - Predlagač nije mogao prihvatiti izmjenu člana 51. (sadašnji član 52. Prijedloga zakona o šumama-Naknade za općekorisne funkcije šuma), gdje je predloženo da se stav 1. navedenog člana izmijeni umjesto planiranog iznosa od 0,07%, da se izdvaja iznos od 0,05 % od ukupno ostvarenog prihoda iz operativnih djelatnosti, odnosno maksimalno 100.000,00 KM godišnje, koji treba da plaćaju sva pravna lica koja su registrovana za obavljanje djelatnosti i imaju sjedište na teritoriji kantona, kao i dijelovi pravnih lica čije je sjedište van kantona, a obavljaju djelatnost na teritoriji Kantona iz razloga jer se isti treba da plaća na osnovu ostvarenog prihoda, a ne da se uslovi koji će to prihod biti.



## **II. Konkretno primjedbe/prijedlozi i sugestije**

### **Općina Olovo**

#### **Član 8. stav 3. (Projekat za izvođenje radova u šumarstvu)**

Projekat za izvođenje radova u šumarstvu mogu izrađivati diplomirani inženjeri šumarstva (VII stepen stručne spremlje), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci. Korisnik državnih šuma, odnosno vlasnik privatne šume, određuje lice za izradu projekta za izvođenje radova u šumarstvu.

Promjena u ovom članu bi se odnosila na dio: da se iz riječi “**najmanje dvije godine staža u struci**” doda “**i položenim stručnim ispitom**”.

Dalje u članu 8. iza stava 6. predlaže se da se dodaju još dva nova stava, koji glase:

Stav (7) Korisnik šuma određuje realizatora projekta, diplomiranog inženjera šumarstva/bačelera šumarstva sa položenim stručnim ispitom, koji je odgovoran za stručno izvođenje radova po projektu za izvođenje.

Stav (8) Projekta za izvođenje ima trajan karakter i čuva se u arhivi korisnika šuma i vlasnika privatnih šuma.

#### **Stav predlagača po primjedbi:**

Primjedbe se prihvataju i iste će biti ugrađene u prijedlog zakona.

#### **Član 9. stav 2. (Doznaka stabala za sječū)**

Doznaku stabala za sječū može vršiti diplomirani inženjer šumarstva (VII stepen stručne spremlje), odnosno master diplomirani inženjer šumarstva (Bolonjski sistem studiranja), sa najmanje dvije godine radnog iskustva u struci, kojeg odredi korisnik državnih šuma za državne šume, a privatne šume Kantonalna uprava za šumarstvo, odnosno pravno lice registrovano za obavljanje poslova u šumarstvu.

Promjena u ovom članu bi se odnosila da “Doznaku stabala za sječū može vršiti diplomirani inženjer šumarstva (VII stepen stručne spremlje), odnosno master diplomirani inženjer šumarstva (Bolonjski sistem studiranja), sa najmanje dvije godine radnog iskustva u struci i položenim ispitom, kojeg odredi korisnik državnih šuma za državne šume, a privatne šume Kantonalna uprava za šumarstvo, odnosno pravno lice registrovano za obavljanje poslova u šumarstvu.

#### **Stav predlagača po primjedbi:**

Primjedba se prihvata i ista će biti ugrađena u prijedlog zakona.

## **Član 12. stav 1. (Tehnički prijem radova)**

(1) Tehnički prijem radova izvedenih po projektu za izvođenje radova u šumarstvu vrši komisija za tehnički prijem radova, koju za državne šume formira korisnik državnih šuma i šumskog zemljišta, a za privatne šume Kantonalna uprava za šumarstvo ili pravno lice registrovano za obavljanje poslova u šumarstvu.

Predlaže se da se ispred stava (1) doda novi stav koji bi glasio: Za izvedene radove po projektu za izvođenje vrši se tehnički prijem radova, najkasnije u roku od 30 dana od dana okončanja radova.

Dosadašnji stav 1 postaje stav 2.

U stavu 2., odnosno po novom u stavu 3. prijedlog se odnosi na članove komisije.

Stav (2) Komisija iz stava (1) ovog člana sastoji se od tri člana. U sastav komisije obavezno ulazi diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), koji je izradio projekat za izvođenje radova u šumarstvu, diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), predstavnik Kantonalne uprave za šumarstvo, a treći član može biti diplomirani biolog ili diplomirani inženjer zaštite okoline kao i diplomirani inženjer šumarstva. Tehnički prijem radova pošumljavanja vrši se poslije dvije godine od završetka njihovog izvođenja.

**Prijedlog:** Komisija za tehnički prijem radova sastoji se od tri člana, u koju obavezno ulazi diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), koji je izradio projekata za izvođenje radova, a ostala dva člana čine diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja) predstavnici Kantonalne uprave za šumarstvo sa položenim stručnim ispitom.

Iza stava 3. treba dodati slijedeće: “Ako se prilikom tehničkog prijema utvrdi da radovi nisu izvršeni u skladu sa projektom za izvođenje, korisnik šuma, odnosno vlasnik šuma je dužan utvrđene nedostatke otkloniti i radove izvršiti u roku koji odredi komisija. Nakon isteka roka komisija vrši ponovni pregled”.

Tehnički prijem radova pošumljavanja-kolaudacija treba se precizirati na slijedeći način: “tehnički prijem radova pošumljavanja-kolaudacija vrši se poslije dvije godine od završetka njihovog izvođenja”.

Predlažemo da se dodaju i slijedeći stavovi: “O izvršenom tehničkom prijemu izvedenih radova, komisija sačinjava zapisnik u kojem se obavezno konstatuje uspjeh, obim i kvalitet izvršenih radova po projektu za izvođenje. Svi izvršeni radovi i nalaz komisije evidentiraju se u propisane knjige evidencije”.

Nakon predloženih izmjena član 12. bi u konačnici glasio:

(1) Za izvedene radove po projektu za izvođenje, vrši se tehnički prijem radova, najkasnije u roku od 30 dana od dana okončanja radova.

(2) Tehnički prijem radova izvedenih po projektu za uzvođenje radova u šumarstvu vrši Komisija za tehnički prijem radova, koju za državne šume formira korisnik državnih šuma i šumskog zemljišta, a za privatne šume Kantonalna uprava za šumarstvo ili pravno lice registrovano za obavljanje poslova u šumarstvu.

(3) Komisija za tehnički prijem radova sastoji se od tri člana u koju obavezno ulaze diplomirani inženjer šumarstva/master šumarstva, koji je izradio projekat za izvođenje radova, realizatora projekta koji je odgovoran za stručno izvođenje radova po projektu za izvođenje i jedan diplomirani inženjer šumarstva/master šumarstva predstavnik Uprave za šumarstvo sa položenim stručnim ispitom.

Tehničkom prijemu radova je obavezno prisutan izvođač radova koji nije član komisije.

(4) Ako se prilikom tehničkog prijema utvrdi da radovi nisu izvršeni u skladu sa projektom za izvođenje, korisnik šuma, odnosno vlasnik šuma je dužan utvrđene nedostatke otkloniti i radove izvršiti u roku koji odredi komisija. Nakon isteka roka komisija vrši ponovni pregled.

(5) Tehnički prijem radova pošumljavanja-kolaudacija vrši se poslije dvije godine od završetka njihovog izvođenja.

(6) O izvršenom tehničkom prijemu izvedenih radova, komisija sačinjava zapisnik u kojem se obavezno konstatuje uspjeh, obim i kvalitet izvršenih radova po projektu za izvođenje.

(7) Svi izvršeni radovi i nalaz komisije evidentiraju se u propisane knjige evidencije.

(8) Primjerak zapisnika Komisija dostavlja u roku od osam dana od dana završetka pregleda kantonalnoj upravi za inspekcijske poslove-šumarskom inspektoratu.

#### **Stav predlagača po primjedbi:**

Primjedba se prihvata i ista će biti ugrađena u prijedlog zakona.

### **Član 18.**

#### **(Proglašenje zaštitinih šuma s posebnom namjenom)**

Predlažu se promjene koje se odnose na stav (2) gdje stoji: Stručni šumarski elaborat iz stava (1) može izrađivati pravno lice iz člana 4. stav 6. ovog Zakona.

Smatramo da nikakve veze nema ovaj stav sa članom 4. stav 6. nego to ima veze sa članom 6. stav 6. ovog Zakona, "a stručni šumarski elaborat u šumarstvu je šumsko-privredna osnova". Smatramo da je u pitanju neka tehnička greška u kucanju ili prepisivanju.

Predlažemo: stav (2) Stručni šumarski elaborat iz stava 1. može izrađivati pravno lice iz člana 6. stav 6. ovog Zakona.

#### **Stav predlagača po primjedbi:**

Primjedba se prihvata i ista će biti ugrađena u prijedlog zakona.

## Član 34

### (Privatne šume)

Stav (5) Pod stručnim poslovima iz stava (2) ovog člana podrazumijevaju se doznaka, izrada izvedbenog projekta, primanje i premjeravanje drvene mase, izdavanje otpremnog iskaza, planiranje šumsko-uzgojnih radova, stručni nadzor, stručni savjetodavni poslovi i vođenje evidencija.

“Pod stručnim poslovima iz stava 2. ovog člana” nema nikakve veze sa stavom (2) može biti iz stava (4) ovog člana, jer se u stavu 4. govori o stručnim poslovima, pa bi u konačnici stav (5) glasio: **“Po stručnim poslovima iz stava (4) ovog člana podrazumjeva se doznaka, izrada izvedbenog projekta, primanje i premjeravanje drvene mase, izdavanje otpremnog iskaza, planiranje šumsko-uzgojnih radova, stručni nadzor, stručni savjetodavni poslovi i vođenje evidencija”.**

Stav (6) “Naknada iz stava (3) ovog člana iznosi najviše 10% od cijene na panju posječenih šumskih drvnih sortimenata po cjenovniku šumskih proizvoda koji donosi privredno društvo uz prethodnu saglasnost Ministarstva.

**Predlažemo:** u stavu (6) se briše “iz stava (3) i dodaje iz stava (4) ovog člana, naknada se spominje u stavu 4, a ne u stavu 3, pa bi u konačnici stav (6) glasio: **“Naknada iz stava 4. ovog člana iznosi najviše 10% od cijene na panju posječenih drvnih sortimenata po cjenovniku šumskih proizvoda koji donosi privredno društvo uz prethodnu saglasnost Ministarstva”.**

Stav (8) Kantonalna uprava za šumarstvo ili pravno lice za obavljanje stručnih poslova u šumarstvu dužni su voditi evidencije o izvršenim radovima i provedenim mjerama predviđeni kantonalnim šumsko-razvojnim planom, šumsko privrednom osnovom i projektom za izvođenje. Podaci predviđeni evidencijama moraju se evidentirati za proteklu godinu najkasnije do 28. februara tekuće godine.

Stav (9) Za privatne šume projekat za izvođenje izrađuje se u skladu sa odredbama člana 6. ovog zakona i donosi ga Kantonalna uprava za šumarstvo ili pravno lice za obavljanje stručnih poslova u šumarstvu na koje su preneseni stručni poslovi.

Stav (10) Ministar donosi pravilnik kojim se propisuje način i oblik vođenje registra evidencija iz stava 8. ovog člana.

Predlagač predlaže da se stavovi (8) i (9) treba da brišu, a stav (10) da se “isiječe” iz ovog člana i “zalijepi”: kao stav (2) u sklopu člana 36. Smatra da je skladnije da iza dobro opisanog obrazloženja o vođenju evidencija o izvršenim radovima u šumarstvu u članu 36. ovog Zakona treba da slijedi Pravilnik o vođenju registara kojeg propisuje Ministar.

**Obrazloženje:** da se stav (8) briše iz razloga što je u članu 36. ovog zakona rečeno o načinu vođenja evidencija o izvršenim radovima, kako u državnim tako i u privatnim, što je sasvim dovoljno i precizno.

Stav (9) se briše zato što je u članu 6., a posebno u članu 8. ovog Zakona, detaljno rečeno o načinu izrade projekta za izvođenje.

**Stav predlagača po primjedbi:** Primjedbe se prihvaćaju i iste će biti ugrađene u prijedlog zakona.

## **Član 35** **(Prenošenje poslova gospodarenja državnim šumama)**

Prijedlog je da se stav (1) mijenja i glasi:

(2) Odluku o formiranju šumsko-privrednog društva, na nivou šumsko-privrednog područja, donosi predstavničko tijelo lokalne zajednice-Općinsko vijeće.

Ostali članovi ostaju nepromijenjeni, ali se mijenja broj stavova tako da sadašnji stav (2) postaje stav (3) i tako redom.

Predlagači smatraju da bi na ovaj način bilo zadovoljeno pravo lokalne samouprave, odnosno općine u punom smislu riječi vodi brigu o svojim prirodnim bogatstvima i da aktivno učestvuje u kreiranju pozitivnih smjernica razvoja iste. Ovo je ujedno i zadovoljenje pobijenog zakona o šumama kojim je bilo povrijeđeno pravo općina na lokalnu samoupravu, po presudi Ustavnog suda FBiH.

### **Stav predlagača po načelnim primjedbama:**

Primjedba na stav (1) člana 35. se prihvata i ista će biti ugrađena u prijedlog zakona, dok se prijedlog da se iz stava (1) dodaje novi stav da Odluku o formiranju šumsko-privrednog društva na nivou šumsko-privrednog područja, donosi predstavničko tijelo lokalne zajednice-Općinsko vijeće, ne prihvata. Prijedlog predlagača je da se na osnovu mišljenja predstavničkog tijela lokalne zajednice-Općinskog vijeća, Odluku o formiranju šumsko-privrednog društva na nivou šumsko-privrednog područja donosi Skupština Zeničko-dobojskog kantona.

## **Član 36** **(Vođenje evidencija o izvršenim radovima)**

Korisnik državnih šuma i šumskog zemljišta, za državne šume i šumsko zemljište, kantonalna uprava za šumarstvo ili pravno lice za obavljanje poslova u šumarstvu, za privatne šume i šumsko zemljišta, dužni su voditi evidencije o izvršenim radovima i provedenim mjerama predviđenim šumsko-razvojnim planom, šumsko-privrednom osnovom, privremenim planom gospodarenja, godišnjim planom gospodarenja i projektom za izvođenje radova u šumarstvu. Podaci se evidentiraju za proteklu godinu i dostavljaju kantonalnoj upravi najkasnije do 28. februara tekuće godine za prethodnu godinu.

Predlažu se slijedeće izmjene u članu 36.: U članu 36. sve rečeno predstavlja stav (1) predlaže stav (2) koji je bio stav (10) u članu 34., što bi stav (2) glasio: „**Ministar donosi pravilnik kojim se propisuje način i oblik vođenja registara evidencija iz stava (1) ovog člana**“.

### **Stav predlagača po primjedbi:**

Primjedba se prihvata i ista će biti ugrađena u prijedlog zakona.

## **Član 40** **(Stručni šumarski ispit)**

Glasi: Za obavljanje stručnih poslova u šumarstvu polaže se stručni šumarski ispit i mogu ga polagati diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci nakon sticanja zvanja diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja), pred nadležnim federalnim organom.

U zadnjem pasusu piše da se za obavljanje stručnih poslova u šumarstvu polaže stručni ispit „pred nadležnim federalnim organom“. Smatra da nema potrebe da stoji pred nadležnim federalnim organom nego pred nadležnim kantonalnim organom. Nejasno je, kod kojeg bi to federalnog organa polagao stručni ispit, odnosno stekao licencu za obavljanje stručnih poslova, kada se zakon donosi na nivou kantona i nepostoji Federalni zakon o šumama. Upitno je, nastavlja, pred kojim kantonalnim organom će se ispit polagati, ko je licenciran da može biti ispitivač. Smatra da treba precizirati „ko je ispitivač“ kod polaganja stručnog ispita. Predlaže dodavanje stav (3) i predlaže da glasi „Ministar donosi pravilnik o uslovima i načinu polaganja stručnog šumarskog ispita“.

### **Stav predlagača po načelnim primjedbama:**

Primjedba se prihvata i u prijedlog zakona će se ugraditi da se polaganje stručnog ispita vrši kod ovlaštene institucije iz oblasti šumarstva, koja će propisati pravilnik o uslovima i načinu polaganja stručnog šumarskog ispita.

## **Član 48** **(Čuvanje šume)**

(1) Čuvarska služba formira se unutar Kantonalne uprave

### **Prijedlog :**

(1) Čuvarska služba se formira na nivou šumsko privrednog društva. Stavovi 2, 3 i 4 ostaju ne promijenjeni.

(2) Čuvari šuma mogu biti lica koja su završila srednju šumarsku školu III ili IV stepena, koja ispunjavaju uslove za nošenje oružja i druge uslove za obavljanje javne službe.

(3) Čuvari šuma su ovlaštene službene osobe i imaju ovlaštenja u skladu sa ovim Zakonom.

(4) Čuvari šuma službu obavljaju u uniformi, moraju biti naoružani i moraju posjedovati dokument - legitimaciju čuvara šuma čiji oblik i sadržaj propisuje Ministar, a kojom potvrđuju status čuvara šuma. Legitimaciju imaju i druga stručna lica koja imaju ovlaštenje za poslove zaštite šuma.

(5) Dužnosti čuvara šuma su da:

- a) čuva šumu i šumsko zemljište od šumskih požara na način kako je utvrđeno ovim Zakonom i planovima zaštite šuma od požara;
- b) čuva šumu i šumsko zemljište od bespravnog zauzimanja i korištenja, od bespravnih sječa, sprječava bespravnu izgradnju u šumi i na šumskim zemljištima;
- c) evidentira bespravno posječena stabla u propisane obrasce i obilježava ih;
- d) prati pojave i kretanje biljnih bolesti i štetočina i štete nanesene šumi od divljači;

- e) prati stanje divljači;
  - f) prati održavanje šumskog reda;
  - g) sprječava nezakonito pokretanje drveta iz šume, ubiranje i sakupljanje nedrvenih proizvoda i stavljanje istih u promet;
  - h) zaustavlja prijevozna sredstva i pregleda prateću dokumentaciju za prijevoz šumskih sortimenata;
  - i) pregleda porijeklo drveta na pilanama i na svim drugim mjestima gdje se drvo drži;
  - j) pregleda transport na šumskim putevima;
  - k) sprečava odlaganje smeća i drugog otpada u šumu i uništavanje graničnih znakova;
  - l) sačinjava zapisnik o protivpravnoj radnji i putem Kantonalne uprave za šumarstvo podnosi prijavu;
  - m) legitimise sva lica zatečena u vršenju prekršajnih radnji po ovom Zakonu i krivičnih djela koja se odnose na šume ili za koja postoji osnovana sumnja da su izvršila takva djela;
  - n) obavještava putem Kantonalne uprave za šumarstvo, policijsku stanicu i Kantonalnu upravu za inspeksijske poslove o svim zapaženim nepravilnostima.
- (6) Čuvar šuma obavezan je, u skladu sa svojim dužnostima iz stava (5) ovog člana, za sve bespravne aktivnosti, bez odlaganja sačiniti zapisnik, na osnovu kojeg Kantonalna uprava pokreće postupak kod nadležnog organa.
- (7) Na zahtjev čuvara šuma, svako lice je dužno pokazati lične isprave kojim se utvrđuje njegov identitet i dokumentaciju za drvo i ostale šumske proizvode u prijevozu ili koji su uskladišteni.

**Prijedlog: Stav (5) i (6) se mijenjaju u dijelu gdje stoji Kantonalna uprava za šumarstvo sa Šumsko-privredno društvo. Stav (7) ostaje nepromijenjen.**

Ranija Zakonska rješenja i Uredba o šumama čuvanje šuma dato je u nadležnost Kantonalne uprave za šumarstvo koja formira čuvarsku službu na nivou lokalnih zajednica-općina. Praksa je pokazala da čuvarska služba organizovana na taj način nije u mogućnosti adekvatno čuvati šume i šumska zemljišta u što se možemo uvjeriti na svakom dijelu kantona.

**Stav predlagača po načelnim primjedbama:**

Primjedba na član 48, odnosno sadašnji član 49 se ne prihvata iz razloga što smatramo da ne treba u organizacionom smislu poduzimati aktivnosti jer jer ne znamo kako i na koji način će biti definisan status Kantonalne uprave za šumarstvo pa i status čuvarske službe Zakonom o šumama Federacije BiH, na temelju kojeg će status Kantonalne uprave za šumarstvo pa i čuvarske službe biti usklađen sa istim. Federalnim zakonom mogla bi biti utvrđena drugačija organizacija Uprave za šumarstvo te bi time napravili problem u organizacionom smislu što bi moglo imati određene posljedice.

## Članovi 47; 56; 60 i 61 Nacrta zakona o šumama na području Zničko-dobojskog kantona

U Nacrtu Zakona o šumama na području Zeničko-dobojskog kantona, u članovima 47; 56; 60 i 61. ima dosta gramatičkih grešaka, mišljenja smo da treba abecedno uskladiti tekstovno navedene poslove. Navodi primjer: obilježje nije sastavni dio abecednog reda

### Stav predlagača po primjedbi:

Primjedba se prihvata i gramatičke greške u prijedlogu zakona u navedenim članovima će se ispraviti kao i tekstovno usklađenje.

### Član 49 (Izvori namjenskih sredstava)

(1) Radi ostvarivanja općeg interesa i dugoročnih ciljeva održivog gospodarenja šumama i šumskim zemljištem utvrđenih šumsko privrednim osnovama, prikupljaju se finansijska sredstva za zaštitu i unaprijeđenje stanja postojećih i podizanja novih šuma i ruralni razvoj.

(2) Sredstva iz stava (1) ovog člana, obezbijeduju se iz naknada:

- a) za obavljanje stručnih poslova u privatnim šumama iz člana 35. stav (2) ovog Zakona;
- b) za korištenje državnih šuma i šumskog zemljišta iz člana 38. ovog Zakona;
- c) za izdvajanje šuma iz šumsko-privrednog područja iz člana 42. stav (3) ovog Zakona;
- d) za krčenje šume iz člana 43. stav 6. ovog Zakona;
- e) od zakupa državnih šuma i šumskog zemljišta iz člana 45. stav (2) ovog Zakona;
- f) po osnovu prava služnosti iz člana 46. stav (3) ovog Zakona;
- g) za općekorisne funkcije šuma iz člana 52. ovog Zakona;
- h) sredstva po osnovu naknada šteta pričinjenih državnim šumama iz člana 9. stav 6 ovog Zakona;
- i) ostalih izvora u skladu sa ovim Zakonom i drugih izvora.

(3) Sredstva iz stava (2) ovog člana, predstavljaju namjenska sredstva i uplaćuju se u Budžet Kantona, izuzev sredstava utvrđenih članom 50. stav (1) tačke (a) i (c).

(4) Ministar, uz prethodno pribavljeno mišljenje federalnog ministra finansija, donosi Uputstvo o načinu obračunavanja, rokovima i postupku plaćanja naknada propisanih ovim Zakonom i uplatnim računima na koje se usmjeravaju sredstva, kao i o obliku i sadržaju obrasca za obračun naknada iz stava (2) tačka b) i g) ovog člana.

(5) Ministar, na prijedlog Kantonalne uprave, donosi odluku o iznosu naknade iz stava (2) tačka a) ovog člana.

**Prijedlog:** u stavu (3) koji se odnosi na uplaćivanje sredstava izbacuje se tačka c), a tačka a) se mijenja sa tačkom b). Smatra da se treba mijenjati način uplate rasporeda uplata sredstava na račun kantona i općine.

Ovaj: stav bi glasio: (3) Sredstva iz stava (2) ovog člana, predstavljaju namjenska sredstva i uplaćuju se u Budžet kantona izuzev sredstava utvrđenih članom 50 stav (1) tačka b.



### **Stav predlagača po primjedbi:**

Primjedba se ne prihvata jer članom 50 Nacrta Zakona o šumama u stavu (1) propisano da se naknada za korištenje državnih šuma i šumskog zemljišta iz člana 37. Nacrta zakona o šumama, a u prijedlogu Zakona o šumama članom 38. definisan način uplata naknada za korištenje državnih šuma i šumskog zemljišta.

### **Član 50**

#### **(Uplata naknada za korištenje državnih šuma i šumskog zemljišta)**

(1) Naknada za korištenje državnih šuma i šumskog zemljišta iz člana 38. ovog Zakona obračunava se od prihoda od drveta računajući cijenu drveta na panju i prihoda ostvarenog od nedravnih šumskih proizvoda i uplaćuje se:

- a) 1,0 % na račun Budžeta Federacije,
- b) 1,0 % na račun Budžeta Kantona,
- c) 5,0 % na namjenski račun općine na čijoj teritoriji se ostvaruje prihod.

(2) Naknada iz stava (1) ovog člana uplaćuje se po ostvarenom prihodu, tromjesečno i po završnom godišnjem računovodstvenom izvještaju.

(3) Kontrolu obračuna i uplate naknade iz stava (1) ovog člana vrši šumarski inspektor.

- (1) Ako obveznik plaćanja naknade ne obračuna ili ne uplati naknadu iz stava (1) ovog člana na način propisan u stavu (1) ovog člana, šumarski inspektor koji je izvršio kontrolu uplate sredstava, po pravosnažnosti i izvrsnosti rješenja o uplati sredstava koje je ispostavio obvezniku, podnosi nadležnom sudu prijedlog za prinudno izvršenje ove novčane obaveze.

Član 50. stav (1) odnosi se na uplaćivanje sredstava a), b) i c), stavovi a), b) i c) se brišu i zamjenjuju novim:

- a) 2,0% na račun budžeta kantona;
- b) 5,0 % na namjenski račun općine na čijoj teritoriji se ostvaruje prihod.

Smatramo da se na račun Federacije ne treba uplaćivati ništa, pa se automatski ovaj prethodni član 49. povezuje sa ovim članom, jer izbacuje tačku b.

**Prijedlog:** je da ovaj član treba da glasi:

Naknada za korištenje državnih šuma i šumskog zemljišta iz člana 38. ovog Zakona obračunava se od prihoda od drveta računajući cijenu drveta na panju i prihoda ostvarenog od nedravnih šumskih proizvoda i uplaćuje se:

- a) 2,0 % na račun Budžeta Kantona,
- b) 5,0 % na namjenski račun općine na čijoj teritoriji se ostvaruje prihod.

U obrazloženju koje je sastavni dio Nacrta Zakona o šumama, u poglavlju XI Ekonomske funkcije šume opće nije navedeno izdvajanje 1 % za Budžet Federacije, nego je navedeno 2 % na Budžet kantona. U nacrtu Zakona je 1 % na Budžet Federacije, 1 % na Budžet Kantona. Obzirom da je kanton sa općinama nadležan za provođenje odredaba ovog Zakona to ujedno predstavlja dodatni razlog da se sredstva uplaćuju samo u Budžet kantona i općine, pojašnjeno je. U prilog ide da se kanton nije vodio nikakvih odredaba Federalnog nivoa.

**Stav predlagača po primjedbi:**

Primjedba se prihvata i ista će biti ugrađena u prijedlog zakona o šumama kako je to navedeno da se:

Naknada za korištenje državnih šuma i šumskog zemljišta iz člana 38. ovog Zakona obračunava se od prihoda od drveta računajući cijenu drveta na panju i prihoda ostvarenog od nedrvenih šumskih proizvoda i uplaćuje se:

- c) 2,0 % na račun Budžeta Kantona,
- d) 5,0 % na namjenski račun općine na čijoj teritoriji se ostvaruje prihod.

**Član 53****(Korištenje namjenskih sredstava koja su prihod općina)**

(1) Namjenska sredstva iz člana 50. ovog Zakona općine mogu koristiti isključivo za izgradnju, rekonstrukciju i održavanje infrastrukture na području općine. Sredstva se mogu koristiti nakon usvajanja plana utroška sredstava koji donosi općinsko vijeće.

(2) Nadzor nad utroškom sredstava iz stava (1) ovog člana vrši Ministarstvo putem Kantonalne uprave za šumarstvo.

**Prijedlog:** stav (2) Nadzor nad utroškom sredstava iz stav (1) ovog člana vrši Općinsko vijeće.

Plan utroška donosi općinsko vijeće, pa je logično da kontrolu treba da vrši komisija ispred općinskog vijeća, a ne kantonalna uprava.

**Stav predlagača po primjedbi:**

Primjedba se prihvata i ista će biti ugrađena u prijedlog zakona gdje će stajati da će Komisija ispred općinskog vijeća koja će vršiti kontrolu uoška namjenskih sredstava Kantonalno upravi dostaviti izvještaj o urošku istih.

**Član 52. i 53****Prijedlog. Da se članovi 52. i 53. Nacrta zakona o šumama dopune i to:**

U članu 52. dodaje se novi stav n) za obuku, opremanje i gašenje šumskih požara- sredstava kantona i u članu 53. dodaje se poslije riječi: općine mogu koristiti isključivo za „opremanje, obuku jedinica za gašenje požara, izgradnju skladišta za smještaj vatrogasne opreme“, dok ostali tekst ostaje isti-sredstva općine.

**Stav predlagača po primjedbi:**

Primjedba se prihvata i ista će biti ugrađena u prijedlog zakona.

**Prijedlog:** Općina daje saglasnost na šumsko-privrednu osnovu i na godišnji plan gospodarenja.

Članom 8. Zakona o principima lokalne samouprave u Federaciji BiH („Službene novine FBiH“, broj: 49/06) utvrđeno da jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona. Jedinica lokalne samouprave je samostalna u odlučivanju o pitanjima iz vlastitih nadležnosti, koje ne mogu biti ograničene ili uskraćene od federalnih i kantonalnih vlasti, osim u slučajevima i u okvirima utvrđenih ustavom i zakonom. U vlastite nadležnosti jedinica lokalne samouprave, između ostalih, spada „utvrđivanje politike upravljanja prirodnim resursima jedinice lokalne samouprave i raspodjele sredstava ostavrenih na osnovu njihovog korištenja“. Smatramo da je način da općina svoja prava, u smislu Zakona o principima lokalne samouprave, može ostvariti kroz davanje saglasnosti, nikako mišljenja, na šumsko-gospodarsku osnovu i na godišnji plan gospodarenja.

**Stav predlagača po primjedbi:**

Prijedlog se ne prihvata jer je u članu 6 stav 8. prijedloga Zakona o šumama navedeno: Šumskoprivrednu osnovu za državne šume i šumsko zemljište donosi šumskoprivredno društvo (u daljem tekstu: korisnik državnih šuma) uz prethodno pribavljenu saglasnost Ministarstva za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo), koja se izdaje na osnovu prijedloga stručne komisije i mišljenja općine. Mišljenje sa stručnim obrazloženjem, općina je dužna dostaviti Ministarstvu najkasnije u roku od 30 dana od dana prijema zahtjeva. Ukoliko općina ne dostavi mišljenje u ostavljenom roku od 30 dana smatrat će se da nema primjedbi na odredbe šumskoprivredne osnove koja se odnosi na šume i šumska zemljišta u njenim administrativnim granicama. Davanjem mišljenja na Šumsko-privrednu osnovu nema potrebe da općina daje saglasnost na godišnji plan jer se godišnji planovi izrađuju na osnovu šumsko-privrednih osnova, a nakon davanja saglasnosti na isti od strane Kantonalne uprave za šumarstvo, dužnost uprave je da jedan primjerak nakon davanja saglasnosti na isti dostavi općini.

**Prijedlog:** Organizovanje centralnih lagera

U smislu kontrole odvoza prirodnog bogatstva (šume) neophodno je zakonski urediti i naložiti organizovanje centralnih lagera.

**Stav predlagača po primjedbi:**

Primjedba je dijelom na mjestu, ali ista zavisi od stava korisnika šuma i šumskog zemljišta nakon analize raspoloživih sredstava za rad (kamioni) i usklađivanje sa Zakonom o trgovini.

**Općina Vareš**

Primjedbe, sugestija i mišljenja koje su iznesene na javnoj raspravi koja je održana 18.12.2012. godine u Općini Vareš i sa zajedničkog sastanka predstavnika općine Vareš i

Olovo održanog 13.12.2012. godine, gro primjedbi i sugestija je identičan i iste će biti ugrađene u prijedlog Zakona o šumama.

Na Javnoj raspravi u Općini Vareš gospodin Hamdo Fatić je predložio:

Da se član 6. (Šumsko-privredna osnova), na početku stava (3) doda da se prilikom izrade Šumsko-privredne osnove napravi analiza svih parametara od kojih zavisi obim sječa na planiranoj površini (zaliha na površini koja je predmet sječe, klasa drveta na površini sječe itd.). Da u stavu (8) doda da saglasnost za donesenu Šumsko-privrednu osnovu daju općinska vijeća.

### **Član 35. (Prenošenje poslova gospodarenja državnim šumama)**

U stavu (1) ovog člana stoji:

Na području Kantona posluje kantonalno šumsko-privredno društvo (korisnik državnih šuma).

Mišljenja sam da se ovaj član mora izmijeniti, tako da stoji:

„Na području Kantona posluje jedno ili više šumsko-privrednih društava“. „Šumsko-privredno društvo ili više njih se formira u granicama jednog ili više Šumskoprivrednih područja“.

### **Stav predlagača po primjedbi:**

Navedena primjedba je već prihvaćena jer je općina Olovo istu primjedbu navela i ista je prihvaćena i biti će ugrađena u prijedlog zakona.

### **Član 37. (Naknada za korištenje šuma)**

Da se u ovom članu procenat naknade za korištenje šuma poveća sa 7 % na 12 % i da glasi od ostvarenog prihoda na administrativnom području općine od drveta, računajući cijenu drveta na panju i prihoda ostavrenih od nedravnih proizvoda, tako da bi ovaj član u konačnici glasio:

Korisnik državnih šuma dužan je plaćati u visini od 12 % ostvarenog prihoda drveta na panju i nedravnih šumskih proizvoda na administrativnom području općine.

### **Stav predlagača po primjedbi:**

Primjedba na član 37. nije prihvatljiva jer je Zakonom o šumama iz 2002. godine i Uredbom o šumama iz 2009. godine, bio predviđen iznos od 2 % općinama odnosno 5 %.

### **Član 50.**

U stavu (1) ovog člana pod tačkom c) 5% se mijenja sa 10% i glasi na namjenski račun općine na čijoj teritoriji se ostvaruje prihod.

U stavu (2) se predlaže da korisnik šuma mjesečno direktno općinama plaća dogovoreni % prihoda od ostvarenog prihoda u tom mjesecu na području te općine, a konačnu uplatu po završnom godišnjem računooovdstvenom izvještaju.

### **Stav predlagača po primjedbi:**

Primjedba na član 50. nije prihvatljiva jer je članom 51. Prijedloga zakona propisan procenat i period uplate istih.

**Gospodin Kenana Kamenjašević** je predložio slijedeće primjedbe i dopune na predloženi tekst Nacrta Zakona o šumama, koje se odnose na članove 35, 47 i 55.

Primjedbe i dopune na članove 35. i 47 su identične sa primjedbama koje su iznesene od strane Općine Olovo i sa zajedničkog sastanka predstavnika općina Olovo i Vareš, gdje je primjedba na član 35. prihvaćena i bit će ugrađena u prijedlog zakona o šumama, a primjedba na član 47. nije prihvaćena iz razloga što smatramo da ne treba u organizacionom smislu poduzimati aktivnosti jer ne znamo kako i na koji način će biti definisan status Kantonalne uprave za šumarstvo pa i status čuvarske službe Zakonom o šumama Federacije BiH, na temelju kojeg će status Kantonalne uprave za šumarstvo pa i čuvarske službe biti usklađen sa istim. Federalnim zakonom mogla bi biti utvrđena drugačija organizacija Kantonalne uprave za šumarstvo, te bi time napravili problem u organizacionom smislu što bi moglo imati određene posljedica.

### **Član 55 (Inspeksijski nadzor)**

Da se u stavu (1) ovog člana pored kantonalnih inspektora uvedu i općinski šumarski inspektori tako da stav (1) ovog člana glasi:

„Inspeksijski nadzor nad primjenom ovog zakona i propisa doneseni na osnovu ovog zakona vrši kantonalna uprava za inspeksijske poslove putem šumarske inspekcije i općinskih šumarskih inspekcija“.

### **Stav predlagača po primjedbi:**

Primjedba se ne prihvaća jer je Inspeksijski nadzor nije u nadležnosti Ministarstva nego u nadležnosti Kantonalne uprave za inspeksijske poslove koja je samostalna organizacija i ima propisane nadležnosti po Zakonu o inspekcijama Federalnim i Kantonalnim i iz razloga što neznamo hoćeli se organizacija Kantonalne uprave za inspeksijske poslove mijenjati da bude u sastavu Ministarstva i kakav će biti status Kantonalne uprave za šumarstvo u organizacionom smislu donošenje Federalnog Zakona o šumama.

### **Općina Breza**

#### **Frljak Mehmed**

Primjedbe su se odnosile na slijedeće članove Nacrta zakona o šumama:

Član 12 (Tehnički prijem radova), Član 13 (Izvođenje radova u šumarstvu), Član 35 (Prenošenje poslova gospodarenja državnim šumama), član 47 (Poslovi Kantonalne uprave za šumarstvo), član 48 (Čuvanje šume), član 50 (Uplata naknada za korištenje državnih šuma i šumskog zemljišta), član 62 (Prilagođavanje poslova).

**Stav predlagača po primjedbi:**

Primjedbe koje su date na: Član 12 (Tehnički prijem radova), Član 13 (Izvođenje radova u šumarstvu), Član 35 (Prenošenje poslova gospodarenja državnim šumama), član 47 (Poslovi Kantonalne uprave za šumarstvo), član 48 (Čuvanje šume), član 50 (Uplata naknada za korištenje državnih šuma i šumskog zemljišta), su identične sa primjedbama koje su date od strane Općina: Vareš i Olovo i sa zajedničkog sastanka koje su dali predstavnici navedenih općina i iste će biti ugrađene u prijedlog zakona o šumama, dok primjedba na član 62. (Prilagođavanje poslova) će biti takođe prihvaćen i biti će ugrađena u Prijedlog zakona o šumama.

**Općina Visoko****Služba za privredu, razvoj, budžet i finansije****Član 4. tačka 6.  
(Kantonalni razvojni plan)**

(6) Ministarstvo je dužno prilikom izrade plana zatražiti od svih zainteresiranih strana, a posebno od zainteresiranih jedinica lokalne samouprave da daju svoje prijedloge i mišljenja.

Amandman 1 član 4. tačka 6. mijenja se i glasi:

Ministarstvo je dužno prilikom izrade plana zatražiti od svih zainteresiranih strana, a posebno od zainteresiranih jedinica lokalne samouprave da daju svoje prijedloge i mišljenja.

Mišljenje i prijedlog općine daje stručna komisija koju formira općinski načelnik.

**Obrazloženje:**

Po Nacrtu Zakona o šumama Zeničko-dobojskog kantona, općine nemaju upravnog rješavanja niti nadzora na poslovima šumarstva, pa prema tome ni potrebe upošljavanja stručnih lica iz oblasti šumarstva. Mišljenje i prijedlog na plansku dokumentaciju mogu davati samo stručna lica iz oblasti šumarstva.

**Stav predlagača po primjedbi:**

Primjedba se ne prihvata iz razloga što su općine tražile da se zakon o šumama stavi van snage zbog nepoštivanja Zakona o principima lokalne samouprave u Federaciji BiH („Službene novine FBiH“, broj: 49/06), te iz navedenih razloga u navedenom članu stavu 6. navedeno je da zainteresirane jedinice lokalne samouprave daju svoje prijedloge i mišljenja prilikom izrade plana.

**Član 6 tačka 8  
(Šumsko-privredna osnova)**

(8) Šumsko privrednu osnovu za državne šume i šumsko zemljište donosi šumsko privredno društvo (u daljem tekstu: korisnik državnih šuma i šumskog zemljišta) uz prethodno pribavljenu saglasnost Ministarstva za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo), koja se izdaje na osnovu prijedloga stručne komisije i mišljenja općine. Mišljenje sa stručnim obrazloženjem, općina je dužna

dostaviti Ministarstvu najkasnije u roku od 30 dana od dana prijema zahtjeva. Ukoliko općina ne dostavi mišljenje u ostavljenom roku od 30 dana smatrat će se da nema primjedbi na odredbe šumskoprivredne osnove koja se odnosi na šume i šumska zemljišta u njenim administrativnim granicama. Šumskoprivredna osnova za državne šume i šumsko zemljište ne može se primjenjivati, prije nego što na nju Ministarstvo da saglasnost.

**Prijedlog da se član 6. tačka 8 mijenja i glasi:**

Šumsk-privrednu osnovu za državne šume i šumska zemljišta donosi Kantonalno društvo uz prethodno pribavljenu saglasnost Ministarstva za poljoprivredu, šumarstvo i vodoprivredu Zeničko-dobojskog kantona, koja se izdaje na osnovu prijedloga stručne komisije i mišljenja općine. Mišljenje općine daje stručna komisija, a u prelaznom periodu do isteka važeće šumsko-privredne osnove općinama se dostavlja planirani obim sječa za tekuću godinu na koju imaju pravo prigovora.

**Obrazloženje:**

Ukoliko se Nacrtom Zakona uvažava mišljenje općine u tom slučaju mišljenja na plansku dokumentaciju ne mogu biti formalna i moraju ih dati stručna lica iz oblasti šumarstva. Kako se planska dokumentacija donosi za period od deset godina do isteka važeće šumsko-privredne osnove općine nemaju mogućnosti bilo kakvog uticaja na provođenje iste.

**Stav predlagača po primjedbi:**

Primjedba se ne prihvata, jer u navedenom članu propisano da šumsko-privrednu osnovu za državne šume i šumska zemljišta donosi Kantonalno šumsko-privredno društvo uz prethodno pribavljenu saglasnost Ministarstva za poljoprivredu, šumarstvo i vodoprivredu Zeničko-dobojskog kantona, koja se izdaje na osnovu prijedloga stručne komisije i mišljenja općine, a ista se realizuje godišnjim planovima, koje je nakon usvajanja korisnik šuma i šumskog zemljišta dužan u roku od 15 dana pored dostavljanja kantonalnoj upravi za inspeksijske poslove-šumarskoj inspekciji dostaviti i općini na čijem području će se izvoditi radovi predviđeni godišnjim planom gospodarenja kojim se realizuje šumsko-privredna osnova.

**Član 42 stav 4  
(Krčenje šume)**

**Prijedlog da se član 42. stav 4. mijenja i glasi:**

Izuzetno od odredbi ovog člana krčenje šume na površini manjoj od 100 m<sup>2</sup> može se dozvoliti bez provođenja procedure za krčenje šuma ukoliko se krčenje vrši na površinama koja nije u blizini izvorišta vode.

**Stav predlagača po primjedbi:**

Primjedba se ne prihvata, bez obzira na površinu potrebno je provesti proceduru za krčenje šume iz razloga jer bi bilo došlo do prevelikog zauzimanja, tj. krčenja šume.

**Halim Dervišević, općinski vijećnik**

Primjedbe se odnose na član 4. tačku 6. koja je identična sa primjedbom Službe za privredu, razvoj, budžet i finansije, na koji je dat stav predlagača.

Primjedba da se član 7.tačka 3. mijenja i glasi: Nacrt godišnjeg plana gospodarenja korisnik državnih šuma i šumskog zemljišta dužan je dostaviti Kantonalnoj upravi za inspeksijske poslove i općini na čijem teritoriju će se izvoditi radovi predviđeni godišnjim planom gospodarenja sa obavezom provođenja javne rasparve u trajanju od 30 dana.

**Obrazloženje:**

Ni u kom slučaju se ne može dozvoliti da se zbog mogućih zloupotreba godišnji plan gospodarenja donosi bez saglasnosti jedinica lokalne samouprave.

**Stav predlagača po primjedbi:**

Primjedba se ne prihvata, jer davanjem mišljenja na šumsko-privrednu osnovu od strane jedinica lokalne samouprave samim tim je ista upoznata sa planiranim radovima predviđeni godišnjim planom gospodarenja jer se istim svake godine realizuje šumsko-privredna osnova koja se donosi za period od 10. godina.

**Član 51.**

**(Naknada za općekorisne funkcije šuma)**

**Prijedlog:** da se navedeni član briše.

**Obrazloženje:**

Pravna lica su čak i previše opterećena plaćanjem raznih naknada, te bi ova još dodatno ugrozila njihovo poslovanje.

**Stav predlagača po primjedbi:**

Primjedba se ne prihvata iz razloga jer je navedena naknada bila propisana Zakonom o šumama iz 2002. godine i Uredbom o šumama iz 2009. godine i iz razloga što su to namjenaska sredstava iz kojih se sufinansira čuvarska službe i unapređenje šuma.

**Mehmed Rizvan, Đindići24, Donje Mošter, Visoko**

**Član 34**

**(Privatne šume)**

**Primjedba:** Privatnim šumama upravljaju i gazduju vlasnici istih.



### **Obrazloženje:**

S obzirom da je Nacrtom Zakona o šumama predloženo da privatnim šumama upravlja i gazduje kanton, smatram to štetnim iz razloga što ni do sada Šumske uprave i Kanton nisu vodili računa o njima. Vlasnici privatnih šuma najbolje znaju i umiju upravljati i gospodariti svojim posjedima.

### **Stav predlagača po primjedbi:**

Primjedba se ne prihvata iz razloga što je u stavovima člana 34 (Privatne šume) Nacrta Zakona o šumama propisano:

(3) Vlasnik privatne šume i šumskog zemljišta dužan je da čuva svoju šumu od bespravnog zauzimanja i korištenja, od krađe šume i šumskih proizvoda, sprečava bespravnu izgradnju u privatnoj šumi i na šumskom zemljištu.

(4) Vlasnik privatne šume i šumskog zemljišta ugovorom, uz naknadu, prenosi obavljanje stručnih poslova kako je definisano ovim zakonom, Kantonalnoj upravi za šumarstvo ili pravnom licu za obavljanje poslova u šumarstvu.

(5) Pod stručnim poslovima iz stava (4) ovog člana podrazumjevaju se doznaka, izrada izvedbenog projekta, primanje i premjeravanje drvene mase, izdavanje otpremnog iskaza, planiranje šumsko-uzgojnih radova, stručni nadzor, stručni savjetodavni poslovi i vođenje evidencija.

(6) Naknada iz stava (4) ovog člana iznosi najviše 10 % od cijene na panju posječenih šumskih drvnih sortimenata po cjenovniku šumskih proizvoda koji donosi privredno društvo uz prethodnu saglasnost Ministarstva.

(7) Kada vlasnik privatne šume i šumskog zemljišta ugovorom prenese obavljanje stručnih poslova Kantonalnoj upravi za šumarstvo, naknada se uplaćuje na depozitni račun Bužeta Kantona.

### **Vranac Ragib, dipl. inž. šumarstva**

**Iznio je primjedbe na članove Nacrta Zakona o šumama:** član 12 (Tehnički prijem radova), član 13 (Izvođenje radova u šumarstvu), član 35 (Prenošenje poslova gospodarenja državnim šumama, član 47 (Poslovi Kantonalne uprave za šumarstvo), član 50 (Uplata naknada za korištenje državnih šuma i šumskog zemljišta) i član 62 (Prilagođavanje poslova).

### **Stav predlagača po primjedbama:**

Navedene primjedbe su identične primjedbama kje su dale općine: Olovo i Vareš, te iz navedenog nije bilo potrebe da se ponovo obrađuju i znose stavovi predlagača na iste jer su iste obrađene i dati stavovi predlagača.

### **Mustafa Alibegović, predsjednik savjeta Mjesne zajednice Zimća, općina Visoko**

Informacija koja je usmeno iznesena na Javnoj raspravi i dostavljena u pisanoj formi od strane Mustafe Alibegovića ne odnose se konkretno na članove Nacrta Zakona o šumama, nego na probleme bespravnih sječa u navedenoj Mjesnoj zajednici, o kojim je već raspravljano i nije bilo potrebe da se iznosi stav po istoj.

**Mediha Sirčo i Hamida Čatić**-Služba za prostrono uređenje, imovinsko-pravne, geodetske stambeno-komunalne poslove i zaštitu okoline-Općina Visoko.

**Član 32 stav 2.**  
**(Zabrana zauzimanja šuma i šumskog zemljišta)**

(2) Zabranjeno je svako neovlašteno upuštanje, kao i zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je napustiti odmah po prijemu rješenja šumarskog inspektora ili naloga čuvara šuma, a u slučaju nepostupanja pokreće se odgovarajući sudski postupak.

**Prijedlog:**

Da se briše dio teksta “a u slučaju nepostojanja pokreće postupak po Zakonu o eksproprijaciji”.

**Obrazloženje:** Zakonom o uzurpacijama propisan je način sticanja prava vlasništva na šumskom zemljištu na osnovu posjeda koji kontinuirano traje od 1941. godine, te je nejasno da se pokreće postupak po osnovu pomenutog zakona u slučaju bespravnog korištenja šuma i šumskog zemljišta. Osim toga ovakva odredba je u direktnoj koliziji sa članom 31. stav 3. Nacrta zakona o šumama kojim je propisano da se pravo vlasništva nad državnim šumama ne može steći dosjelošću.

**Stav predlagača po primjedbi:**

Primjedba se prihvata i stav 2. navedenog člana je preformulisan i glasi:

(2) Zabranjeno je svako neovlašteno zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je napustiti odmah po prijemu rješenja šumarskog inspektora, a u slučaju nepostupanja pokreće se odgovarajući sudski postupak.

**Član 45**  
**(Uspostava prava služnosti)**

**Prijedlog:** da se uspostava služnosti u državnim šumama ne uslovljava obavezom proglašavanja javnog interesa u skladu sa Zakonom o eksproprijaciji.

**Obrazloženje:** Ovom Zakonskom odredbom otežavaju se postupci rješavanja imovinskopравnih odnosa u predmetima izgradnje saobraćajnica, vodovoda i sl., objekata od općeg interesa. Osim toga, radi se o projektima za koja su obezbjeđena novčana sredstva koja se moraju utrošiti u određenim rokovima, a način rješavanja imovinskopравnih odnosa primjenom Zakona o eksproprijaciji otežava i usporava cjelokupan postupak zbog čega se navedeni projekti vrlo često i ne mogu realizovati.

**Stav predlagača po primjedbi:**

Primjedba se ne prihvata iz razloga što je Uredbom o šumama iz 2009. godine i Odlukom o uslovima i načinu davanja šumskog zemljišta u državnom vlasništvu u zakup i uspostavu

prava služnosti broj: V 767/10 od 07.09.2010 godine („Službene novine Federacije BiH“, broj: 59/10), definisano da se na šumskom zemljištu može uspostaviti pravo služnosti u slijedećim slučajevima:

- 1) u svrhu izgradnje vodovoda,
- 2) u svrhu izgradnje kanalizacione mreže,
- 3) u svrhu izgradnje plinovoda,
- 4) u svrhu izgradnje elektro vodova.
- 5) služnosti puta,
- 6) za druge namjene ako je proglašen javni interes u skladu sa odredbama Zakona o eksproprijaciji („Službene novine Federacije BiH“, broj: 70/07 i 36/10).

Javni interes se spominje u tački 6. navedene Odluke, a odnosi se da se pravo služnosti koje se može uspostaviti i za druge svrhe osim koje su navedene u tačkama od 1-5, ako je proglašen javni intere, a u predmetnoj odluci nije propisano da je potrebno za slučajeve u tačkama 1-5 provoditi postupak proglašenja javnog interesa.

### **Općina Kakanj**

#### **Primjedbe, pitanja, prijedlozi i mišljenja istaknuti u javnoj raspravi:**

Kantonalna uprava za šumarstvo-Odjeljenje Kakanj Begovac Džemal i JP „ŠPD ZDK“ d.o.o. Zavidovići, PJ „Šumarija“ Kakanj Nusret Kovač.

#### **Član 15 (Preventivne mjere zaštite šuma)**

2) Korisnik državnih šuma i šumskog zemljišta i vlasnici privatnih šuma i šumskog zemljišta dužni su da provode ili obezbjeđuju provođenje šumskog reda, sanitarne sječe i druge preventivne mjere prije nego što bi se šume mogle ugroziti prekomjernim razmnožavanjem insekata, širenjem uzročnika biljnih bolesti ili drugih štetnih organizama. (Ukoliko to ne izvrše, isto je kažnjivo novčanom kaznom od 200-1.500 KM, član 61. stav 1 tačka d).

**Primjedba:** Da li vlasnici privatnih šuma trebaju podnositi Zahtjev za sanitarne sječe, da im se provede doznaka istih u skladu sa članom 9. Zakona o šumama, što će zbog troškova skice, posjedovnog lista zk izvatka, takse i male količine iskoristive drvene mase teško pristati da se izvrše sanitarne sječe ili smiju izvršiti sanitarne sječe bez doznake?

**Prijedlog:** Pojednostaviti administrativnu proceduru podnošenja zahtjeva za sanitarnu sječu, doznaku, otpremu i stavljanje u promet drvene mase od sanitarne sječe.

#### **Stav predlagača po primjedbi:**

Primjedba i prijedlog se ne prihvataju jer se podnosiocu zahtjeva za sječu mogu doznačiti i stabla koja su slučajni užici. Za sva stabla koja se planiraju posjeći, pa i za slučajne užitke, tj. stabla za sanitarnu sječu se moraju doznačiti jer bez doznake istih došlo bi do zloupotrebe, jer

bi se drvena masa koja se posječe bespravno iskazivala kao da se radi o drvnoj masi iz sanitarne sječe.

### **Član 17** **(Promet drveta i nedrvnih šumskih proizvoda)**

(6) Privremeno oduzimanje drveta i nedrvnih šumskih proizvoda koji su stavljeni u promet u suprotnosti sa odredbama ovog člana vrše čuvari šuma, terenska stručna lica ispred korisnika šuma, pripadnici policije i kantonalni šumarski inspektori, a privremeno oduzimanje sredstava kojima je izvršena nezakonita radnja pripadnici policije, u skladu sa važećim propisima koji se odnose na krivičnu, odnosno prekršajnu odgovornost. Privremeno oduzete šumske proizvode, na mjestu privremenog oduzimanja, preuzima Kantonalna uprava za šumarstvo i skladišti ih na mjestu koje sama odredi. U slučaju da postoji mogućnost da se u toku pohranjivanja šumskim proizvodima ili sredstvima umanji vrijednost ili da njihovo pohranjivanje iziskuje nesrazmjerne troškove, privremeno oduzeta roba će se prodati licitacijom, a finansijska sredstva deponovati na prijelazni račun Budžeta Zeničko-dobojskog kantona (u daljem tekstu: Budžet kantona).

**Prijedlog:** Privremeno oduzete šumske proizvode, na mjestu privremenog oduzimanja preuzimat će korisnik državnih šuma, koji će organizovati utovar, prijevoz i skladišti ih na mjestu koje odredi, jer bespravno posječena drvena masa sastavni je dio etata korisnika šuma, a ista posjeduje i potrebna tehnička sredstva i mehanizaciju za privremeno oduzimanje istih. I ostala stručna lica kantonalne uprave koja imaju ovlaštenja za poslove zaštite šuma (šef odjeljenja, viši stručni saradnik za zaštitu šuma) imat će posebne legitimacije za ovlaštenje kontrole i zapljenu drvne mase.

Terenska stručna lica korisnika šuma imat će posebne iskaznice za ovlaštenje kontrole i zapljenu drvne mase.

Čuvari šuma i ostala stručna lica koja imaju ovlaštenje kontrole i zapljene drvne mase trebaju imati stop tablice za zaustavljanje prevoznih sredstava koja vrše promet drvne mase i nedrvnih proizvoda.

**Prijedlog:**

Kombi koji vrši prijevoz nelegalne drvne mase u skladu sa važećim zakonskim propisima smatra se kao sredstvo zajedno sa motornom pilom, sjekirom i ostalim sredstvima kojim je izvršena nezakonita radnja.

**Stav predlagača po primjedbama:**

Primjedbe se privataju i iste će biti ugrađene u prijedlog zakona.

### **Član 29** **(Kretanje motornih vozila u šumi)**

(1) Nije dozvoljeno kretanje motornih vozila u šumama i na šumskim putevima osim u svrhu gospodarenja šumama i nadzora, spašavanja, policijskih istraga, vojnih manevara, mjera za

zaštitu od prirodnih nesreća, turizma, te pristupa vlasnika, korisnika i pojedinaca zemljištu za koje su odgovorni, kao i lokalnog stanovništva.

(Ukoliko to ne izvrše, isto je kažnjivo kaznom od 200-1.500 KM, član 61. stav 1. tačka m).

Pitanje: Potrebno tumačenje kojim šumskim putevima nije dozvoljeno kretanje motornim vozilima?

**Prijedlog:**

To su uvodni šumski putevi ili putevi koje odredi korisnik šuma i Kantonalna uprava za šumarstvo.

**Stav predlagača po primjedbama:**

Prihvata se primjedba koja se odnosi na šumske puteve i ista će biti ugrađena, a iznos kazne je naveden i u nacrtu Zakona o šumama.

**Član 32**

**(Zabrana zauzimanja šuma i šumskog zemljišta)**

(1) Vlada Kantona, Ministarstvo i Kantonalna uprava za šumarstvo provode prava i obaveze iz oblasti šumarstva na području Kantona u skladu sa odredbama ovog Zakona i propisa donesenih na osnovu ovog Zakona.

(2) Zabranjeno je svako neovlašteno upuštanje, kao i zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je napustiti odmah po prijemu rješenja šumarskog inspektora ili naloga čuvara šuma, a u slučaju nepostupanja pokreće se postupak po Zakonu o uzurpacijama.

**Pitanje**

- Potrebno tumačenje pojma naloga čuvara šuma?
- Potrebno tumačenje po kojem Zakonu o uzurpacijama se pokreće postupak (Pošto ne postoji državni, federalni niti kantonalni Zakon o uzurpacijama, da li će se pokretati postupak po zakonu o uzurpacijama bivše SRBiH objavljen u "Službenom listu SRBiH" broj: 6/78)

**Stav predlagača po primjedbi:**

Prihvata se primjedba i ista će biti ugrađena u prijedlog Zakona o šumama, koji će glasiti:

(2) Zabranjeno je svako neovlašteno upuštanje, kao i zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je napustiti odmah po prijemu rješenja šumarskog inspektora, a u slučaju nepostupanja pokreće se odgovarajući sudski postupak.

### **Član 34 (Privatne šume)**

(3) Vlasnik privatne šume i šumskog zemljišta dužan je da čuva svoju šumu od bespravnog zauzimanja i korištenja, od krađe šume i šumskih proizvoda, sprečava bespravnu izgradnju u privatnoj šumi i na šumskom zemljištu.

#### **Pitanje:**

Potrebno tumačenje da li su čuvari šuma obavezni evidentirati štete u privatnoj šumi u knjigu panjeva odnosno da li su obavezni voditi knjige panjeva za privatne šume i vršiti žigovanje panjeva bespravno posječene drvene mase u istim?

Potrebno tumačenje da li će se iskaz sječa za privatne šume raditi bez prikazivanja podataka o štetama u privatnim šumama?

#### **Stav predlagača po primjedbi:**

Da tumačenje navedenog člana nije predmet javne rasprave.

### **Član 35 (Prenošenje poslova gospodarenja državnim šumama)**

(1) Na području Kantona posluje kantonalno šumsko-privredno društvo (korisnik državnih šuma i šumskog zemljišta).

#### **Prijedlog:**

Na području Kantona posluje jedno ili više šumsko-privrednih društava. U sklopu šumsko-privrednog područja formiraju se organizacione jedinice za područje jedne ili više općina u sklopu sa aktima društva.

Osnova za formiranje šumsko-privrednog društva je minimalno šumsko-privredno područje. Akt o osnivanju šumsko-privrednog društva donosi predstavničko tijelo jedinica lokalne samouprave.

#### **Stav predlagača po primjedbi:**

Primjedba na član 35 već je davana od strane općina Olovo, Vareš i Visoko i ista je prihvaćena u dijelu koji se odnosi na formiranje jednog ili više šumsko-privrednih društava.

Dok prijedlog da akt o osnivanju šumsko-privrednog društva donosi predstavničko tijelo jedinica lokalne samouprave se ne prihvata, te da se iza stava (1) dodaje novi stav koji bi glasilo: da na osnovu mišljenja predstavničkog tijela lokalne zajednice-Općinskog vijeća, Odluku o osnivanju šumsko-privrednog društva donosi Skupština Zeničko-dobojskog kantona.

**Član 66**  
**(Stupanje na snagu )**

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

**Prijedlog:**

Pokušati retroaktivno uvezati period od 05.12.2011. godine do donošenja Zakona (Od presatnka važenja Uredbe o šumama do donošenja kantonalnog zakona protekla je jedna kalendarska godina i pripremljeno je mnogo prijava)

**Stav predlagača po primjedbi:**

Primjedba se prihvata se i ista će biti ugrađena u prijedlog Zakona o šumama.

**PJ „Šumarija“ Kakanj-Sabahudin Silajdžić**

**Član 12**  
**(Tehnički prijem radova)**

(2) Tehnički prijem radova izvedenih po projektu za izvođenje radova u šumarstvu vrši Komisija za tehnički prijem radova, koju za državne šume formira korisnik državnih šuma i šumskog zemljišta, a za privatne šume Kantonalna uprava za šumarstvo ili pravno lice registrirano za obavljanje poslova u šumarstvu.

**Prijedlog:**

Odrediti rok rada komisije za tehnički prijem od završetka radova u odjelu.

**Stav predlagača po primjedbi:**

Prihvata se primjedba-prijedlog, da je ispred stava (1) dodano: Za izvedene radove po projektu za izvođenje vrši se tehnički prijem, a najkasnije u roku od 30 dana od dana okončanja radova, taka da je stav (1) Nacrta Zakona o šumama postao stav (2) Prijedloga Zakona o šumama.

**Općina Kakanj-Šef odsjeka za poduzetništvo Fadil Merdić i predstavnik PJ  
“Šumarija” Kakanj Škulj Vehid**

**Član 35  
(Prenošenje poslova gospodarenja državnim šumama)**

Na području kantona posluje Kantonalno šumsko-privredno društvo (korisnik državnih šuma i šumskog zemljišta).

Prijedlog: (u ime općine Kakanj) da na području kantona posluje minimalno dva javna preduzeća (korisnika šuma).

**PJ „Šumarija“ Kakanj-Škulj Vehid**

**Član 35  
(Prenošenje poslova gospodarenja državnim šumama)**

Na području kantona posluje Kantonalno šumsko-privredno društvo (korisnik državnih šuma).

**Prijedlog:**

Razmotriti dosadašnji ŠPD i stvoriti nova državna preduzeća i to da bude:

- Šumarstvo Kakanj;
- Šumarstvo Breza i Visoko;
- Šumarstvo Olovo;
- Šumarstvo Zavidovići, zenica, maglaj i Tešanj.

**Stav predlagača po primjedbama:** Predmetne primjedbe su već obrađene, tj. privaćene od strane predlagača jer su skoro identične sa primjedbama koje su iznesene na predmetni član.

**Općina Kakanj-Šef odsjeka za imovinsko pravne poslove Melisa Amidžić**

**Član 32  
(Zabrana zauzimanja šuma i šumskog zemljišta)**

(2) Zabranjeno je svako neovlašteno upuštanje, kao i zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je napustiti odmah po prijemu rješenja šumarskog inspektora ili naloga čuvara šuma, a u slučaju nepostupanja pokreće se postupak po Zakonu o uzurpacijama.

**Prijedlog:**

Zabranjeno je svako neovlašteno upuštanje, kao i zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je



napuetiti odmah po prijemu rješenja šumarskog inspektora ili naloga čuvara šuma, a u slučaju nepostupanja podnijeti krivičnu prijavu kantonalnom tužilaštvu.

**Obrazloženje:** Bespravno zauzimanje državnog zemljišta po krivičnom Zakonu FBiH predstavlja krivično djelo, pa stoga iz tog razloga treba podnijeti krivičnu prijavu protiv lica koje neovlašteno zauzima državnu šumu.

Također, navedena odredba da se pokrene postupak po Zakonu o uzurpacijama je sama po sebi suprotna odredbi člana 31. stav (3) Nacrta Zakona o šumama koja kaže slijedeće:

(3) Pravo vlasništva nad državnim šumama i šumskim zemljištem ne može se steći njihovim korištenjem ili zauzimanjem bez obzira na period trajanja istog, odnosno dosjelošću. Imajući u vidu navedenu odredbu člana 31. stav (3) Nacrta Zakona o šumama zaključuje se da nema zakonske mogućnosti pokretanja postupka uzurpacije zemljišta po kojem se ne može steći vlasništvo nad šumom koja je u šumskom kompleksu I gdje je bitan uslov, vrijeme uzurpiranja zemljišta, pored još drugih uslova koji maoraju biti ispunjeni, jer je u članu 31. stav (3) propisano: da se pravo vlasništva nad državnim šumama i šumskim zemljištem ne može steći njihovim korištenjem ili zauzimanjem bez obzira na period trajanja istog, odnosno dosjelošću

**Stav predlagača po primjedbi:**

Primjedba se prihvata i ista će biti ugrađena u prijedlog zakona o šumama.

**Član 33 stav 3. i 4.  
(Privatne šume)**

(3) Granice državnih šuma i šumskog zemljišta moraju na terenu biti obilježene vidnim i trajnim znakovima.

(4) Poslove obilježavanja, održavanja i obnove granica državnih šuma i šumskog zemljišta i graničnih znakova vrši korisnik državnih šuma.

**Prijedlog:**

Dodaje se novi stav (5) i (6)

(5) Poslove utvrđivanja, obilježavanja i obnove granice, te poslovanje graničnih znakova između državnih šuma i šumskog zemljišta s jedne i granice privatnih šumai zemljišta s druge strane vrši korisnik državnih šuma, tako što stranka pokreće postupak razgraničenja zemljišta kod nadležnog općinskog organa uprave za imovinsko-pravne poslove u slučajevima gdje granica nije utvrđena ili je uništena ili pokretanjem vanparničnog postupka uređenja međa pred nadležnim sudom.

(6) Utvrđene granice iz satva (2) ovog člana moraju se ucrtati na katastarskim planovima i provesti kroz katastarski operat organa andležnog za geodetske poslove.

Dosadašnji stav (5) postaje stav (7).

**Obrazloženje:** Potrebno je unijeti ovu odredbu koja je postojala u sličnom obliku u starom Zakonu o šumama („Službeni listSR BiH“, broj: 11/78-član 67-71) kao i Zakonu o šumama („Službene novine FBiH“, broj: 20/02, 29/03, 37/04-član 46) s tim da se precizno propiše koji organ treba voditi postupak razgraničenja i donositi rješenje između državnog šumskog

zemljišta s jedne i privatnog vlasništva s druge strane, ko može podnijeti zahtjev, kome se može izjaviti žalba na prvostepeno rješenje.

Imamo za to potrebu jer PJ „Šumarija“ Kakanj upućuje stranke da nam podnose zahtjeve za razgraničenje između privatnog zemljišta i državnog sa obrazloženjem da oni ne mogu postaviti granicu bez rješenja općinskog organa. Međutim općinski organ za imovinsko-pravne poslove nema zakonsku nadležnost da može to raditi, jer je u Uredbi o šumama u članu 29. bilo prpoisano da „Poslove obilježavanja granica državnih šuma i održavanje graničnih znakova vrši korisnik šuma“.

Ovaj prijedlog se može vezati i za član 9. stav 4. Nacrta Zakona o šumama.

### **Stav predlagača po primjedbi:**

Primjedba se prihvata i ista će biti ugrađena u Prijedlog Zakona o šumama.

### **Direktor Društva za proizvodnju, projektovanje i promet roba i usluga „BETA“ d.o.o. Kakanj Taib Bjelopoljak**

#### **Član 35 stav (1) i (3) (Prenošenje poslova gospodarenja državnim šumama)**

(1) Na području Kantona posluje jedno ili više šumsko privrednih društava (korisnik državnih šuma).

(3) Korisnik državnih šuma i šumskog zemljišta obavezan je šumske drvne sortimente prodavati po tržišnim uslovima i cijenama.

### **Primjedba:**

Na osnovu člana 35. stav 1. i 3. može se vidjeti da navedeni Nacrt Zakona o šumama nema adekvatnu naučnu podlogu iz oblasti ekonomije, jer nema dokazivih parametara za određena predviđena Zakonska rješenja. Prije svega mislim na određena rješenja iz člana 35. stav 1. i 3.

Kao prvo stav 1. pomenutog člana govori o načinu organizovanja korisnika šuma, tj. predviđeno je jedno privredno društvo na nivou Zeničko-dobojskog kanton, a stav 3. pomenutog člana govori da se drvni sortimenti trebaju prodavati po tržišnim cijenama, a da predlagač Zakona uz Zakon nije dao određena obrazloženja.

### **Prijedlog:**

Smatram da je neophodno uraditi jednu temeljnu ekonomsku analizu, koja bi trebala biti urađena na osnovu dosadašnjeg iskustva i na naučno zasnovanim teoretskim postavkama.

Ona bi pokazala koja bi organizovanost (jednog ili više privrednih društava na nivou Zeničko-dobojskog kantona bila najkorisnija za kanton.

Član 35. govori da se drvni sortimenti trebaju prodavati po tržišnim cijenama, drugim riječima na osnovu potražnje i ponude što smatramo da bi imalo katastrofalnu posljedicu po ekonomiju Ze-do kantona. Prije svega naši prerađivači drveta ne bi mogli izdržati konkurenciju iz susjedstva, posebno sa zapada čije su ekonomije mnogo jače.

To bi za posljedicu imalo otpuštanje velikog broja radnika u oblasti drvoprerađivačke industrije, koja je jedna od najvažnijih izvoznika u Ze-do kantonu. Slijedeći momenat je bitno napomenuti je činjenica da tržište samo za sebe ne može razriješiti problem ekstranalije. Na ovo se odmah nadovezuje pitanje oportunitetnog (ekonomskog) troška, tj. pitanje propuštenih prilika radi povećanja ukupne koristi. Ovo naglašavam što tržište nema sposobnosti optimalne alokacije resursa. Stvarno tržište je **suboptimalno**. Osim što tržište ne razriješiti problem EKSTRANALIJA, ono takođe ne može da proizvodi javna dobra. Zbog svega tog država (Kanton) mora igrati ulogu realkatora, tj. osigurati alokacijsku efikasnost javnih dobara (u ovom slučaju šume kao javnog dobra). Drugim riječima koja bi to bila ukupna korist koju bi donijelo zakonom predviđeno rješenje dajući prednost tržišnim cijenama, a koja bi bila ukupna korist ako bi u cijene uključili sve OPORTUITETNE troškove.

Na ova pitanja treba da da odgovor ekonomska struka. Prema tome ekonomska struka treba da odgovori: koliko treba da bude privrednih društava u oblasti šumarstva u Ze-do kantonu i kako formirati cijene šumskih sortimenata (koji sve kriteriji ulaze prilikom njihovog formiranja), kako bi se dobila maksimalna korisnost Ze-do kantona.

Zbog navedenih razloga smatramo da bi bilo poželjno da se trenutno obustavi javna rasprava vezano za Nacrt Zakona o šumama, dok se ne uradi jedna detaljna ekonomska analiza koja će odgovoriti koliko i koja su to privredna društva koja će biti korisnici šuma, te kako će biti formirane cijene, da bi se dobila maksimalna korist za Ze-do kanton.

#### **Stav predlagača po primjedbi:**

Primjedba se ne prihvata, jer korisnik šuma shodno dugoročnom planu gospodarenja šumama Šumsko privrednim osnovama izrađuju godišnje planove gospodarenja kojim se planiraju sječe, šumsko-uzgojni radovi, izgradnja šumske infrastrukture, a pošto se radi o tržišnoj ekonomiji izrađuju cjenovnik za drvene sortimente, shodno tržišnim prilikama. Korisnik državnih šuma ne može planirati veće količine drvene mase za sječi mimo planiranog sječivog etata, a treba naglasiti da odobrenja za rad drvoprerađivačima izdaje Ministarstvo za privredu. Na području Zeničko-dobojskog kantona registrovano je više drvoprerađivača nego što na osnovu raspoložive-dozvoljenje sječive drvene mase-etata korisnik šuma može podmiriti kapacitete, tj. potrebe drvoprerađivača na području Ze-do kantona.

#### **Općina Zenica**

Na Javnoj rasparvi u općini Zenica održanoj 28.12.2012. godine predstavnici Mjesnih zajednica „Šerići“, „Radinovići“ dali su primjedbe na član 13. i član 32. Nacrta Zakona o

šumama, primjedbe na navedene članove date su u općinama: Olovo, Vareš, Visoko, Kakanj i iste su prihvaćene te ih nije potrebno ponovo navoditi i obrazlagati.

## **Privredno društvo „ArcelorMittal“ d.o.o. Zenica**

### **Član 51. stav (1) (Naknada za općekorisne funkcije šuma)**

(1) Naknadu za općekorisne funkcije šuma u visini od 0,07 % ukupno ostvarenog prihoda, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i djelovi pravnih lica čije je sjedište van Kantona, a obavljaju djelatnost na teritoriji Kantona.

(2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta Kantona.

(3) Od obaveze plaćanja naknade iz stava (1) ovog člana izuzimaju se: korisnik državnih šuma, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti,.

(4) Kontrolu obračuna i uplate naknade iz stava (1) ovog člana vrši poreska uprava i šumarski inspektori na način predviđen u članu 50. stav (4) ovog Zakona.

#### **Prijedlog:**

Da se stav (1) člana 51. Nacrta Zakona o šumama izmijeni tako da glasi:

Naknada za općekorisne funkcije šuma u visini od 0,05 % ukupno ostvarenog prihoda iz operativnih djelatnosti, odnosno maksimalno 100.000,00 KM godišnje, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona.

#### **Obrazloženje:**

Naime od utvrđivanja nacrta Zakona o šumama Ze-do kantona, pa i u toku trajanja javne rasprave kontaktiralo me nekoliko predstavnika privrednih subjekata koji obavljaju djelatnost na teritoriji Ze-do kantona. Svi isitiču da je ovo dodatni namet na posrnulu privredu koja daje zadnje atome u poslovanju i očuvanju egzistencije subjekata.

Naime ova naknada se ne obračunava od prestanka primjene Uredbe Vlade Federacije o obračunu i naplati naknada za općekorisne funkcije šuma. Početkom primjene ovog zakona povećali bi se troškovi subjekata što bi dalje otežavalo njihov položaj.

Pored toga Federalni Zakon o šumama, čija se radne verzije razmatraju, predviđa naknadu za općekorisne funkcije šuma u visini od 0,07% s time što se 30% tih sredstava izdvajalo za Federalni budžet. Obzirom da se ovdje radi o kantonalnom zakonu po kojem obaveze iz ove takse nisu predviđene za Federalni budžet, predlaže se da se utvrdi visina takse na 0,05 %.

Pored navedenog, obzirom na strukturu i djelatnost privrednih subjekata na području Kantona, naknada se ne bi trebala vezati za „ukupno ostvareni prihod“ nego za „prihode iz operativnih djelatnosti“.

Obrt kapitala u privrednim subjektima realnog sektora kantona je vrlo spor, a vrste prihoda i nominalni iznos prihoda, iako relativno visok, nije pokazatelj profitabilnosti privrednog subjekta.

### **Stav predlagača po primjedbi:**

Da predloženu primjedbu nema potrebe obarđivati jer je ista obrađena.

## **J.P. VODOVOD I KANALIZACIJA D.O. O. Zenica**

Predloženi Nacrt Zakona o šumama Ze-do kantona, kao što je to slučaj i sa Zakonom na Federalnom nivou ne tretira dovoljno zaštitu voda, kao jednu od najvažnijih ekoloških funkcija šuma.

Stoga je potrebno u ovom zakonu posebnu pažnju posvetiti zaštiti voda kao dijela ekološke funkcije šuma od kojeg je jednostavno neodvojiv.

Konkretnije, nužno je ovaj Zakon uskladiti sa Zakonom o vodama („Službene novine FBiH“, broj: 70/06), te sa Pravilnikom o načinu utvrđivanja uslova za određivanje zona sanitarne zaštite i zaštitinih mjera za izvorišta vode za javno vodosnabdijevanje stanovništva („Službene novine FBiH“ broj: 88/12).

JP VIK“ d.o.o. Zenica predlaže, općenito da se u ovaj Zakon ugrade odredbe koje će na sveobuhvatniji i cjelishodniji način zaštititi vode, kao dio ekološke funkcije i to:

- U dijelu „definicija pojmova“ potrebno je da se definiše poseban režim gospodarenja šumama i to na način da se imperativno postavi zabrana sječe šume, izuzev sanitarne sječe u području koje po definiciji spada u to područje.
- Posebno ističemo da je zbog važećih zakonskih propisa o vodama za piće, a posebno zbog sudbine naše i naših potomaka, nužno da se u ovaj zakon ugradi potpuno ista ili slična odrednica slijedećem prijedlogu: U svim prilikama pri planiranju i pri izvršavanju aktivnosti u vezi sa gospodarenjem šumama i šumskim zemljištem, sva lica pravna i fizička, obavezno su dosljedno se pridržavati važećih odluka i drugih propisa, koji se odnose na zone sanitarne zaštite izvorišta pitke vode. Tako npr. Gospodarske osnove, elaborat sječe (eksploatacije) i elaborati uzgoja, izgradnja saobraćajnica i drugih objekata u svemu mora uvažavati propise iz prethodne rečenice. Konkretnije, u slučaju eventualnih suprotnosti ili neograničenosti u propisima, ima se primijeniti pravilo *lex specialis legi generali*, odnosno dati prednost zakonima i propisima koji regulišu oblast vodosnabdijevanja i zaštite voda, jer svjesni smo da bez vode nema života.
- U definiciji pojma „Zaštita šuma“ na kraju definiše dodati tekst „ Te zaštite ekološke funkcije šuma“.
- Takođe u ovom dijelu potrebno je definisati i pojmove izvorište i zonu sanitarne zaštite i to:
  - „Izvorište je mjesto gdje izvire voda ili mjesto gdje iz bunara, pumpom ili na drugi način dobavlja vodu na površinu, skupa sa masom vode  $Q > 1 \text{ l/sec}$  i zemljištem u krugu poluprečnika 50 m“.
  - „Zona sanitarne zaštite je oblast, područje sa kojeg se površinski i podzemno slivaju vode prema dotičnom izvorištu. Zona sanitarne zaštite se u pravilu,

određuje posebnom odlukom jedinice lokalne samouprave, a na osnovu odgovarajućeg Elaborata“.

- U drugom dijelu, koji reguliše planiranje u šumarstvu, voditi računa da šumskorazvojni plan treba/mora obezbijediti trajnost gospodarenja šumama koji uvažava smjernice za uslove gospodarenja vodama i to na način da se u član 4. stav (3) kao nova tačka doda tekst: „ smjernice za zaštitu ekološke funkcije šume sada i u budućnosti“.
- u šestom dijelu „Šume i šumsko zemljište s posebnim režimom gospodarenja“, u članu 18. stav (3) koji reguliše pravo na naknadu za ograničeno korištenje ili povećane troškove zaštite, potrebno je napraviti izuzetak, kada je u pitanju javni interes, odnosno kada su u pitanju podnosioci zahtjeva za proglašenje koji plaćaju koncesiju za određeno šumsko područje, jer bi neosnovano bilo plaćati i koncesiju i troškove za proglašenje šuma sa posebnom namjenom. Naime, ne može se poistovjeđivati šuma za izletišta, odmor, opće obrazovanje, rekreaciju i turizam, gdje je radi ekološkog značaja potrebno izvršiti proglašenje posebne namjene, sa šumama koje kao jedan važniji ekološki faktor takođe moraju biti zaštićena od sječe, u smislu da zbog tog ograničenja, pored koncesije treba još dodatno da plaćaju i naknadu za ograničeno korištenje ili povećane troškove zaštite.
- u devetom dijelu „Saobraćaj u šumama“u članu 30. koji reguliše pravo kretanja kroz šumu potrebno je ugraditi ograničenje kada je u pitanju zona sanitarne zaštite, gdje pristup može biti omogućen samo licima koja imaju posebnu dozvolu za kretanje u ovom području.
- u dvanaestom dijelu „Promjena namjene šumskog zemljišta i gradnja u šumi“, u članu 42. stav (7) potrebno je definisati jasnije da li će se od sredstava koja se uplate za krčenje šuma izvršiti ponovo pošumljavanje iskrčenih dijelova ili će se pošumljavati neki drugi dio šume i u kojem roku?
- u članu 45. koji reguliše uspostavu prava služnosti ispraviti broj člana na koji se uplaćuje radi naknade .... umjesto člana 42. stav 6. trebalo bi član 42. stav 7.
- u članu 48. „Čuvanje šume“ dodati novu tačku koja glasi: vodi računa o eventualnim oštećenjima na ogradama ili drugim oštećenjima i neparvilnostima u zonama sanitarne zaštite“.
- u članu 49. ispraviti članove na koje se uplaćuje u tačkama d i f.

### **Stav predlagača po primjedbi:**

Odredbe koje je JP “VIK” d.o.o. Zenica predložio da se ugrade u Zakon o šumama se ne prihvataju jer je potrebno nakon donesene Odluke o proglašenju vodozaštitivnih zona bilo za mjesne ili gradske vodovode proglasiti šume s posebnom namjenom, te proglašenjem istih bi se ispostovale predložene odredbe za poseban režim gospodarenja šumama.

Što se tiče oslobađanja naknade za ograničeno gospodarenje šumama iz razloga jer se plaća naknada za koncesiju ista se ne prihvata iz razlog što je naknada za ograničeno gospodarenje predstavlja namjenska sredstva i ista se ne mogu poistovjetiti sa naknadom za koncesiju jer su to sredstva koja se odnose na eksploataciju vode.

Što se tiče prijedloga definicija isti se ne mogu prihvatiti jer definicije koje su navedene u članu 3. Nacrta zakona o šumama samo su se odnosile na definicije pojmova iz oblasti šumarstva.

Prijedlozi koji su sugerirani da se isprave pojedini članovi i stavovi se prihvataju i isti će biti u prijedlogu Zakona o šumama ugrađeni.

### **Općina Žepče**

#### **Josip Pavlović-PJ “Šumarija” Žepče**

Osvrnuo se na neusaglašenost Zakona o vodama i Nacrta Zakona o šumama za vodozaštitne zone koje se uglavnom nalaze na šumskom zemljištu.

Prijedlog koji je imao odnosi se na član 52. (Korištenje namjenskih sredstava koja su prihod kantona) da se doda “izdvajanje za učešće u gašenju požara, tj. za nabavku opreme za gašenje požara.

#### **Stav predlagača po primjedbi:**

Primjedba na član 52. (Korištenje namjenskih sredstava koja su prihod kantona) se prihvata i ista će biti ugrađena u prijedlog zakona o šumama.

#### **Grozdić Svetislav- Šef odjeljenja Žepče-Kantonalne uprave za šumarstvo**

Osvrnuo se na član 48 (Čuvanje šume), gdje je istakao da čuvari šuma treba da ostanu u Kantonalnoj upravi za šumarstvo dok se ne donese Federalni zakon o šumama.

#### **Stav predlagača po primjedbi:**

Prihvata se sugestija, da čuvari šuma treba da ostanu u Kantonalnoj upravi za šumarstvo dok se ne donese Federalni zakon o šumama jer se ne zna kakva će organizacija Uprava biti na nivou Federacije.

### **Općina Zavidovići**

Osim jedne primjedbe o neustavnosti predmetnog Zakona o šumama iz razloga što se po stavu jednog učesnika prethodno morao donijeti Federalni Zakon o šumama, ostali učesnici na Javnoj raspravi su imali primjedbe na član 35. (Prenošenje poslova gospodarenja državnim šumama)

#### **Član 35.**

#### **(Prenošenje poslova gospodarenja državnim šumama)**

- (1)** Na području Kantona posluje Kantonalno šumsko-privredno društvo (korisnik državnih šuma).

#### **Prijedlog:**

Stav učesnika javne rasprave je da se u istom članu i u pomenutom stavu precizira da iza riječi posluje, a prije riječi kantonalno ubaci riječ “jedno”.

**Obrazloženje:**

Potreba postojanja samo jednog Kantonalnog šumsko privrednog društva je što je Kanton jedna ekonomska i privredna cjelina koja nije velika i nema smisla cijepati istu na manje cjeline koje ne bi bile cjeline ni u postojećem stepenu zbog cijepanja, nije ekonomski opravdano formiranje više uprava i imenovanje više direktora šumsko-privrednih društava, nije racionalno izrađivati stručne planove na više manjih cjelina, kao na jednoj većoj cjelini.

**Stav predlagača po primjedbi:**

Primjedba se ne prihvata jer primjedbe koje su se odnosile na isti član u općinama : Olovo, Vareš, Kakanj, Visoko su obrađene.

**Općina Maglaj**

Primjedbe koje su se dale na javnoj raspravi u Maglaju od strane Azeme Mulasmajić, M. Sadika Mutu i Mesut Alem predstavnika “Natron-Hayat”, nisu se odnosile na pojedine odredbe članova Nacrta Zakona o šumama, nego su upućene i usmjerene na snabdijevanje sirovinom “Natron-Hayata”.

**Jasminka Mečkić-Šef odjeljenja Maglaj-Kantonalne uprave za šumarstvo**

**Koja je imala primjedbu na član 8. stva (4) (Projekat za izvođenje radova u šumarstvu), da se izvođenje projekata veže za katastarsku česticu.**

**Stav predlagača po primjedbi:**

Primjedba se prihvata i ista je ugrađena u prijedlog Zakona o šumama.

Na javnoj raspravi obratio se Brka Edin ispred J.P. Šumsko-privrednog društva Zeničko-dobojskog kantona d.o.o.Zavidovići, koji se zahvalio na organizovanju javne rasprave i da podržava ranije iznesene primjedbe, koje su iznesene od strane predlagača.

**Stav predlagača po primjedbi:**

Da nema potrebe ponovo iznositi ranije primjedbe, tj. primjedbe koje su iznesene na javnim rasprava ma u općinama u kojim su održane iste niti primjedbe koje su iznesene na raspravi u Maglaju.

U javnu raspravu su se uključili i predstavnici privatnih šuma Smajlagić Ilijas, koji je imao pitanje vezano za prodaju šuma i Suljčić Suad kojeg je interseovalo status privatnih šuma i problem tzv. “zelene linije”-razgraničenje poljoprivrednog i šumskog zemljišta.

**Stav predlagača po pitanjima Smajlagić Ilijas i Suljčić Suada:**



Da je od strane predlagača Zakona bez obzira što se predmetna pitanja nisu odnosila konkretno na članove Nacrta Zakona o šumama dati odgovori i pojašnjenja na postavljena pitanja.

### **Općina Doboj Jug**

Na javnoj raspravi u općini Doboj Jug posebnih primjedbi od strane prisutnih na Nacrt Zakon o šumama nije bilo po osnovu bilo kojeg člana.

Predstavnik Lovačkog društva "SRNDAĆ" Doboj Jug Sulejman Kurbašić podržao je Nacrt Zakona o šumama i predložio da se po mogućnosti u zakon ugradi kao instrument da šumari mogu da obavljaju i lovočuvarsku službu ali sve u skladu sa Zakonom o lovstvu.

#### **Stav predlagača po primjedbi:**

Primjedba se ne prihvata, jer je članom 75. Zakona o lovstvu propisano da je korisnik lovišta dužan osigurati lovočuvarsku službu, koju vrše lovočuvari kao službena (ovlaštena) lica zaposlena u lovištu i iz razloga što je u tački f stava (5) dužnosti čuvara šuma član 49 (čuvanje šuma) propisano da čuvari šuma prate stanje divljači.

#### **Miralem Begić**

Da je konstataciju da na području općine Dobo Jug nema državnih šuma, ali postoji činjenica da ima nekontrolisane sječe šuma, te da je potrebno pojačati nadzor nad sječom šuma da li kroz ovaj zakon ovlastiti i drugu instituciju nad provođenjem nadzora.

#### **Stav predlagača po konstataciji:**

Da se konstatacija prihvata, te da je provođenje nadzora nad nekontrolisnom sječom regulisna kroz poslove čuvarske službe-čuvara šuma i šumarskom inspekcijom.

**Afan Aličić**-predstavnik općine Doboj Jug, osvrnuo se na sam proces dostavljanja dokumentacije kod sječe šume, obzirom da gruntovne knjige za Mjesnu zajednicu Matuzići se nalaze u Doboju (RS) i nisu usklađene sa katastrom općine Doboj Jug, tako da je potrebno za građane ove Mjesne zajednice pronaći alternativu za izvod iz gruntovnice kao dokaz vlasništva dok se gruntovnica i za ovu Mjesnu zajednicu ne riješi.

#### **Stav predlagača po sugestiji:**

Sugestija se ne prihvata, jer gruntovne knjige nisu samo neriješene u općini Doboj Jug nego ima još općina, te da su vlasnici privatnih šuma dužni da riješe pitanje dokaza vlasništva, podnošenjem samoinicijativnih zahtjeva za uspostavljanje zemljišnoknjižnog uloška.

### **Kemal Zaimović**

Podržao je zakon ali se malo osvrnuo na sam proces odlaganja otpada od strane građana u šumama i nomađenje po šumama, obzirom da postoji odluka općinskog vijeća o zabrani nomađenja na području općine Doboj Jug.

### **Stav predlagača po sugestiji:**

Da se sugestija ne prihvata iz razloga što je u stavu (5) člana 49. (Čuvanje šuma), tačka f) Prijedloga Zakona o šumama propisano da su čuvari šuma dužni sprječavati odlaganje smeća i drugog otpada u šumi i uništavanje graničnih znakova.

Što se tiče nomađenja u šumi u stavu (1) člana 24. (Pašarenje), propisano je da, paša, žirenje, brst, kresanje grana i lisnika (u daljnjem tekstu: pašarenje) u šumama nije dozvoljeno bez pisanog odobrenja korisnika državnih šuma i šumskog zemljišta.

### **Općina Usora**

**Anto Bonić**, Šef službe za gospodarstvo, finansije nije imao konkretnih primjedbi na Nacrt Zakona o šumama, ali je istakao i podržao značaj donošenja Zakona o šumama na području Zeničko-dobojskog kantona.

**Marica Bašić**, zaposlenica Odsjeka za geodetske poslove, katastar nekretnina i katastar komunalnih uređenja nije imala konkretnih primjedbi na članove Nacrta Zakona o šumama, ali je posebno istakla problem nekontrolisane i bespravne sječe šuma koju po svaku cijenu treba staviti pod nadzor. Isto je istakla problem utvrđivanja entiteske crte koju treba zajednički rješavati radi rješavanja određenih nesuglasica kod korištenja šuma i šumskog zemljišta.

### **Stav predlagača po primjedbi:**

Da je primjedba osnovana, a da su stavom (5) dužnosti čuvara šuma člana 49 (čuvanje šuma), definisane dužnosti čuvara šuma, kroz čije dužnosti je definisan nadzor nad bespravnim sječama.

Što se tiče problema utvrđivanje entiteske granice koju je potrebno zajednički rješavati radi korištenja šuma i šumskog zemljišta navedena problematika treba da se rješava tj. trebala jebiti riješana sa državnog nivoa, a da je članom 36. (Prenošenje poslova gospodarenja državnim šumama), propisano da će se ugovorom korisniku državnih šuma i šumskog zemljišta prenijeti poslovi gospodarenja državnim šumama i šumskim zemljištem u granicama Zeničko-dobojskog kantona.

### **Anto Bonić**

Smatra da u članu 37 Nacrta Zakona o šumama treba umjesto 7,00 % da stoji 12 % kako bi naknada na namjenski račun općina u članu 50. tačka c. iznosila 10 %, umjesto 5 %.

#### **Stav predlagača po primjedbi:**

Da nema potrebe navedenu primjedbu obrađivati jer je već obrađena, jer je slična primjedba data i u općini Vareš i iz razloga što je donošenje kantonalnog zakona o šumama privremenog karaktera do donošenja Federalnog Zakona o šumama.

### **Mara Džido**

Smatra da član 44. treba mijenjati u smislu da dio naknada po osnovu davanja u zakup državne šume i šumskog zemljišta radi postavljanja privremenih objekata treba uplaćivati u korist namjenskog računa općine na čijoj teritoriji se ostvaruje prihod.

#### **Stav predlagača po primjedbi:**

Da se primjedba ne prihvata iz razloga što je članom 43 (Krčenje šuma-pretvaranje šumskog zemljišta u građevinsko) propisano da se sredstva uplaćuju u omjeru 60:40 u Budžet Kantona i Budžet Federacije i da su to namjenska sredstva koja se mogu koristiti samo u svrhu podizanja novih šuma, a da se vrijednost utvrđivanja naknade za davanje u zakup obračunava kako je to navedenim članom propisano.

Zatim primjedba se odnosila na član 45. stav (3) Prije sklapanja ugovora iz stava (2) ovog člana, potrebno je pribaviti mišljenje Kantonalnog pravobranilaštva, koji treba mijenjati tako da iza Kantonalnog pravobranilaštva treba da stoji i mišljenje, saglasnost općine na čijoj teritoriji se nalazi šuma i šumsko zemljište.

#### **Stav predlagača po primjedbi:**

Primjedba se ne prihvata iz razloga što Kantonalno pravobranilaštvo davanjem traženog mišljenja štiti i interese općina na čijem području tj. šumama i šumskim zemljištem se uspostavlja služnost.

### **Marta Pranjić**

Smatra da u članu 14. stav (2) (**Zabrana čistih sječa i drugih oblika pustošenja šuma**) treba mijenjati, tako da rok za pošumljavanje bude kraći od dvije godine.

#### **Stav predlagača po primjedbi:**

Primjedba se ne prihvata iz razloga što je to rok od dvije godine primjeren rok, jer je potrebno pripremiti površinu za pošumljavanje, a površine koje su opžarene postoji mogućnost da će se dio opožarenih stabla oporavi.

Takođe od strane Mare Pranjić data je primjedba da u članu 37. (**Naknada za korištenje državnih šuma**), koji glasi:

Korisnik državnih šuma dužan je plaćati naknadu u visini od 7% ostvarenog prihoda od drveta računajući cijenu drveta na panju i prihoda ostvarenog od nedrvnih šumskih proizvoda, u skladu sa odredbama člana 50. ovog Zakona.

Predloženo je naknada treba biti veća od 7 %, odnosno 10-15 %, kako bi se u većem iznosu vraćala naknada na namjenski račun općine.

**Stav predlagača po primjedbi:**

Predložena primjedba-izmjena je već obrađena jer je ista primjedba data i u općini Vareš i drugim općinama u kojim su održane javne rasprave, koja je obrađena.

Zatim je data primjedba da se u članu 47. (Poslovi Kantonalne uprave za šumarstvo),stav (1) tačka a) treba mijenjati u smislu da Kantonalna uprava za šumarstvo obezbeđuje neposrednu zaštitu ne samo državnih šuma i šumskog zemljišta nego i privatnih šuma i zemljišta.

**Stav predlagača po primjedbi:**

Primjedba se ne prihvata jer je članom 34. (Privatne šume) u stavu (3) propisano da je vlasnik privatne šume i šumskog zemljišta dužan da čuva svoju šumu od bespravnog zauzimanja, korištenja od krađe šume i šumskih proizvoda, sprečava bespravnu izgradnju u privatnoj šumi i šumskom zemljištu.

Na javnoj raspravi u općini Usora osim navednih primjedbi postavljeno je pitanje od strane Ante Bonića, vezano za projekat pošumljavanja kako je predviđeno, na koje su od strane predlagača Amire Jusufbašić i Paše Hodžića dati odgovori da se pošumljavanje vrši shodno šumsko-privrednim osnovama-godišnjim planovima gospodarenja, te je istaknuto da za pošumljavanje u privatnim šumama treba podnijeti zahtjev kantonalnom ministarstvu, te da je potrebno animirati vlasnike privatnih šuma u smislu pošumljavanja.

Takođe je od strane Josipa Avgustinovića postavljano pitanje problema sušenja šume, odnosno da li postoji neki stručnjak iz te oblasti koji bi ispitao taj problem, te smatra da sječu šume treba zakonski uredovati.

Odgovor je dat da bi se ispitao problem sušenja šuma potrebno je podnijeti zahtjev Ministarstvu koji će proslijediti Šumarskom fakultetu koji će izvršiti detaljna ispitivanja i utvrditi prave razloge sušenja šuma.

**Općina Tešanj**

Na javnoj raspravi u općini Tešanj date su slijedeće primjedbe.

**Fehro Krđalić**, predstavnik PJ „Šumarija“ Tešanj-J.P. Šumsko-privredno društvo Zeničko-dobojskog kantona d.o.o. Zavidovići, primjedba na

**Član 8. stav (4)**  
**(Projekat za izvođenje radova u šumarstvu)**

- (2) Projekat za izvođenje radova u šumarstvu donosi korisnik za državne šume, a za privatne Kantonalna uprava za šumarstvo ili pravno lice registrirano za obavljanje poslova u šumarstvu.

Treba da stoji:

Projekat za izvođenje radova u šumarstvu donosi korisnik državnih šuma i on određuje realizatora projekta.

### **Član 12 stav (2) (Tehnički prijem radova)**

(1) Komisija iz stava (1) ovog člana sastoji se od tri člana. U sastav Komisije obavezno ulazi diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja) koji je izradio projekat za izvođenje radova u šumarstvu, diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), predstavnik Kantonalne uprave za šumarstvo, a treći član može biti diplomirani biolog inženjer zaštite okoline, kao i diplomirani inženjer šumarstva. Tehnički prijem radova pošumljavanja vrši se poslije dvije godine od završetka njihovog izvođenja.

U članu 12 stav (2) treba da stoji:

Da treći član komisije za tehnički prijem radova u šumarstvu može biti samo diplomirani inženjer šumarstva, jer najbolje poznaje problematiku poslova.

Dodati u član 12. rok za tehnički pregled odjela treba da bude 30. dana po završetku radova.

Mišljenja smo da konačno čuvanje državnih šuma i šumskog zemljišta treba vratiti u sastav Šumsko-privrednog društva kao što je urađeno na području Tuzlanskog kantona.

#### **Stav predlagača po primjedbama:**

Primjedbe koje su date na član 8 stav (4), i član 12. se prihvataju i ugrađene su u prijedlog zakona, dok se primjedba da čuvanje državnih šuma i šumskog zemljišta treba vratiti u sastav Šumsko-privrednog društva kao što je urađeno na području Tuzlanskog kantona se ne prihvata, a razlog za istu je već obrađen.

#### **Nadir Medarić**

Smatra da je dobro da se razmatra Zakon o šumama obzirom da nema propisa koji definiše ovu oblast, ali ima određenih primjedbi koje se ogledaju:

### **Član 2 (Definicija šuma i šumskih zemljišta)**

(1) Pod šumom, u smislu ovog Zakona, podrazumijeva se zemljište obraslo šumskim vrstama drveća i grmlja čija površina prelazi 1.000 m<sup>2</sup> i čija je širina najmanje 20 metara i ako njihove krošnje pokrivaju više od 30 % zemljišta. Šumom se smatraju i šumski rasadnici, plantaže šumskog drveća, čistine za trase dalekovoda i druga javna infrastruktura u šumi, površinske vode i močvare unutar šuma i sastojine šumskog drveća i žbunja koje su izrasle na poljoprivrednom zemljištu ako su starije od 30 godina i ako njihove krošnje pokrivaju više od 30 % zemljišta.

U članu 2. potrebno je preciznije definisati šta se podrazumjeva pod šumom, da li se misli na parcelu jednog ili više vlasnika.

**Stav predlagača po primjedbi:**

Da je definicija šume definisana i da istu nije potrebno preciznije definisati, a podrazumjeva se da definicija šume u privatnim šumama obuhvata parcelu jednog ili više vlasnika iz razloga što, su to usitnjene površine.

**Član 4 stav (3)**  
**(Kantonalni šumsko-razvojni plan)**

(3) Kantonalni šumsko-razvojni plan sadrži najmanje sljedeće:

- a) kartu sa ucrtanim granicama šuma i šumskog zemljišta, granicama šumskoprivrednih područja i gospodarskih jedinica, uzimajući u obzir granice općina i kategoriju nosioca prava na šumama; gdje će svi analitički i grafički podaci biti u GIS formatu.

U navedenom članu u stavu (3) treba unijeti da će se svi podaci biti u GIS razmjeri, odnosno svi analitički i grafički podaci da će biti u GIS formatu.

**Stav predlagača po primjedbi:**

Primjedba se prihvata i ista je ugrađena u prijedlog zakona o šumama.

Zatim su od strane Nadira Medarića tražene su definicije u članovima kako slijedi:

U članu 5. definisati da li jednim šumsko-privrednim područjem gospodari jedno šumsko-privredno društvo i u stavu 5. alineja b) nije potrebno da stoji i zemljišnoknjižni ulošci jer stalno dolazi do nekih promjena, te podaci neće biti tačni. Već je istaknut značaj GIS-a i povezivanje sa geodetskom upravom.

U članu 6. nije definisano šta znači šumskoprivredana osnova, ko finansira šumskoprivrednu osnovu za privatne šume, a u tačkama 6. i 7. istog člana upitno da li pravno lice može imati zaposlenike master koji ispunjavaju tražene uslove.

U članu 8. stav (6) nije definisano šta sa puno malih sječa privatnih šuma.

U članu 9. stav (4) propisani su uslovi koji se ne mogu naći na terenu, nema granica obilježenih na zemlji.

U članu 12. se definiše rad komisije, postavlja se pitanje zašto postoji nadzor ili mu treba dati veći značaj.

U članu 22. tstav (1) definiše zabranu loženja vatre, ali se postavlja pitanje izletišta.

U članu 28. stav (3) da li su potrebni akti organa nadležnog za poslove građenja.

U članu 32. nije data definicija koja je šuma državna. Zašto općina ne može biti vlasnik šuma i znači li to ako neko želi da pokloni općini šumu i šumsko zemljište da se ne može to učiniti jer općina ne može biti vlasnik šume.

Član 32. stav (2) riječ ušuštanje-šta znači?

Član 39. ne definiše ko će utvrditi naknadu i šta ako vlasnik ne odobri.

U članu 42. stav (3) da li se odnosi na sve šume ili samo na državne šume, da li je potrebna sva dokumentacija navedena u stavu (4). Smatram da su tačkr 6 i kontradiktorne.

U članu 44 stav (2) riječi privremenih objekata bristi jer nema privremenih objekata.

Član 44. stav (2) dodati ukoliko nema saglasnosti provodi se postupak u skladu sa Zakonom o eksproprijaciji.

U članu 50. stav (3) kontrolu treba da vrši ministarstvo.

U članu 51. stav (1) ne stoji na koja pravna lica se odnosi.

#### **Stav predlagača na primjedbe na tražene definicije:**

U toku javne rasprave predlagač Nacrta Zakona o šumama Nadiru Medariću dao je pojašnjenja na definicije, te iz navedenog nije potrebni iznositi stavove predlagača na iste..

### **Mensur Saletović**

#### **Član 22**

#### **(Zabrana loženja vatre u šumi i zaštita šuma od požara)**

Postavio pitanje šta sa državnim šumama, ko učestvuje? Kakvo je učešće ministarstva u problematici miniranih šumskih površina? Gašenje požara u šumama? Smatra da je nedovoljno definisano

#### **Stav predlagača po pitanjima**

Da je u toku rasprave odgovoreno na postavljeno pitanje, a da nije postavljena konkretna primjedba, a sva postavljena pitanja će se definisati donošenjem podzakonskih akata..

### **Trepčić Mustafa**

Na raspravi je istaknuo da ga kao građanina pogađa bespravna sječa šume na Lalića imanju u Šijama, korisnik „Šumarija“ Tešanj i da se treba nešto poduzeti i zaštititi šuma, krađa se vrši traktorima svakodnevno, počinioce svi znaju ali niko ne sprečava, građani žele protestom ukazati na nerad nadležnih iz šumarstva i policije.

#### **Stav predlagača na primjedbu Trepčić Mustafe:**

Da je potrebno da se bespravna sječa prijavi nadležnoj Kantonalnoj upravi za inspeksijske poslove, na šta je Hamzalija Hojkurić kritički osvrnuo, rekavši da je sasvim dovoljno što je građanin rekao i da prisutni predstavnici organa treba da upoznaju nadležne iz Ministarstva, Uprave za šumarstvo, ŠPD-a, MUP-a i dr.

Od strane Udruženja-Udruga Privrednika-BIZNIS CENTAR, Jelah/Tešanj data je primjedba da se izmijeni član 51. Nacrta Zakona o šumama

#### **Član 51.**

#### **(Naknada za općekorisne funkcije šuma)**

- (1) Naknadu za općekorisne funkcije šuma u visini od 0,07 % ukupno ostvarenog prihoda, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i djelovi pravnih lica čije je sjedište van kantona, a obavljaju djelatnost na teritoriji kantona.

**Prijedlog:**

1) Naknadu za općekorisne funkcije šuma u visini od 0,07 % ukupno ostvarene neto dobiti, a maksimalni iznos ne može biti veći od 50.000,00 KM (pedeset hiljada), plaćaju sva pravna lica koja su registrovan za obavljanje djelatnosti i imaju sjedište na teritoriji Kantona, kao i djelovi pravnih lica čije je sjedište van kantona, a obavljaju djelatnost na teritoriji kantona.

(2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta kantona.

(3) Od obaveze plaćanja naknade iz stava (1) ovog člana izuzimaju se: korisnik državnih šuma, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti.

(4) Kontrolu obračuna i uplate naknade iz stava (1) ovog člana vrši porezna uprava i šumarski inspektori na način predviđen u članu 50. stav (4) ovog Zakona.

**Stav predlagača po primjedbi:**

Primjedba se ne prihvata, ista je već u izvještaju obrađena, tj. naveden je razlog neprihvatanja iste.

Takođe od strane Društva za promet naftom i naftnim derivatima „HIFA-OIL“ Tešanj, je data primjedba na član 51.

Smatramo da član 51 predloženog Zakona o šumama nije realan za trenutno stanje privrede BiH, stoga kao rješenje za član 51. predmetnog nacrtu koji se odnosi na plaćanje naknade za općekorisne funkcije šuma predlažemo jednu od slijedećih varijanti.

**Prijedlog 1: Član 51. (Naknada za općekorisne funkcije šuma)**

(1) Naknadu za općekorisne funkcije šuma u visini od 0,07 % ukupno ostvarene neto dobiti, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i djelovi pravnih lica čije je sjedište van kantona, a obavljaju djelatnost na teritoriji kantona.

(2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta kantona.

(3) Od obaveze plaćanja naknade iz stava (1) ovog člana izuzimaju se: korisnik državnih šuma, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti.

(4) Kontrolu obračuna i uplate naknade iz stava (1) ovog člana vrši porezna uprava i šumarski inspektori na način predviđen u članu 50. stav (4) ovog Zakona.

**Prijedlog 2: Član 51. (Naknada za općekorisne funkcije šuma)**

(1) Naknadu za općekorisne funkcije šuma ne može biti veća od 50.000,00 KM za svako pojedinačno pravno lice, a plaćaju je sva pravna lica koja su registrirana za obavljanje



djelatnosti i imaju sjedište na teritoriji Kantona, kao i djelovi pravnih lica čije je sjedište van kantona, a obavljaju djelatnost na teritoriji kantona, s tim što će se putem Pravilnika, a na osnovu iznosa ukupnog prihoda izvršiti klasiranje obveznika naknade za općekorisne funkcije šuma sa utvrđivanjem stvarnih iznosa naknade po svakoj pojedinačnoj klasi. .

(2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta kantona.

(3) Od obaveze plaćanja naknade iz stava (1) ovog člana izuzimaju se: korisnik državnih šuma, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti.

(4) Kontrolu obračuna i uplate naknade iz stava (1) ovog člana vrši porezna uprava i šumarski inspektori na način predviđen u članu 50. stav (4) ovog Zakona.

#### **Stav predlagača po primjedbama-prijedlozima:**

Primjedbe-prijedlozi se ne prihvataju, jer su iste već u izvještaju obrađene, tj. naveden je razlog neprihvatanja istih.

### **Kantonalna uprava civilne zaštite Zeničko-dobojskog kantona**

Kantonalna uprava civilne zaštite Zeničko-dobojskog kantona je predložila slijedeće izmjene i dopune:

#### **Član 3 stav (1) (Definicija pojmov)**

Da se iza tačke 12. doda nova tačka „Šumski požar jest požar koji nastaje i širi se šumom i šumskim zemljištem ili koji nastaje na nekom drugom zemljištu i širi se šumom i šumskim zemljištem“.

**Obrazloženje:** U samom tekstu Nactra zakona, na nekoliko mjesta, član 14. stav (2) ili član 48. stav (5) tačka a) pominje se „šumski požar“ ali nema tumačenja/značenja tj. definicije pojma.

#### **Stav predlagača po primjedbi:**

Primjedba se prihvata iz razloga što se pojam „šumski požar“ pominje na nekoliko mjesta, član 14. stav (2) ili član 48. stav (5) tačka a) za koje nema tumačenja/značenja tj. definicije pojma, te će se u članu 3 u stavu (1) Prijedloga zakona o šumama dodati tačka 14. kojom je navedeno značenje pojma „šumski požar“.

U članu 3., stav (1), u tački 20. iza riječi „gospodarenje“ dodati riječ „i zaštitu“.

#### **Obrazloženje:**

Šumska infrastruktura namjenjena je između ostalog i za zaštitu šuma (osmatračke stanice, protupožarni prosjeci, vanjska hidrantska mreža).

**Stav predlagača po primjedbi:**

Primjedba se prihvata i iz razloga što je ispuštena riječ „i zaštitu“, te će se u Prijedlogu zakona o šumama, u članu 3., stav (1), u tački 20. iza riječi „gospodarenje“ dodati riječ: „i zaštitu“.

U istom članu, istom stavu, u tački 23. iza riječi „gospodarenje“, dodati riječi „i radi zaštite šuma od požara (za prolaz vatrogasnih vozila i tehnike)“.

**Obrazloženje:** Šumski putevi, ovisno od prohodnosti, koriste se kao protupožarni putvi za kretanje vatrogasnih vozila i tehnike za gašenje šumskih požara. Iste je potrebno periodično i održavati.

**Stav predlagača po primjedbi:**

Primjedba se prihvata i iz razloga što je ispuštena riječ „i radi zaštite šuma od požara (za prolaz vatrogasnih vozila i tehnike)“, te će se u Prijedlogu zakona o šumama, u članu 3., stav (1), u tački 23. iza riječi „gospodarenje“ dodati riječ: „i radi zaštite šuma od požara (za prolaz vatrogasnih vozila i tehnike)“.

U istom članu, istom stavu, u tački 24., riječ „elementarnih“, zamijeniti riječju „prirodnih“.

**Obrazloženje:** Za događaje koji su uzrokovani djelovanjem prirodne sile na koje ljudski faktor ne može uticati kao što su: potres, poplava, visoki snijeg i snježni nanosi, olujni ili orkanski vjetar, grad, prolom oblaka, klizišta, suša, hladnoća, te masovne pojave biljnih bolesti i sl., u važećoj zakonskoj legislativi Federacije Bosne i Hercegovine koristi se pojam „prirodne nepogode“, član 3. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10). Pojam „**elementarna nepogoda**“, koristi se u zakonu o zaštiti od elementarnih nepogoda („Službeni list SR BiH“, broj: 40/90), koji je donošenjem zakona o zaštiti i spašavanju, stavljen van snage.

**Stav predlagača po primjedbi:**

Primjedba se prihvata i ista će biti ugrađena u Prijedlog zakona o šumama.

U članu 11. stav (2) brisati.

**Obrazloženje:** U članu 3. stav (1) tačka 1., dato je obrazloženje pojma „Biološka obnova šuma“, te je ovaj stav u ovom članu suvišan. Ukoliko predlagač zakona smatra da je nužan i da treba ostati, onda je potrebno isti uskladiti da je identičan definiciji pojma člana 3.

**Stav predlagača po primjedbi:**

Primjedba se prihvata, te je u Prijedlogu zakona o šumama u članu 11. stav (2) pojam „Biološka obnova šuma“, usklađena sa članom 3. stav (1) tačka 1.

U članu 13. stav (2), riječ „protivpožarne zaštite“, zamijeniti riječima „zaštite od požara“.

**Obrazloženje:** Terminološko usklađivanje sa Zakonom o zaštiti od požara i vatrogastvu.

**Stav predlagača po primjedbi:**

Primjedba se prihvata, i ista će u Prijedlogu zakona o šumama u članu 13. stav (2) riječ „protivpožarne zaštite“, biti zamijenjena riječima „zaštite od požara“.

Iza poglavlja „Dio sedmi-zaštita šuma i šumskog zemljišta“ dodaje novi član koji glasi:

**Član 22**  
**(Zaštita od požara u šumama)**

- (1) Zaštita od požara u šumama, na šumskom i poljoprivrednom zemljištu organizira se i provodi u skladu sa ovim zakonom i kantonalnim zakonom o zaštiti od požara i vatrogastvu.
  - (2) Ogovornost za zaštitu od požara u šumama, na šumskom i poljoprivrednom zemljištu imaju sva pravna i fizička lica koja su vlasnici ili korisnici šuma, šumskog i poljoprivrednog zemljišta, kao i organi uprave Kantona koji su nadležni za šume i šumska zemljišta, te poljoprivredno zemljište».
- Postojeći članovi 22. do 66., postaju novi članovi 23. do 67.

**Obrazloženje:** Predlagač zanemaruje postojanje kantonalnog Zakona o zaštiti od požara i vatrogastvu („Službene novine Zeničko-dobojskog kantona“, broj: 5/11), koji je donesen u skladu sa članom 165. Zakona o zaštiti od požara i vatrogastvu („Službene novine Federacije BiH“, broj: 64/09). I jedan i drugi zakon, za promet imaju požar kao pojavu koja svojim djelovanjem uništava sve vrste materijalnih i drugih dobara i imovinu, prirodne resurse (šume i poljoprivredne proizvode) i ugrožava život i zdravlje ljudi i biljni i životinjski svijet. Zakon je definisao i predmet zaštite od požara, pa između ostalih zaštitu šuma, šumskog zemljišta, te regulisao prava i dužnosti organa Kantona, pravnih i fizičkih lica u zaštiti od požara u šumama, član 12., 15., 19., 20., 21., 38., itd., te isti sa gledišta predmeta zaštite, uređuje organizaciju i funkcionisanje zaštite od požara, planiranja i provođenja mjera zaštite od požara, stručnog snabdijevanja i usavršavanja zaposlenih lica i drugog ne može se zanemariti. Takođe, na osnovu navedenih zakona, doneseno je dosad već nekih 20 podzakonskih propisa.

**Stav predlagača po primjedbi:**

Primjedba se prihvata, te su u članu 22. (Zabrana loženja vatre u šumi i zaštita šuma od požara), iza stava (4) u Prijedlogu zakona o šumama dodati novi stavovi (5) i (6), koji glase;

- (3) Zaštita od požara u šumama, na šumskom i poljoprivrednom zemljištu organizira se i provodi u skladu sa ovim zakonom i kantonalnim zakonom o zaštiti od požara i vatrogastvu.
- (4) Ogovornost za zaštitu od požara u šumama, na šumskom i poljoprivrednom zemljištu imaju sva pravna i fizička lica koja su vlasnici ili korisnici šuma, šumskog i poljoprivrednog zemljišta, kao i organi uprave Kantona koji su nadležni za šume i šumska zemljišta, te poljoprivredno zemljište».

U članu 22., dodaje se novi stav (5) koji glasi: „Kantonalni ministar će propisati sadržaj plana šuma od požara iz stava (3) ovog člana i obrazac na kojem će se izvještaviti o šumskim požarima“.

**Obrazloženje:** Kantonalno ministarstvo koje upravlja državnim šumama ugovorom prenosi obaveze korisniku državnih šuma Propisuje način čuvanja šuma na osnovu procjene ugroženosti šuma od požara, određenu po stepenu opasnosti i datih smjernica za zaštitu šuma od požara, član 3. stav (3), tačka h) Zakona. U vezi sa navedenim, resorno ministarstvo je to koje propisuje tehničke, preventivno-uzgojne i druge mjere zaštite šuma od požara koje su dužni u okviru gospodarenja šumama provoditi kantonalno šumsko-gospodarsko društvo za državne šume i kantonalna uprava za šume za privatne šume, član 3. stav (1), tačka 6. i član 7. zakona. Primjer za to je Pravilnik o sadržaju planova zaštite šuma od požara („Službene novine Federacije BiH“, broj: 21/04) koji je bio donesen na osnovu Zakona o šumama („Službene novine Federacije BiH“, broj: 20/02 i 29/03).

**Stav predlagača po primjedbi:**

Primjedba se prihvata, te su u članu 22. (Zabrana loženja vatre u šumi i zaštita šuma od požara), iza stava (4) u Prijedlogu zakona o šumama iza dodatih novih stavova (5) i (6), dodati stav (7) koji glasi:

(7) Ministar će propisati sadržaj plana šuma od požara iz stava (3) ovog člana i obrazac na kojem će se izvještavati o šumskim požarima“.

U članu 29. stav (1), riječ „katastrofa“ se zamjenjuje riječju „nesreća“.

**Obrazloženje:** Važeća legislativa u Federaciji BiH u oblasti zaštite i spašavanja, ne koristi pojam „katastrofa“, već „nesreća“. Klasifikacija pojmova, tačka 5. metodologije za izradu procjene ugroženosti od prirodnih i drugih nesreća („Službene novine Federacije BiH“, broj: 35/04) i članu 2. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04, 38/06, 52/09 i 56/09).

**Stav predlagača po primjedbi:**

Primjedba se prihvata, te će u Prijedlogu zakona o šumama u članu 29. stav (1) riječ „katastrofa“, biti zamijenjena riječju „nesreća“.

U članu 48., stav (5), tačka a), nije jasno precizirano/definisano po čijem planu (ko je donio plan) zaštite od šuma od požara, čuvari kantonalne uprave za šumarstvo, čuvaju šumu i šumsko zemljište.

**Obrazloženje:** Zakon mora jasno definisati ko, šta, kako, da bi se izbjeglo različito tumačenje određenog rješenja.

**Stav predlagača po primjedbi:**

Primjedba se ne prihvata, iz razloga što je u članu 48., stav (5), tačka a), propisano da čuvar šuma čuva šumu i šumsko zemljište od šumskih požara na način kako je utvrđeno ovim zakonom i planovima zaštite šuma od požara.

U članu 52. stav (1) tačka e), riječ „elementarne“ zamijeni riječju „prirodne“.

**Obrazloženje:** dato u tački 4. ovog prijedloga.

**Stav predlagača po primjedbi:**

Primjedba se prihvata i ista će u Prijedlogu zakona o šumama biti izmijenjena.

U članu 56. stav (1) iza riječi „zakonom“, dodati riječ „zakonom o zaštiti od požara i vatrogastvu“.

**Obrazloženje:** Član 144. Zakona o zaštiti od požara i vatrogastvu („Službene novine Zeničko-dobojskog kantona“, broj: 5/11) regulišu inspekcijski nadzor zaštite od požara u šumam i šumskio zemljištu i na poljoprivrednom zemljištu.

**Stav predlagača po primjedbi:**

Primjedba se prihvata i ista će u članu 56. stav (1) Prijedloga zakona o šumama biti dodata-ugrađena.

**Plančić Ibrahim-Zastupnik u Skupštini Zeničko-dobojskog kantona, dao je prijedlog da se:**

**Član 51. stav (3)  
(Naknada za općekorisne funkcije šuma)**

(3) Od obaveze plaćanja naknade iz stava (1) ovog člana izuzimaju se: korisnik državnih šuma, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobit.

Prijedlog da se u stavu (3) člana 51. iza riječi „dobiti“ doda zarez i tekst: „te pravna lica koja upošljavaju preko 50 % invalidnih lica bez obzira na obavljanje djelatnosti radi sticanja dobiti“.

Ovom izmjenom kompletan stav (3) člana 51. Zakona o šumama trebao bi da glasi:

Od plaćanja naknade iz stava (1) ovog člana izuzimaju se: korisnik državnih šuma, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti, te pravna lica koja upošljavaju preko 50 % invalidnih lica bez obzira na obavljanje djelatnosti radi sticanja dobiti.

**Obrazloženje:**

Cijeneći da je veoma mali broj pravnih lica (firmi) koje upošljavaju preko 50 invalidnih lica (RVI i CŽR), smatram da bi bilo izuzetno važno od naknade za općekorisne funkcije šuma osloboditi takva lica. Na taj način bi se Zakon o šumama Ze-do kantona uskladio sa zakonom o porezu na dobit FBiH, prema kojem su firme sa više od 50% zaposlenih invalidnih osoba (RVI i CŽR) osolbođene poreza na dobit.

Znajući da ovakvih firmi ima veoma malo, te da kanton u finasijskom smislu neće imati značajnije koristi ukoliko bi ostalo predloženo rješenje, a prihvatanjem ovog prijedloga bi se poslala jasna poruka kako poslodavcima u vidu stimulacije za zapošljavanje navedenih kategorija da ih zajednica i društvo uvažava kao ugroženu socijalnu kategoriju.

Istovremeno bi ovaj Zakon učinili komplementarnim sa zakonom o porezu na dobit.

**Stav predlagača po primjedbi-prijedlogu:**

Prijedlog se prihvata i isti će biti ugrađen-dodat u Prijedlog zakona o šumama.

**Mustafa Spahić-Zastupnik u Skupštini Zeničko-dobojskog kantona**

Primjedba da se izmijeni stav (1) člana 51.

**Član 51. stav (1)****(Naknada za općekorisne funkcije šuma)**

(1) Naknadu za općekorisne funkcije šuma u visini od 0,07 % ukupno ostvarenog prihoda, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i djelovi pravnih lica čije je sjedište van kantona, a obavljaju djelatnost na teritoriji kantona.

Izmjena stav (1) člana 51. bi glasila:

(1) Naknadu za općekorisne funkcije šuma u visini od 0,05% ukupno ostvarenog prihoda iz operativnih djelatnosti, odnosno maksimalno 100.000,00 KM godišnje, plaćaju sva pravna lica koja su registrirana za obavljanje djelatnosti i imaju sjedište na teritoriji kantona, kao i dijelovi pravnih lica čije je sjedište van kantona, a obavljaju djelatnost na teritoriji Kantona.

**Obrazloženje:**

Naime od utvrđivanja Nacrta zakona o šumama Ze-do kantona, pa i u toku trajanja javne rasprave kontaktiralo me nekoliko predstavnika privrednih subjekata koji obavljaju djelatnost na teritoriji Ze-do kantona. Svi ističu da je ovo dodatni namet na posmlulu privredu koja zadnje atome u poslovanju i očuvanju egzistencije subjekata.

Naime ova naknada se ne obračunava od prestanka primjene Uredbe Vlade Federacije o obračunu i naplati naknada za općekorisne funkcije šuma. Početkom primjene ovog zakona povećali bi se troškovi subjekata što bi dalje otežalo njihov položaj.

Pored toga Federalni zakon o šumama, čije se radne verzije razmatraju, predviđa naknadu za općekorisne funkcije šuma u visini od 0,07 %, s tim što se 30% tih sredstava izdvaja za Federalni Budžet. Obzirom da se ovdje radi o kantonalnom zakonu po kojem obaveze iz ove takse nisu predviđene za federalni budžet. Predlažem da se utvrdi visina takse od 0,05 %.

Pored navedenog, obzirom na strukturu i djelatnost privrednih subjekata na području kantona, naknada se ne bi trebala vezati za „ukupno ostvareni prihod“ nego za „prihode iz operativnih djelatnosti“. Obrt kapitala u privrednim subjektima realnog sektora kantona je vrlo spor, a vrste prihoda i nimalni iznos prihoda iako relativno visok, nije pokazatelj profitabilnosti privrednog subjekta.

**Stav predlagača po primjedbi:**

Primjedba se ne prihvata iz razloga jer je navedena naknada bila propisana zakonom o šumama iz 2002. godine i Uredbom o šumama iz 2009. godine i iz razloga što su to namjenaska sredstava iz kojih se sufinansira čuvarska službe i unapređenje šuma.

Po pitanju očekivanja Federalnog nivoa vlasti mi donosimo kantonalni zakon i ne možemo propisati odnosno definisati obeveze prema Federaciji.

Skupština Zeničko-doobjskog kantona-Stručna služba svojim aktom broj: 01/02-02-25834-1/12 od 05.12.2012. godine, dostavila je dio transkripta u kojem je sadržana rasprava po Nacrtu Zakoa o šumama.

Analizom dio transkripta u kojem je sadržana rasprava po Nacrtu Zakona o šumama utvrđeno je da su iznesena mišljenja da se ovaj Zakon dugo čekao, doduše sa federalnog nivoa, na kojem je donošenje istog zapelo, a izraženeo je zadovoljstvo za izradu Kantonalnog zakona o šumama.

Sve primjedbe i prijedlozi koji su izneseni na raspravi Skupštine Zeničko-dobojskog kantona održane 14.11.2012. godine po Nacrtu Zakona o šumama od strane Skupštinskih zastupnika odnosile su se na član 35 (Prenošenje poslova gospodarenja državnim šumama), tj. na organizaciju šumarstva, član 50 (Uplata naknada za korištenje državnih šuma i šumskog zemljišta), član 51 (Naknada za općekorisne funkcije šuma), član 33 (Promet šuma), član 58 (Kaznene odredbe).

Kako je na javnim rasprava u općinama izneseno gro primjedbi na navedene članove na koje su primjedbe i prijedloge iznijeli Skupštinski zastupnici, koje su obrađene i prihvaćene, smatrali smo da nema potrebe ponovo iste obrađivati i zauzimati stav po istim, te da će Skupštinski zastupnici prihvaćanjem istih biti zadovoljni.

S poštovanjem

Broj: 05-02-17093-7/12  
Zenica, 24.04.2013. godine

**MINISTAR**

**Bojan Bošnjak**

Obrađivač akta:

Amira Jusufbašić